

کتابخانہ اقدام

عدد ۵

آثار اسلافدن

کمال پاشا زاده

ناظمی

کمال پاشا زاده



طابع و ناشری

اقدام غزته سی صاحب امتیاز و باش محرری

احمد جودت

معارف نظارت جلیله سنک رخصتیه طبع اولنمشد

درسعات — اقدام مطبعه بی

۱۳۱۳

بِسْمِ اللَّهِ الرَّحْمَنِ الرَّحِيمِ

قصیده لر

دوشدی دللرکل یوزکده زلف پرتاب اوسته
اوشدی ماهیلر صناسک صوده قلاب اوسته

چشم پراشک اوزره تاب اورسه رخک عکسی نوله

رسمدر قنیدله آتش ینار آب اوسته

خطکه طولاشسه دل حسنک کتاینده نوله

اکثریا بحث تفسیر اولور اعراب اوسته

عارضکدن خط چیقوب طوتدی سواد زلفکی

رومدن لشکر واروبدر صانکه اعراب اوسته

خط یاقوت اوزره کیمسه نقطه قویمادی مکر

بکارک کیم دوشدی اول لعل شکر ناب اوسته

صفحه خدکده دل ایلر خیال خط وخال

کورنیجه دیوانه در کیم نقش ایدر آب اوسته

حقه یاقوتدر چشم طولودر وکهر

لبلرک عکسی دوشدن اشک خوناب اوسته

دوندورر مردم سرشکم چشمی دولاب وار

کوزه پرآبدر چشم اودولاب اوسته

كوزم اسطرلابدر حسن ارتفاعن آلمغه
عنكبوتی پرده مژگان اول سطرلاب اوستنه
اشك خونین ایچره چشمده خیال خال دوست
صان مکسدر دوشدی جام باده ناب اوستنه

*

**

ایلدی موسی صفت زلفی عصاسن اثردها
صالدى خطك خضروش سجاده سن آب اوستنه
خانه دلده صاچك کیم غیره اولمشدر حجاب
برده مشکینه بکزر کاصیایر باب اوستنه
کوکله عشقك دوشوب ناراجه کیتدی عقل و صبر
لاجرم یغما اولور اود دوشسه اثواب اوستنه
مردم چشم آیرماز لبرکدن خال وش
جان ویریر مسکین مکس کوردکجه جلاب اوستنه
لبرك شوقيله قان ذوکسه نوله بوکوزلرم
قان دوکلك شمدمی اولدی می ناب اوستنه
جنگ غمده ضرب ناخله رک جانم بنم
لرزه ایلر چنك تارى کیمی مضراب اوستنه
ایتلریکی قویوب اغیاریکه میل ایتمز کوکل
کیسه اعداسینی تقدیم ایتمز احباب اوستنه
عاشقه دایر ایتم { دیدکجه شادیدن اولور
کیمدرر عالمده جان ویرمز خوش القاب اوستنه
عارضی آینه سنده عکس رخسارم بنم
کوسا رک خزاندر کیم دوشر آب اوستنه

خوشدر افسانه نی زلفکده تطویل ایتسه لر
 کرچه کیم دیمشدر املا اولور اطباب اوسته
 آب کوثرله یور آغزین لبلرکدن سوز آچوب
 دل قاچان مدح اوقوسه شاه ظفریاب اوسته

*

سن سین اول علامه عالم که دورکده سنک
 ظاهر اولدی فضل روم اعجام واعراب اوسته
 کورمدی ذات شریفک کیبی قطب معرفت
 بونجه ییللردر دوزر بوچرخ اقطاب اوسته
 آدیکی منبرده چونکیم یاد ایدر که که خطیب
 منبر آنکه تقدم ایتدی محراب اوسته
 چرخ اطلس اوستکه چتر هایوندر کاتک
 شمس زربندر شمس جهان تاب اوسته
 کون یوزکدن ایتی یوز کوریدی برکون پر چرخ
 کرم اولوب کیمزدی قائم کورک سنجاب اوسته
 عکس رخسارکه کیم تاب اوره تیغک برق وار
 آبه بکزرکیم دوشر خورشیددن تاب اوسته
 قوردی دولاب زبرجد سبزه زارکده فلک
 اولدی زرین کوزه یلدرلر اودولاب اوسته
 درکه عالیده دربان اولماسه هرکون سحر
 زر عصایله دیکلمزدی کلوب باب اوسته
 کاسه چینیده آلتون حل ایدر هرکون کونش
 زرنشان نقش اتمکه قصرکده ابواب اوسته

خاص اولوب شانکده شاه فضل بی پایان حق
قصر لطفک عام اوله اعدا واجباب اوسته

دائم وقائم طوته حق دولتک اوتادینی
نیجه کیم چرخ فلک دور ایده اقطاب اوسته



عدوی سنک دل ایچنده دلدی کان خنجر
جهانه لعل نثار ایتدی خون فشان خنجر

های فتحدر آغزینه استخوان آلمش
نه خوش ایدیندی عدو قلبن آشیان خنجر

منور ایتکه دیجور رزمی شمع کبی
ایدیندی نیجه سیمینی شمعدان خنجر

عدونک ایتدی باشی بوشلفینی ظاهر کور
ایچی چور وکلکنی ایلدی عیسان خنجر

زبان حال ایله خون عدویه تشنه لکن
دیانی طشره چیقارمش ایدر بیان خنجر

بررسی کشفده غالب بریسی دقده
سنان ایله نیجه کز اولدی امتحان خنجر

عجیبی قویسه یالنچق قلیچ نیامندن
چودوزدی معرکه کی حشردن نشان خنجر

نیجه کزه ایل اراسنده شویله عریان تیغ
نیجه یوده یوریوب خلق ایچنده قان خنجر

نیجه صونه آلتی نهب وروبچون شمشیر
نیجه اوزاده دل آزار اولوب زبان خنجر

باشینی کندویه چکسون قلیچ برا زمدت
 دیلینی کندوده طوتسون براز زمان خنجر
 جهانده قالمادی قهر اولمادق عدو آرق
 کرک که باغلامیه قتل ایچون میان خنجر
 چون اولدی عهد شهنشاهده جهان خوش حال
 آلتاسون اله سیف و سنان کان خنجر

*

کورن صانیر که دکزدن آتلی برماهی
 قاچان که برق اوره کفکده نا کهان خنجر
 دکزده ماهی یه بکزدی کوکده ماه بوه
 النده سن شهک اولیدی پکر روان خنجر
 قپوکده قوللریکه ایتهمیدی کر تقلید
 طاقنازایدی مه نودن آسمان خنجر
 شهاب وتیر وکان و سنانکی کوتوروب
 یوروب اوککجه چکه شاه خاوران خنجر
 کونش یوزکدن اولور ایدی فرق ذره قدر
 النده سن شهک اولسیدی هرزمان خنجر
 اوککده کون کبی چینی سپر اوله چون چرخ
 کورونور اول آرده ماه آسمان خنجر
 خطاب قهریکی فهم ایتزایدی قلب عدو
 کر اولماسیدی ارایرده ترجمان خنجر
 دیلینه قصه سین آلمادی پیر دستانک
 سنک اوککده اوقوبالی داستان خنجر

نبرد ایچنده اولور دست برد که قائل
 عدوکه آغزبنه آنی صوقار زبان خنجر
 نشان زردرر اول دست زرفشانکه
 کورنلر آنی صایر اولدی زر نشان خنجر
 اوککده شعله شمع ظفر طورر ایکلر
 نسیم نصرتک اسدجه ناکهان خنجر
 سنان اوککده باش اوینادی سر فراز اولدی
 نشار فیلدی کوروب آنی باش و جان خنجر
 چکوب یانیکه ایدینسه مکرب آنی نوله
 اوککده باشنی چون ایتدی درمیان خنجر
 الیدرر قلیجک پهلوان معرکه نک
 دیلیدرر اول الک کیم ایدر بیان خنجر
 ییلان قوشا تدیغکی جنکده بیان ایلر
 لسان افیایله زهر جان ستان خنجر
 قلیجک آبنه دبسوز لافی نیچون دیرلر
 دلی دکلیدر اول صو کی روان خنجر
 عدوکی اورمیچون یومروغن دوکر کوره رک
 سوچی صورمیچون اوزادر زبان خنجر
 عدوکه ایلدی چون نقد عمرینی غارت
 نه کیردیه اله ایتدی درمیان خنجر
 کورنجه آقادی همان آغزی صوی شمشیرک
 چون ایچدی دشمنک قانی روان خنجر

نه سوزكه قلبكه لايح اولور مديحكده
 ديلي ايچنده در آني كسر هان خنجر
 حسود اولماسه قائل بودل فريب سوزه
 ديليني كسسون اكا ويرمهسون امان خنجر
 كوزيني خصمك ايدوب تيغ چشمه خونين
 سراسر ايده يوزين چشم خون فشان خنجر
 كوزنده هر مژدهسي دشمنك اولوب خنجر
 تنده اوله عدوكك هر استخوان خنجر

غزلر

حروف الألف

ايها الساقى لنا دع ما كدر خذما صفا
 قوبزه غم درديني نوش ايله سن جام صفا
 صو بولانمادين طورلماز دل مكدر اولمادن
 محنت هجران ايله سورمز وصنا الكدن صفا
 صبح اقباليمه چكدي شام محنت پرده سين
 زلفي يوزنده كي كافور اوزره اولدي مسك سا
 زلف و غمزه ك فكرله صحراي عشقك كورونور
 هر كياهي اوق ييلاني هر اغاجي ازدها
 سينه سنده كيزله ديكي داغ عشقي دل بوكيم
 خر قهسي ايچنده صاقلار درهمي اولسه كدا

قدیکه ایرمکدر اول فکری عشق ایجره دلک
طفل مکتب کبی کیم ایلر الفدن ابتدا
هیچ دل خالی دکل قدک هواسندن سنک
یوقدرر عالمده بریر کاولیه آنده هوا



دیدى دلبر شمع کبی یانه سویلرسین بکا
چون دل اوچندن ینارسین یانه سویلرسین بکا
یوز ویروب اغیاره کستاخ ایلدک دیدم دیدى
بیلمیوب سوزک نه کستاخانه سویلرسین بکا
بلرینه جام وصلکدن بنی مست ایت دیدم
خشم ایدوب چشمی دیدى مستانه سویلرسین بکا
زلفک افسونیه کوکدن آیی ایندیرمش دیدم
اوبقویه واروب دیدى افسانه سویلرسین بکا
سویله سهک شاهانه وار دیدم دیدى خشم ایلوب
برکداسین سن نیچون شاهانه سویلرسین بکا



جسممی چون داغ حسرت قیلدی سرتاسر قارا
اولدی سودایه سواد اعظم آنده هر قارا
شوق رخسارک کور یحک تیره اولورسه کوکل
طک دکل کیم شعله قلماسه اولور اخکر قارا
آیری دوشلدن یکاغشک بکلرکدن ایلدی
داغ حسرتله یورکک لاله احرر قارا

صاچلارك هندوسى مشك چيندن اولمش صنم
فرق اولماسه نوله بريرينه بكرر قارا

دود آهمدن قاراردى صانمه كيم زلفى كې
قىلدى كوكلم خانمان اول پرى پيكر قارا
سن كونشدن آيريلغه بريجه قاتلانيموب
طاشلرايله كوكسنى دو كوب قمر ايلر قارا
اى كوزى آهو پلنك كوه عشق ايتدك بنى
داغ حسرتله ايدلدن جسمى يرير قارا



كلشنه سروكدن ايلتمش خبر پيك صبا
ال اوزاتمى كيم چنار ايدى آنكله مرجبا
لاله رخسارك كې بركلده يوقدر دنك وبو
مئلى يوغيدى جهانده ويرسه كر بوى وفا
زلفك اوجنه ايرن آير لېكدن كام دل
قدره اوغرايان كشينك حاجتى اولور روا
نازله كلشنده مستانه صاندى شاخ كل
مست صاندى غنجهنك آغزبن قوقار باد صبا
توتيدان خاطرنده چشمك واردر غبار
يوزينه باقاز دخى كر خاك پايكى بولا
دل كرك صافى كه عشقك پرتوندن حظ آله
چلون مجلا اوليه آينه كسب ايتمز صفا

نوعروس مصر طوتدی یوزینه نیلی نقاب
زلفکک شامنده ظاهر اولهلی حسن و بها



آکغه طویماز یوزی دل ویرمک ایستر جان آکا
نه دیایله برکشی جانان اوکنده جان آکا

خط قازیتق ویردی خوش صورت نکین لعلک

کوردی خاتم قالدی یارمق ایصیروب حیران آکا

بر بلالی بابلاک در باغ عشقکده کوکل

کیم جکرده تازه داغیدر کل خندان آکا

چشمه حیوانه لعلک قنی حیوان بکره دیر

کورسه ایدی جان ویریدی چشمه حیوان آکا

تاب عشقک یاقدی جانی کوز یاشندن نفع یوق

اسی چالمشدر یوره کن نیلسون یاران آکا

صاقینوب خامه دیلندن آدینی اول دلبرک

نامه شوقیمی یازدم یازمادم عنوان آکا

تاب عشقکده صولاردی سبزه زاری عمرمک

دمبدم صو سیمه سه بودیده کریان آکا



زلفک اوچندن کوکل دوشدی بلا زنجیرینه

هپ بلا باشی سنکه آشنالقدر بکا

بولماسه باغ وصالکدن نوله برک و نوا

کوی عشقکده غرض چون بی نوالقدر بکا

بر نفس كويك يقاسن قوماسه دن نوله
 كيم جهانده خوش كلن آنجق بورالقدر بكا
 اول قدى بالا بلاسندن نيجه اولهم خلاص
 چون نصيب اولان ازله مبتالقدر بكا



جام لعليله كوكل عيش مدام اولسون سكا
 اول شرابي بنسز ايجرسهك حرام اولسون سكا
 ييللر اولدى برسلام ايله بزي ياد ايمهك
 بي وفار چوقدرر اما سلام اولسون سكا
 سرووسون قد و خطكه قول اولسون قوكتا
 نه قدر آزادهلر وارسه غلام اولسون سكا
 سايه كيبي خاك اول يولنده برسروقدك
 كر ديلرساك روضه رضوان مقام اولسون سكا
 بي ربا طاعت كر كسه كل طريق عشقه كير
 مطربي واعظ ايدن ساقى امام اولسون سكا
 برقارش كسمك كرك قدك اوزوندر اى رقيب
 كر ديلرساك خلعت عشقى تمام اولسون سكا
 سيديك خون جكردر ايجديكك كوز ياشلرى
 بوصفا اسيايى اى دل مستدام اولسون سكا



اولدى سودازده زلفك غميله مشك خطا
 كورنجه باغرى خون ايتدى آنك بوسودا

زلفك هر قیای بادل التمه كوروبن
 كیمدن اولدی عجباً هند ایلنده یغما
 چین زلفیکه سنك نیچه دییه مشکین دل
 زلفك برقیله دکنزیکن چین و خطا
 کیجه اویقوده کورر دلکه قوجار ایجه بلک
 دوشده موکوردیینه چکسه کرک رنج وبلا
 هیچ یارک نظر اول ایجه بلندن سچمن
 موی کیس-ولریخی کاولدی سکا دام بلا



طاشلره کار قیلار ایتمز اثر آه سکا
 نه دمیردن یورک ایتش بکم الله سکا
 غصه زلف سیاهک کبی یوق جوریکه حد
 قاجان انصاف ویریر بیامزم الله سکا
 سرو قدیکی کناره کترینجه باشم
 اره یرده یورولور وارہ کله آه سکا
 باشن اکدیکی بودر قاشیکه ای کعبه حسن
 کوریک کون یوزیکی سجده ایدر ماه سکا
 کویک اطرافنی طوتدی دکره دوندی باشم
 آجیدیم بوکه قالمادی کذرکاه سکا
 کیزلیر قارشنی بزه ناز ایدر اولدی سایک
 خویک اوکرندی شها اولهلی همراه سکا

نرد عشقکده کوکل گاه یوتار که یوتولور
عالمک حالی بودر بکا گاه سکا



بیقلسه دل هوای رخکله بولور صفا
بوزلسه او طولار ایچنه لاجرم ضیا
صافی کوکلده ظاهر اولور عشق پرتوی
صورت کورونمز آینهده اولماسه صفا
عشق اولماینجه باشده قاچان جوش ایدر کوکل
دریا تموج ایله مز اولما ییجق هوا
اوردم کوکل خرابه سینه غم کلنیکنی
چیقدی خیال زلفکله کافری بنا
باقدقجه کلشنه آچیاور کوکلی غنجه نک
اولور بهار ایرشسه چمن سیری دلکشا
بلبل نیازه باشلادی سن ناز قیل دییه
کلشنده کل بوداغنی تحریک ایدر صبا
کلسه رقیب خاطرکه زلفنه یاپش
دیمشله اولور ایتی آک حاضر ایت عصا



عشقه اویدک نیله دک کورسه ک بکا
دیمدیمدی بو حالی بن سکا
جان صفاسینی سورردک ای کوکل
مانع اولماسه هوای تن سکا

کلدی چون اول ماه طلعت بزمکه
 شمع کچی قارشوسنده یان سکا
 نور اولورسک نار عشقیله یانوب
 کلشن وصل اوله هر کلشن سکا
 وقت کلدر باغه کل ای لاله رخ
 سرو وعره اوزه نور چوقدن سکا
 صبحدم آچوب کل وزکس کوزین
 کوز قولاق طومش طورر کاشن سکا
 کوردی کلدیگ سنک ای کلمذار
 اورو طوردی سرو بیرندن سکا



عشقه نه انتها بوله بیلدک نه ابتدا
 جان ویرمکیله کیمدر آکا بوله انتها
 یانمازایدی فراقه دل عشقه دوشمهسه
 اولمازایدی جهنم اودی اولسه هوا
 نیجه ییقیله کلبه احزانی کوکلمک
 زلفک خیالی اوردی آکا کافری بنا
 خونی کوزی یوزومه قیا باقسه وجهی وار
 کیم زعفرانه میل ایدر آهوی چین خطا
 رومنده حسنکک واریحق شام زلفکه
 چیندن دم اوردی مشک خطا ایلهدی خطا
 صونک ایچنده یاتماق ایله مار اولوردی فیصل
 زلفک یوزکده یوزه کلوب کورینه صبا

ایزک توزی عیرینی صاتش ییانلره
یوقدر یوزیکه یوزه کلوب کورینه صبا



دوشمش هوای زلفکه ای سیم بر صبا
آواره اولدی که اکلنمیوب کزر صبا

لیلی صاچک هواسنه بخون وقت اولوب
دیوانه اولدی طاغلره دوشوب یلر صبا
واردجه کلستانه چیچکلر عروسنه
ایزک توزین عبیر دیه خوش صانار صبا

اوفورسهر چراغی سوزرکن سبب نه در
اوفورمکیلله لاله چراغن یاقار صبا
بکزرکه کوردی کویکه بویکه اوغراد
کیم دوشدی یوله آردینه باقاز قاچار صبا
باغک یولنده ترکسک آردندن ایریشوب
اورر کوزینه توز وکلاهن قبار صبا
شبنم کوزی یاشیله کیجه کویکی صولر
قابوک اوکینه کلوب سوپوره چین سحر صبا



جان گوشنه زلفک طاقه لی حلقه سودا
دل حلقه زلفک کیدر بی سرو بیجا
بردمده قیلار بیک دل و جان مرده سن احیا
لعلنده ظهور ایتدی مکر سر مسیحا

موسا کیدروب خط سیاهینی یوزندن
 کوستردی عذارنده نكارك ید بیضا
 کل رخلری یاننده کورن لب لری دیر
 کیم کوردیکی وار کل بوداغنده یتہ خرما
 نار رخک آهم توتون کوک چیقاردی
 اود دوشدی کوکل شهرینه کل ایله تماشا
 صحرای فراقکده صوسز باغری قاراردی
 جان آندی لبك چشمه سنه لاله حمر
 صافی دل ایسهك ایت لبك ذکرینی صوفی
 کل کور نه صفا بخش اولور جام مصفا



کلشنده که دوشدی صویه برک کل رعنا
 معشوق ایله عاشق یوزیدر کور کوده کویا
 او یکنیمه طغراسنه سن خسرو حسنک
 منشور فلکده کورون غره غرا
 خط لی نقشیه نكارك قاشی رسمی
 منشور جماله بری مهر و بری طغرا
 استاد چمن چونکه طوقور سبزه حریرن
 برک کل حمرادن اورر باد آکا تمغا
 یازدقده یوزک مصحفی کاتب تقدیر
 شانمده بنم ایلدی عشق آیتن املا

زلفك غمی كوكلومی بلك فكرینه صالدى
 كوركیم نیجه حاله براقوبدر آنی سودا
 زاهد نه بیایر اصانى ایمان ایله كفرک
 آقدن قاردهی فرق ایده منر دیده اعم



حرف الباء

عارض اولدی کؤکلہ یوزک کوریمجک اضطراب
 عکس مرآتکدن اول صواوزره کویا دوشدی تاب
 کل یوزکده دُر دیزلمش قطره شبنم کبی
 ظاهر اولش چشمه مهر ایچره انجمن حباب
 صورت یارن خیالن باغرینه باصمش یاتار
 کرچک ایمش عاشق دیدارد دیرلردی آب
 مانع اولدی قانلی یاشم کل یوزیکی کورمکه
 کون یوزیکه صان شفقندن طوتدی کلنار نقاب
 ایستدی دل دزدی چیقماغه خیالک قصرینه
 فکر زلفکدن بلینه باغلادی مشکین طناب
 کویکه وارن سحر باشن ایشککده بولور
 سایه وش افتاده در سن سرو قد آفتاب
 طاق کردوندن یاغار خلق اوستنه کرد فنا
 اسکیمجک سقف خانه دوکولور آندن تراب

چرخ کردوندن بیلیرسین اکسک اولماز انقلاب
 بکله یارک ایشکین کیم برکون اوله فتح باب
 هرنه درده کیم دوا سورسه لبک امسه بولور
 کورمدن دنیاده بن انک کبی حاضر جواب
 لبلرکدن آلسه اوج بوسه اولور قام حلال
 کیم مثلث اولیجق دیرلر حرام اولماز شراب
 گوشه زلفکدر هرکیجه ماهک منزلی
 هر سحر کل رخلرکدر جلوه گاه آفتاب
 آیاغیکه چوق دوکر کوز یاشنی عاشق لک
 حسنک بنیادین اول آب ایدیر آخر خراب
 صفحه خدکه یریر نقطه مشکین قومش
 حسنک دیوانی ایسترکه ایده انتخاب
 جان ویریر آکا که جاناندن مجرد اوله دل
 اهل تجریدک طریقده اولور برقیل حجاب
 سویلسون ایل دیکه سن بیلدیک ایله سویله مه
 سویلدم بن بیلدیکم والله اعلم بالصواب



ای بت چین چون یوزک این تماشا ایتدی آب
 دوشدی اندامینه لرزه کندیسندن کیتدی آب
 سروه اولاشدینی ایچون کلستاندن سور دیلر
 طورمادی تک یوزی صوین یوللره آقیتدی آب
 عاشق دیدار اولوبدر کوزی یاشن بیکه من
 کندوبی شمدنکری جمع ایده من طاغیتدی آب

کوکلی بولاندى هوايه اويدى چکزندى باشى
چکدیلر زنجیره آخر کندیسنه نیتدی آب
باشن آلدی چیتدی شهرایچنده هرکز طورمادی
باغدن سروى سورک دیدکلرین ایشیتدی آب
سروى کوردی دلبرک قدینه بکزر سین دیه
آپاغینه یوز سوروب شوریده لکلر ایتدی آب



کاکلی اوچنده رخسارن کورن یارک صانیر
ایدینیر زلفن کوکه چیقماغه معراج آفتاب
رخلریله آلتنه یارک کونشدر دیرایدم
اولسه ایدی کر کوکک یوزنده برقاج آفتاب
پنبه ابرایله طولدرماغه چرخک بسترین
یای ایدوب قوس قزحدن اولدی حلاج آفتاب
کاسه ایله کویکی دور ایله مزدی هر سحر
خوان حسنیکه سنک اولماسه محتاج آفتاب



دهر باغی آره سنده آره مه برک طرب
کیم کلی شعله غم غنجه سیدر خار تعب
الی ایرمدیکنه کیشینک آرتار هوسی
دلده آرتارسه هوای قد دلبر نه عجب

روزوشب فکر رخ وزلفک انیسم اولدی
هرزمان قدرایله عید اولدی بکا روزایله شب

دیمه نه وجه ایله چیقدی سر زلفی یوزینه
عجمك اوسته ظاهر می دکل فضل عرب
قسمت اولمائی بولماز طلب ایتمه کیشی
یوق یره آغزی ایچون ایتمه دلا سعی طلب



زلفی غمینه اویدك اولور سین کوکل خراب
ویرانه در یرك چون اولور رهبرك غراب
یوزن — کورنجه زلفی غمن اونودر کوکل
قلماز کیجه قراکوسی طوغدقده آفتاب
سیلاب اشکم اوزره کورن چشمی دیدی
آقار صو اوزره نیجه طورور خیمه حباب
چرخ اوردی شاد اولوب کوزمك یاشنه کوکل
دیوانه در که سیل صوینه قوردی آسیاب
فراش باد صحن کلستانی قیلدی پاک
اولدی عروس غنجهنك آینه داری آب
تردن یوزی کوزلارک اولور کهر فروش
شوقکله چونکه کرم اوله بازار آفتاب
باغلانمه ای کوکل غمه آلدانمه شادی به
بیلدك بونی که لازم ایش چرخه انقلاب



پر اولدی وادی دل کوز یاشی ایلہ سیلاب
 کنارہ چیقمنہ قانی سفینه می ناب
 دم بهارلہ دارالسرور در کلشن
 نہ کوردی ایکلیو بن کوز یاشن دوکر دولاب
 دوشندی صحن کلستانہ فرش استبرق
 آچیلدی باغ جہانہ بہشتن برباب
 بزندی کلشن و طوناندی سرو اولدی نظیر
 بہشت طوبی بہ «طوبی لہم و حسن و مآب»
 عروس غنچہ اولوب زلال آینہ دار
 صاچار یوزینہ بہار ابر شبنمیلہ کلاب
 نسیم صبح یاقوب لالہ مجمرندہ بخور
 پر اولدی ژالہ ایلہ جامی ترکسک جلاب
 چو دوشدی جام ایچنہ یوزی عکسی ساقینک
 عجیبی لالہ کبی اولسہ لالہ رنک شراب
 مصاحب اولدی دل و جان غمکلہ عشقکدن
 موافق اولہ جغز خوشدر نیجہ اصحاب
 رفیقز غم یار و طریقمز رہ عشق
 زہی رفیق موافق زہی طریق صواب



بوسہ اومارسہ دل دکل ای سیم بر غریب
 اومار قاچان کہ خوان کورہ حق نظر غریب
 بولدم کمال عشق ایلہ عالمده اعتبار
 اہل کمال اولنچہ اولور معتبر غریب

کورمز کوزم قپوکدن ایراغ اوله لی سنی
 بیلدم یقین که اولور ایش بی بصر غریب
 قپوکی بولیون شهری طولانیر مه نام
 بیتورسه منزانی کیدر دربدر غریب
 هجریکی کورمین نه بیلیر حامی بنم
 غربت چکن بنایر نه بلالر چکر غریب

— ۳۳۴ —

حرف التاء

دور حسنکده یناغکدن که زلفک تاب. الیر
 آسمانک صان طوتار اطرافتی رنگین بولوت
 خال کندم کونی مکرن با که خوش کوردی رقیب
 آدمه ابلیس و یردیکی اوکوتدر بو اوکوت
 کوستروب کل یوزیکی ا کله دل بی صبری
 باقدیروب آینه یه بر لحظه اول طفلی آوت
 برنفسده دیر کورور اعلک کوزک اولدر دیکن
 آنی قاتل بونی جان بخش ایندی حی لایموت
 کندیکی برک ایت. دخی همت اتکن برک طوت
 تربیتله کورنیجه اطلس اولور چون برک طوت
 فکر موت ایله کچیر ای دل حیانتک هر دمن
 اکسیک اولماسون دلکدن ذکر حی لایموت

کلیخن غم گوشه سنده بر نفس کلدی تم
دل دکل ایچمده یانان اول کل ایچره قالمش اوت
بر سوزیله کوکلز آچاز بزم اول غنجه لب
اوردی کویا آغزینه خالابی مهرسکوت



ظاهر یوز کده کون کی اسرار کائنات
کنج دهانک ایچره سان چشمه حیات
صبر وقراری خوشجه خیالکدر طوتان
اول ذات اولماسه نیجه طوروردی بوصفات
عشق چکوب بایمی نیچون ایلدی ضعیف
قوت بولوردی خود اولیجق رشته ایکی قات
نوروز آلینی عید یوزی زلف ایله خطی
اول پیری قدر کیجه سی بولیله برات
صحرای سینهم ایچره اوچوب قونمغه کوکل
غم قوشلریله غمزدک اوقن ایدینیر قنات
قالدیرمه باش حباب کی آب باده دن
آب اوزره در حباب کی قبه حیات



سروک بیونی بوجه درر یوزی قاتی سخت
سایه دوشوب آشاغی عجمیدر اولسه تحت
قاچار قیچین قیچین کونشه قارشى طوره مز
آلجی آلاجه اولدیفیچون سایه درخت

سن شاه حسن اوله لی جهان اولدی برحضور
تاج اولدی سر فراز و مربع اوتوردی تخت



حرف الجیم

تاب هجرانکه در جانمده چون سنو مزاج
وصلک دار الشفا سندن بویور آکا علاج
ویرر استغنا کونشدن کوندوزین فکررخ
کیجه لر آمم شعاعی شمع قویماز احتیاج
زلفک ابتدی کوکلی شیدا آنکچون آغلارم
دفع سودایه آقار صودن یک اولمایه علاج
قانی نورانی قیلار جام مصفا کوکلی
نیته کیم کون نورینه قوت ویرر صافی زجاج
ته کرامتدرکه ویرمش رنک آتش تاب ایله
لعل سیرابک سنک اودایله صویه امتزاج
ویرمه جانانه جان نقدین رقیب اولماز عجب
پیرکافر کسبه قادر اولماسه ویرمر خراج



خالی آلدی مشک چیندن مشک واج
هند ایلندن زلفی جمع ابتدی خراج
کوردی یوزن کیتدی سوزی کوکلمک
طوغدی کون قالمادی شمع احتیاج

دل نه قاتلانسون رقیك جورینه
طاشه طویماز شیشه نازك مزاج
تختگاه ایدیندی کوکلم شهرخی
عشق شاهی باشه چون اوروندی تاج
مهریکه عالم اولادن مشتری
قلمادی بازارینه ماهک رواج



صباه ایچینوب غنج اولدی دریچ
کنه یازلدی اما کیچدن کیچ
دها نیچون کوکل چوق شهبه لندی
تأمل ایتدی کوردی اصلی یوق هیچ
کتاب حسنه خطی حاشیه در
کنار عارضندن خطی تخریج
آیاغینه دیکن باتمش قاقیمه
قبوکه طفل غنجه کلدیسه کیچ
غم عشق جهانده یک دیمش دل
ایدر هر کیشی اسبایی تروج

حرف الحاء

خیل غمدن طولدی دل صحراسنه کیو ترح
غمدن غنجه اوقدن یاغسه باران فرح

یوزمن برک خزان کبی صاراردی غصه‌دن
 لاله کبی آل اولالم صون بری لعلین قدح
 یازدی هجت قتلنه عاشقارک خط نکار
 قاشلری امضا ایدوب اول حکمه زلفی دیدی صح
 ای صنم بتخانۀ عشقکده اغیارک سنک
 صورت بی جانمی یابستان وصلکده شبح
 خار غمده غنجه کبی نیچبر قان یوددم
 لاله کبی صون قدح کل کبی اولالم فرح

حرف الحاء

چون اولور آهمدن اول زلف معنبر شاخ شاخ
 چین اولور باد سحر دن سنبل تر شاخ شاخ
 سرو یولنده طوتوب کوکسن هوا شمشرینه
 قامتک دردییله کندویی ایلر شاخ شاخ
 سروی بکزتد کلر یچون نازنینلر قدینه
 تیغ رشک ایله ایدر باغیرین صنوبر شاخ شاخ
 عمرمک نخلینی غیرت تیغی طوغرار لحت لحت
 شانه ایله سنبلن ایتدجه دلبر شاخ شاخ
 کل بوداغی بکزه من قدیکه آلقدر قتی
 سروه بکرتسم اولوردی اولماسه کر شاخ شاخ

صاچلریکه شانه ال اوردیغنی کورسه ایدر
 یخه رشک ایلله کوکسن سنبل تر شاخ شاخ
 نازنین دلبرلرک قدی هواسیله کوک
 برکستاندر بیتیرمش تازه کلر شاخ شاخ

حرف الدال

باش اکمز اولدی ییزه * اول طره مجعد
 اقلیم حسن ایچنده اولالی شاه سرمد
 قدینی زلفکک دل زنجیره بکزه دیرسه
 مجنوندر سوزینه اوله آنک مقید
 خدیکه لاله دیردم لاله اولیدی کل بو
 قدیکه سرو دیردم سرو اولسه ارغوان خد
 زلفک دوننده کیزی اسرارنار موسی
 یوزک کوننده ظاهر آثار نور احمد
 بر وجه ایلله ویریر نور آینه جمالک
 کیم یوزینی کورن دیر « صل علی محمد »

حرف الذاء

دور رخکده اولسه نوله لعل تر لذیذ
 اولور کونشده طور مغیله کل شکر لذیذ

قائلی یاشیمی کوز قباغندن چکر کوکل
آجی شرابی شوق لبکدن ایجر لذیذ
اشک ایله روی زرد ویریر عاشقه خطک
دنیا پرست اولانه اولور سیم وزر لذیذ
برجام صوندی جانم عشق حریفی کیم
دنیا ده کورمدم دخی بن اول قدر لذیذ
غاب لئلنه چو دوشه بیک صفا ویریر
ترفده ایریشنجه اولور میودلر لذیذ



حرف الراء

عاشق اولمادیسه قاشک آینه شاها اکر
بوینی قارشو کده. نیچون غره غرا اکر
کیجه نیچون یومادی کرییکلی کوزین قاسحر
کوزیکه عاشق دکله نرکس شهلا اکر
جوی حسنکدن چیقان خطیکه غبر دیر ایدم
طاتی صو ایچره بولنسه غبر سارا اکر
لاله دیردم سینم ایچنده خیال خدیجه
یر ایچنده یکن آجلسه لاله حمرا اکر
نیچون آجی اولدی ای شیرین دهن یاشم کبی
ابر چشممدن دکله مایه دریا اکر
دمبدم قورمیدی اولبت آیاغنده باشنی
بت پرست اولماسه اول کیشوی غبر سا اکر

نیجه نفی ایدردی خاطر دکن کوزلر فکری
زلف و قدک نقش دله اولماسیدی لا اکر



هر قاچان باد سحر سنبل صاچینی شانلر
پاره لر کندوی تیغ حسرت ایله شانلر
دیشلر یحون هجری آجیسن چکوب یاش دوک کوکل
چون بیایر سین آجی صوده بولنور در دانه لر
ایاغینه دوشدیکن عاشق لک عیب ایتمه کیم
دوکولور شمع آياغینه یانچق پروانه لر
تن خراب اولدیغی ایستر بوسودایی کوکل
خاطرینه خوش کایر دیوانه نک ویرانه لر
سنی باغرینه باصار بر کون نه وار مهر ایتمه
کیم آتاکیی دکدر مشفق اولور آنه لر



آقیدان سیلاب اشکم قامت دولاییدر
دوندورن دولاب چرخ اشکمک سیلابیدر
نور مزکیم اولدی ظاهر عارضنده دلبرک
اول پری یوزنده کوکم کونشینک تابیدر
بزم غمدر جازودل اوتارینه زخم اورمغه
مطرب عشقک خیال غمزه سی مضرابیدر
قاپوسنده اول شهک زرین عصایله کونش
دیکیلیر هر صبحدم کورن صایر بوابیدر

عشق مصرینه واران کیمسه تجارت ایتمه
غصه کین آلسون متاعن کاول دیارک بابیدر
ایت حذر چاه زنجنداندن ای غیاص دل
کیم بو دریای جمالک قورقولو کردابیدر
قاشلرک طاقین یوزکده کورن ایدر ای صنم
اول کلیسا جامعک بو کافری محرابیدر



ساقی حسنک الندن آغزی طولو جامدر
لبلی اول جام ایچنده باده کلفامدر
لبلیله چشم خشم آلودنی صوردم دیدی
پسته شیرین درر اول بو اجی بادمدر
اول الف قامتلی میم آغزلی راقاشلی نکار
هرنه امر ایلرسه عاشق جان ودلدن رامدر
حسن بغدادینه آنکچون دینیر دارالسلام
کآنده دندانکله زلفک نقش سین و لامدر
خرمن افلاکه قونمش بر کبوتردر هلال
کهکشان ایله ثریا دانه ایله دامدر
ایکی یوزدن حسنک دورن قیالادن شام زلف
ظاهر اولدی بوکه اول شام آخر شامدر



طلعتک جنت دوداغک سلسبیل ایرماغیدر
عارضکده رخلرک صو ایجره کل یارماغیدر

یوز صوین کویکده ایستر دوکه قاره یوللره
 کوکلی آنده چکن یا صوینی یا طوبراغیدر
 عشق اودینه جان ویرر عاشق قاچار زاهد ولی
 دوزخی زاهدلرک عاشقلرک اوچاغیدر
 آقدیغنجبه اشک چشم دلدہ آرنار نارعشق
 کوزلریمک یاشی کویا اول چراغک یاغیدر
 سرو قدیکک خیالی عشق خیلندہ علم
 آهم اودی شعلہسی اول سنجاغک بایراغیدر



تاج وصلک اصلی چونکیم چار عنصر ترکدر
 واصل اولماز اول که دنیاہ تعلق برکدر
 عاشق اولان کوهوش ثابت قدم اولمق کرک
 یا آباق باصمه بویوله یا بازاریسهک برک دور
 حسنه میل ابتدیکیدر زلفن پریشان ایابین
 اصلی هر جمعیتک بیلدم که دنیا ترکدر
 ناشکفته زنبق سیمین اوکنده لعل یار
 نوشکفته غنچه درکیم خط سبزی برکدر
 اونیدوب کوکامی اول مہپارہ آنار پازہ
 بکزر اول طفله که اوینار آشق سرکدر



رخلیدر لطف یوزی غمزه سیدر عین قهر
شوق لعلی قصه زلفیله در تریاق زهر

سن مهك مهری هوا سیله سفر ایدوب هلال
کزدی افاقك ایچن منزل بمنزل شهر شهر
اول كلك وصلیله خوش کور وقتك ای دل بلبل
خار هجریه بیلور سین طوطولودر باغ دهر
سودیکندن کچمین کیشی بوله ماز سودیکن
آلدی دل مهرك عروسن ویردی جان نقدی مهر

سوزنه در نیسان قدرتدن یاغان صافی زلال
لیك یار آغزنده در اولور رقیب آغزنده زهر



اشك چشم کوه محتدن اینر سیلابدر
چشم اول سیلابك اوستنده دوزر دولابدر
چرخ الدن دونه دونه ایکلرم دولاب وار
کوزلرم دولاب اوزره کوزه پرآبدر
قاشلرك طاق کوزم قبله نماسندن اگر
اکری کورونسه عجمی کافری محرابدر
کوزلرم یاشندن ای جان کلشنی اینجه کیم
سبزه زار حسنك اول باران ایله سیرابدر
آغزی برسیین صددررکه کوزلر کورمه مش
دیشلرینك هربری بر کوه نایابدر

کورمسم بر دم یوزك قالمز حیاتمدن اثر
کرچك ایش اصلی دیرلر کیم حیاتك آبدر

که خیال یار ایله که خواب غممه ای کوکل
خوش کچیر و قیقی کیم عالم خیال خوابدر



قو درلسون بوسه کک شفتالیسی اولمشدر
صون ایچلسون جام لعلک نیجه بر طولمشدر
کوزلرمدن اکسیک اولمازاشک خونین داتما
جام جم کچی شراب ناب ایله طولمشدر
عارضک دورنده ای مه زلفکه یوقدر زوال
یاته یاته صو ایچنده آنوس اولمش درر
مآمنده حسنک خطک سیه پوش اوله لی
یوزنی یرتوب سمن سنبل صاچن یولمشدر
ایتلرکله قویدی دل باشن اشیکک طاشنه
کیم که کوردیسه دیدی یرین نه خوش بولمشدر
ایتلریکک قنغیسینه سورسه لر بن بی دلی
دیر بیایرز اول بزمه بونده چوق اولمشدر



آلنکه نه کیم یازلدی باشکه بربر کلور
صانه سن سی ایتسه ک شری کایر خیری قالور
کردش دولابه بکزر چرخ کردون جنبشی
کوزه لر در خلق ایچنده که طولار که بوشالور
آدم ایسه ک ایلک ایت آدیکی آکدر خیرایله
چون سارسیس دینه ده آدم کیدر خیری قالور

یاب کوکل ویرانسن ییقلمادن بنیاد عمر
آلمان دوران آیاغک کل بری خیره ال اور



کل یوزکده ظاهر اولسه خط مشکینک سنک
طک دکل کیم دود در البته آشدن چیقار

وعدۀ مهر ایتسه چشمی ای دل آلدانمه صاقین

اعتبار ایتزلر اول سوزده که سرخوشدن چیقار

کوکله یارک کوروب آل بوسۀ جان بخشنی
عشق یولنده ارایسهک رزقکی طاشدن چیقار

مهرک اغیارایله عشاق آره سنده کیزلیدر

بولق ایسترسهک رقیبی کل هله باشند چیقار



هرقاچان اول سروقد دستاری اوجن چین ایدر

صانکه سرو اوستنده اول چین صورتندن سین ایدر

سروقدک فکری طبع راستم موزون قیلار

لعل نابک ذکری موزون سوزلرم شیرین ایدر

مه جینک منزان صورتدجه کوکده مشتری

قوس برجن تیر پارماغی ایله تعیین ایدر

غمزهک اوقلرینی آتسهک سوز دل بولور سکون

یاغیجق باران هوا کرمیتین تسکین ایدر

صبحدم بلبل او قور آغلار کاک مجموعه سن

کوزباشن شوپله دوکر کاوراقتی رنگین ایدر

منبر شاخ اوزره کل شاهینه بلبل خطبه‌یی
چون دعا اوقور چنار ال قالدیروب آمین ایدر
یار بو نظم روان ایچون آقار صو در دیمش
ایشیدن سوزینی لطف طبعی تحسین ایدر



کورونن اول آق بدن اوزره قاره صاچلرمیدر
یوقسه کنج حسنی اوستنده یاتار اژدرمیدر
چشمک آهوی خطا و مشک چیندر صاچک
یوقسه اول بحر لطافتدن چیقان عنبرمیدر

لاله حمراه شبنمی دوشوبدر چین سحر
یوقسه کل یوزنده یارک قطره قطره ترمیدر
سوز که آغزکدن چیقار جلاب ترطادن ویرر
یوقسه اول لملین قدحده لبرک سکرمیدر
کوزلرکدر ایکی عین و قاشلرکدر ایکی را
سنی آنکچون کورن دیر شول طوران عرعرمیدر



نخل قدک چشم کریانمده اولدی جلوه کر
غم دکل صو اوزره سرو اولمازسه آیرق جلوه کر
کزدی کوردی کاشن حسنک بز نمش کرم اولوب
آجدی بال و پر اولوب طایس زلفک جلوه کر
خط سبز یاره کوکلن ویر مسون دیک عاشقه
کیم آحار اول کوز کویه قارشی بو طوطی بال و پر

نیچون ارسون گوشه اول ماهک آهمدن خبر
 زلفی داودی زرهدر ایتز اوق آندن اثر
 زلفنک هر دارنه بردل اصلمشدر کورک
 شاخ کل کبی بیتیرمش سنبل تر غنجهلر



زلف مشکینی اوجن آهم ویرا تحریک ایدر
 شاخ سنبل کبی کیم آنی هوا تحریک ایدر
 خشم ایله آلینی چین ایدر که بن ایتسم نگاه
 موج اورر صو هر قاچان باد هوا تحریک ایدر
 نه بیایردی سروق دیکه هوادار اوله نی
 بو بلایه آنی اول باد صبا تحریک ایدر
 آقسه یاشم بر برینه طولاشیر کرپیکرم
 بکنزر اول خاروخسه کیم آنی ماتحریک ایدر



باقیوب جان بلبلینه اول کل کازار حسن
 طک دکل ناز ایلنه کیم حسنه مغروردر
 قصه عشاق آکلدی بودل مجنون غمن
 بن آکنجه دیدیلر اول قصه مشهور دور
 نسخه لوح ازدر خط مشکینک سنک
 نه کلیر باشه بربر آنده هب مسطوردر
 لعل شیرینی صفاتن خسرو دورانه دل
 شرح ایدر بوجه ایله کورن صانیر شاوردر

سایه سروکده خوش کچمک دیلر مسکین کوکل
دیمز آنده سایه نیلر کیم مصور نوردر



شوق خدک نارینه هر جانکه یانسه نوردر
عشق دردیه خراب اولان کوکل معموردر

زلفکه چوق دل طولاشدی کیمسه باشه وارمادی

عشق دارینه چیقانلر صانمه هپ منصوردر

آله آغز کدن لبک دیرسهک طویلماسون بوراز

سرکه آغز دن چیقہ عالمیره مشهوردر

پیرینوب دل تنک اولور کورر آياغنده دیکن

غنجہ حسینه قاجان طائوس وش مغروردر

غنجہ صیغماسه سرورندن دریه طک دکل

کیسه سی پرزر اولانک خاطری مسروردر

هرذیلہ دی مشاور اولماسون شیرین لبک

خسروا صانمه جهانده هرکشی شاوردر



رخلرک جان کلشنده کللر آچمش خوب وتر

سبزه زار حسنک اول کللرله اولمش خوب تر

کوردمکجه لبلری اوستنده مشکین خالنی

صانیرم کیم رومه کلش هندودر خرما صاتر

خالک پابندن صبا عطاری صاندقجه عبیر

تهمت ایدرلر آکا کیم در ایچنه توز قاتر

نیجه ماہر در صاچک صیادی کیم دل مرغنه
 هر نه یردن عشق شہبازین سالہ ایردیت
 زاغ زلفک بی قرار اولوب اوچوب کیتمک دیلر
 تیر غمزہ کلہ کان ابرولرک چون باش چقر
 غمزہ سی کوکلینہ اغیارک نہ تأثیر ایلمسون
 سنک خارادر آکا اول نازک اوق نیجه تیر



دست قدرت کیم لبک او-تندہ خط تحریر ایدر
 آیت {یحیی العظام} ی کشف ایدوب نفیر ایدر
 جامع حسنکده دل خوشخوانی خطک آیتن
 شویله اوقور کایشیدن ایدر نہ خوش تحریر ایدر
 خط نورستہ ال اورماسون رخک اوراقنہ
 ویرمہ حسنک مصحفن اطفال الینہ کیر ایدر
 ای بت چین کور نیجه اوستاد در آیینہ کیم
 صورتک نقشن همان کوردیکی دم تصویر ایدر
 کرچه کیم مودر یی اول کوه سیمینی چکر
 کوزلری آہودر اما شیرلر نخجیر ایدر



ایچہ لی سن غیر ایله جانا شراب نابلر
 یاش یرینہ آقیدر بوکوزلرم خونابلر
 دالایمش دام بلای زلفک دوشمکلہ
 کوردیکم هر کیجه ای مہ شو پریشان خوابلر

تازه تازه داغلرله اولدی بلك يادينيه
قوللرم زرین کمر پارمقلرم قلابلر
فرض اولوبدر سجده شکر ایتک ای قبلهم بکا
اوله لی چشمک امام ابرولرک محرابلر
تن بنسان ییقماز ایدی موج طوقان اجل
اولمسیدی وادی غمدن کلن سیلابلر



قایغلی کوکلم که آنی فکر خط یا خال آچار
یکزر اول طار غنجیه کیم کوچ ایله اطفال آچار
ایاغنده جان دل زاری قیلورلر زنک وار
عشق شهبازی قاجان کیم صیده پروبال آچار
سوره نور رخندن غیری کیز دلبرک
مصحف حسننده کوکلم هر قاجان کیم قل آچار
تنک دل بولدقجه کلشنده صبا ترغنجیه
لبلرک وصفینی سویلر خاطرن دوحال آچار
نیه کیم اعراب ونقطه کشف ایدر مشکل سوزی
حسنی اسرارینی یارک فکر خط وخال آچار



کعبه حسننده مشکین پرده زلف نابدار
خال غنبر باری برهندودر اولمش پرده دار
خال رخسارکمی یاخود کوزلرم هندوسنک
عکسیدر آینه حسنکده اولمش آشکار

کوزلرمدہ یر ایدرسہ مردم چشم تولہ
بنلرنده پرتورویک قالوبدر یادکار
یادکار خال مشکینک دیه صاقلار کوکل
حسرت اودلاری ایله هر داغ کیم سینه مده وار
طفل هندو کبی کلش بنلری سیر ایتکه
ینه برعاشق یاقار بکزر رخی نارنده یار



چون دم باد بهار ایله آچیلدی باغلر
دمدرر کیم آچیلہ عمکین کوکلدن باغلر
دوستم کل کبی مغرور اوله حسنک چاغنه
چون بیلیرسین صوکی طورماز کچر اول چاغلر
آتش شوق رخکله نوبهار عشقده
نازلندی لالهوش باغرمدہ اسکی داغلر
شام زلفک شوق دل مرغینه دام اولسه نه طک
کیشینک حب وطن لابد آیاغن باغلر
کلدی خطک صولدی خدک کسدی افتدی کوکل
کچدی چون کل وقتی بلبل کوچدی قوندی زاغلر



اول پری بوینیه زلفندن سلاسل باغلانیر
حسنه کوزدکسین دیه حمایل باغلانیر
فکر هجرانکله دل دهبسته قالسه طک دکل
قورقولو اندیشه لردن طبع عاقل باغلانیر

کوکلم آچلماز قاچان اول غنجه لبدن آریایر
 جان وداع ایتدکده تندن لاجرم دل باغلانیر
 دیده پرئنده عکس خال وخط قیلماز قرار
 چون ورق نمناک اوله نقش آنده مشکل باغلانیر
 دفتر حسنکده دیدم لبارک خطی نهدر
 دیدیکیم آنده حساب جوړه حاصل باغلانیر



سبزه ده برک خزانی باد ایدر چون بیقرار
 صان زمرّد فرشک اوستینه ایدرلر زر نثار
 یرده کیم برک خزان اولور سیه دل زرد رو
 عاشق بیچاره بکزر کیم ایچنده داغ وار
 روی زردم کیم اولدر کوزلرم یاشینه غرق
 برخزان یاپراغیدر کایچنده یریر سرخی وار
 برت رعنایه بکزر جامه زرین کیر
 هر قاچان کیم زین اولور برک خزان ایله چنار



غمزه کک خنجرلری زخن دهانم صاندیلر
 شعله چیقدی آتش دلدن زبام صاندیلر
 غمزه اوقی زخنک قانی آقارکن کوردیلر
 کل یوزیکه قارشی چشم خون فشانم صاندیلر
 بخود اولدم یار کیتدیکنده کوز مردملری
 اوستمه آغلاشدیلر کیم چیقدی جانم صاندیلر

باد آهمدن چون اولدی موی زلفک بی قرار
 صالینیر بوینکده جان ناتوانم صاندیلر
 جویباری کوردیلر آقار کنار سروده
 آباغیکه یوز سورر اشک روانم صاندیلر



کل آچیلماسون کرکمز اول رخی زیبا یتر
 یتمسون نرکس بزه اول کوزلری شهلا یتر
 قانیز قورتدیسه عذاب لعلی غم دکل
 چون مزاج عاشقی حفظ ایتمکه سودا یتر.

لبلرک مهر سلیماندر رقیب دیودن
 صاقلامق ایچون آنی اول ایکی اژدرهایتر
 بزم ایچنده قدساتی شاخ کل یرین طوتار
 کر قزل کل یوق ایسه برباده حمرا یتر
 تک کنار یار اولسون باده کلسون اریت
 اولسه کلشن یاقاسی دامن صحرا بتر



عید حسنکده سنک چرخ حمل قربانیدر
 کورون کلکون شفق آلتده قربان قانیدر
 کل کبی نیچون آچیق قالدی دهانی باده نک
 ساقی مه روجالینک مکر حیرانیدر
 ماه رولر مهری طوتمشدر ایچینی سینینک
 طوطو لولو مرآت ایله آینه جی دکانیدر

عشق باغینک کلیدر نازه داغی سینه مک
دود آهم سبزه زار محنتک ریجانیدر
طولاشیر کلزار حسن زلف غنبربار یار
رومه کلش سیر ایچون سیاح هندستانیدر
قاشلرک رفعتده همسر اولمش آنک یاینه
شاه دورانک مکر کیم گوشه دورانیدر
ای قر اوله معارض عارض دلداره کیم
سن کچیردک دوریکی شمدی آنک دورانیدر



هرشکن کیم دلبرک زلف پریشاننده در
شول صفتلردرکه عشاقیله پیماننده در
کستانده سروی طکمی ایتدیه شوریده حال
اویله ناز وشیوه کاول قدخراماننده در
کوکله آغسه عجبمی مهر وماهک طوی کیم
اول ملک یوزلی نکارک زلفی چوکاننده در
بکزه مزمی خاره کیم صاقلر نهال تازه می
اول رقیب روسیه کیم دلبرک یاننده در
کرچه کیم حسن ولطافت هربری شاننده در
آیت خلق ولطافت شول پری شاننده در



لطف رخساری اولور خطن قازتفج آشکار
ملک حینض ضرب تیغیله آچار اول

قدری یوق اغیار یاننده لب جان بخشک
طاش ایچندن چقمینجه اهل بولماز اعتبار
کل کل اولدی کوزلرم یاشی ایله صحرای عشق
اولدی غم کهساری باغرم قانی ایله لاله زار
کل یوزیکه قارشى آه ایتسم آقار کوزم یاشی
صاچیاير پیره شکوفه چون اسه باد بهار
دود آمدر اسریل بر نفس ایتمز سکون
اشک چشمدر آقار صو ایلمز بر دم قرار



تاب رخسار که زلف نیم تاب اوستنده در
پرتو خرشیده بکرر کیم سحاب اوستنده در
ای یوزک آینه سنده عکس رخسارم بنم
لوحة زرینه بکرر کیم کتاب اوستنده در
هندوی خالك رخک اوستنده اولسه وجهی وار
چونکه کیوانک مقامی آفتاب اوستنده در
خط یاقوت محقق نسخ ایدوبدر دوستم
خط ریحانک کیم اول یاقوت تاب اوستنده در



صبح دولتمی بویا تاب رخ جانانمدر
شکل جانانی کورینن یامصور جانمدر
چرخ کردون کیجه وکوندوز نیچون ایتمز قرار
بخلین بر مهك مهریله سرکردانمدر

فكر رخساري يارك باكه ترك ايت دير رقيب
 قصد ايمان ايلر اول كافر عجب شيطانميدر
 غنچه لر ده بسمه ميدر نيجون آچماز آغزيني
 كل نه دن يومماز دهان يوزكه حيرانميدر
 حضرت خطك لبك كلش كايجه آب حيات
 زلفك آنكچون قونلمش عمر بي پايانميدر



كل يوزكده خط بايرسه كوزلرم كريان اولور
 هاله كورنسه كنار ماهده باران اولور
 لعلك ايچون كوزلرك بربرينه خنجر چكر
 اول ايكي مست آره سنده قورقارم كيم قان اولور
 كل بوداغی كيبي كلشنده صالسنهك نازايه
 قارشيكه باشن صالوب سرو روان حيران اولور
 زلفك آلتنده كورمش كوشه ابروسنی
 ابر ايچنده اول سبيدن ماه نو پنهان اولور

نيجه درج ايدم صفات حسنی بن دفتره
 كل يوزی وصفنده شرم بشقه بردیوان اولور



سرو قدینك یولنده هر نه جانكم طوغرودر
 غمزده سی اوقینی جانان آكه قارشى طوغرودر
 اكريلك اينديسه ای دل ياكبي كثر راقاشی
 غمزده سی اوقی الف كيبي يولنده طوغرودر

راست اول قدی یولنده اویمه زانی مکرینه
اکریلک ایدنلر ایتسون سن اکلّه طوغرودر
رخلری یاننده ایدر چشم و ابروسن کورن
تُر کاندِر آتسه قارشى کاتن طوغرودر
کیسه سندن غنجه نك ضکمی نسیم آلدیسه زر
سورمه اوغرولر کسک کوزندن اول براوغرودر



ذرّجه یوق بیزه میلی واریسه اغیاردر
بابله یوز ویرمز اول کل یوزلو میلی خاردر
دیر یوزنده تاب رخسارن کورن صاحب نظر
قادرک کور قدرتن آب ایجره آتش یاردر
کوکسومک داغیله کوزمدن آقان بوقره صو
دود آهمدن قارارمش نابت و سیاردر
زانی باش اکزایدی نقد اولسه آب روان
آلدانیرمی قوری سوزه می نه یوزی قاردر
غمزه سی اوقینی آتماز قاشلری یاین قورار
اول قارا کوزک بزمله جنکی یوق سیاردر
اوردی زلفک صاغشجه جانه غمزه ک یاره لر
مصحف حسنک حقیچون کیم تم سی یاره لر
زلفنی برپاره اکدم دیرسه اغیار ای کوکل
سوزینه آلدانمه اول یوزی قارانک یاره لر



آوردی زلفك صاغشمنجه جانه غمزك ياره لر
 يوق بتون ير تيغ هجران آني نيجه ياره لر
 غمزك اوقينك فراق آجيسنه طويميوب
 ياش يرينه كوزلرندن آقيدر در ياره لر
 صفحه رخساري اوزره خطك ياننده خال
 طفلدركيم مكتب حسن ايچره مشقن قاره لر
 غمزك اوق اوسته جنك ايتديكنجه جان وتن
 تيغ هجران اورته لارينه كيروبن آره لر
 زلفي ايتدي ماتم حسننده كندوي هلاك
 صاچلرني كسدي سنبل كيدي نافه قاره لر
 زلفكه آشفته باد وحسنكه شوریده آب
 چوقدرر صحرای عشقه كده سنك آواره لر



اول پری رخ که کوکل زلفك آواره سیدر
 کلدر اما نیده لم یری دیکن آره سیدر
 طاعه دوشه نوله دیوانه کی باد صبا
 اول دخی بخیلین زلفك آواره سیدر
 رخك آینه سنه باقدی یوزی قاره رقیب
 خط دکلدر کورونن کیم یوزینک قاره سیدر
 دل بیماری زبون ایتدی رقیبک طعنی
 دردی اوکلار آنک آغولو اوق یاره سیدر

شیمدی آهم کبی سرکشک ایدرسه زلفک
یوز اوروب پایکه یاشم کبی یالواره سیدر



کلشن کویکی بر داخی کورم کبی کلیر
وصلک کلرینی ینه درم کیی کلیر
سایه وش قالدیم آیاقدہ قد بالا که سنک
دولت ال ویریر ایسه ینه ارم کبی کلیر
طوغری باقادیغم آینه حسنیکه بوکیم
کوریمچک یوزکی کندم یتیرم کبی کلیر
کیریمچک بردخی مجموعه حسنک الیه
آرہدن دفتر و دیوانی درم کیی کلیر
چون یوزک کعبه و خالک حجرا لاسود ایمش
صبح وصلکده یوزم آکه سورم کبی کلیر



کوزلرک کوکله هر لحظه ده بیداد قیلار
ای یازی نه ایسه ییزی هله یاد قیلار
آجیدر کوکلی زلفک غمی کلدیجه دله
آخر البته کشی چون یاد قیلار
لب شیرینی ایله جانمی شوریده قیلوب
کوه غمده دل مسکینی فرهاد قیلار

رحم ایدوب کوزلری صیاد چوزر زلفی باغن
چویریر باشنه دل مرغی آزاد قیلار



کل آباغ اوسته کلدی که ایده عزم سفر
آل آباغی اله ای لاله که کل وقتی کچر

دیرلر ایش سنی اغیار سور یار سور
کیمی یا کلتش کیمی کرچک چوق اولور ایلمه خبر
یار اوقی سینه ده اکلمیوبن کچدیه
سن اکا قلله کوکل اول دخی قالماز کچر

بخش غایب کوزه در غنچه دهانکدن باد
کوزدیکوب کل یوزکه ترکس اومار حق نظر
مردم چشم آباغی توزی ایردکده دیدی
هانکی یل اسدی کتیردی سنی ای نور بصر
قویدی هجرکده قاره ییره جکر گوشه لرین
مردم چشم آکا ماتم ایدوب قاره کیر

مار زلفیکی خطک چکسه چاویره نوله کیم
نیجه کندی قدرین زور ایدیجک مور جکر



کوکل اول قد ایله بوزلف چندن نه بیت
یونده شفتالومی اولور بکا آندن نه بیت

صانمه ای سرو قویوب قدنی سا که اوپه وز
یوری ای کولکه سی کولجک هله سندن نه بیت

اودورنك يوزلو رقيك نه كولرسك يوزينه
 آچل ای کل سکا اول قوری دیکندن نه بیتر
 خط مشکینی یوزنده کورنلر دیدیلر
 باغ حسن ایجره کورک برک سمندن نه بیتر
 سایه قدنه ایرکیم اوله سک آزاده
 نه طورورسک سکا ای سرو چندن نه بیتر
 چین زلفی کبی یروار ایکن ای آهوی چین
 نه اومارسک سکا صحرای ختندن نه بیتر



بی آغلاتمغه اغیار ایله اوینار کولر
 بن نیجه آغلامهیم حاله اغیار کولر
 آغلا هرمدده کوزم کوله کوکل برلحظه
 سنک آغلادیغکه اول یوزی کلزار کولر
 آغلاماز حالنی دل کولسون اغیار دییه
 باقیهیک آغلامدیغینه که ناچار کولر
 بنم آغلادیغمه کل کبی کولسه نوله کیم
 ارباران اولیجق کلشن وکلزار کولر
 نیجه بلبل کبی بن آغلامهیم کاول یوزی کل
 بی آغلاتمغه اغیار ایله اوینار کولر



غنچه وش اول یوزی کل کیچ کولر تیز آچلیر
 کولچک نازالله صان غنچه نوخیز آچلیر

یبلده برکز کورونور آنده دخی اکلنمز
عجب اول غنچه دهن بویله نیچون تیز آچایر
می کبی قامی ایچدیکنه مستانه کوزی
کل کبی شاد اولوز اول غمزده سی خوزیز آچایر
هر قاچان طوتسه خیال لی کوکلمده
شهر ایچنده یکی دکان شکر ریز آچایر
آی طوغار کبی یولندن کورینور عارض یار
یل اسوب هر قاچان اول زلف دلاویز آچایر



سر زلفک یری اول چاه زنخدان یاراشیر
بویله طرار اولانک منزلی زندان یاراشیر
خوش کلیر ترله ییجک دخلی کیم تازه کلک
ترله ییجک یوزینه قطره باران یاراشیر
کلشن حسنده طاؤس جناندر زلفک
که آچوب بال و پرین ایلیه جولان یاراشیر
بزم لعلکده کوروب باده نابی دیدی دل
سکا قان یوتمق آکا ناله وافغان یاراشیر
آلدی سنبل صاچکک خرقه سن اکنینه دیدی
هرنه کیسه کسکا ای سرو خرامان یاراشیر



یارک وصالی موسمیدر نو بهار عمر
رخساری شوقی ایله آچایر لاله زار عمر

عید وصاله ایره مدی کجدی آه کیم
 زلف ورخک غمی ایله لیل ونهار عمر
 یومه کوزیکی یار جالینی کوزله طور
 کیم کوز یوموب آججه کچر روزکار عمر
 درج لنبده صاقلیدرر چشمه حیات
 باغلی کند زلفنه یارین شکار عمر
 سورمز زمانه حظی بردم قرار ایدوب
 نیچون یلر زیانه دائم سوار عمر



زلفکه اویان کوکل مفتون اولور
 عاشق اولان لیلیه مجنون اولور
 زلف شبذیزیکه هرکیم باش قوشه
 کوزی یاشندن جهان کلکون اولور
 خون دل شوی لبلکه جوش ایدوب
 باشمک جیحونی جوی خون اولور
 دل کایدیر حلوای لعلک آرزو
 آسیاب غمه باغری اون اولور
 قارشیمه طوغمازسه آی یوزک سنک
 کوز یاشینک کوکی دوشکون اولور
 زلف مشکینه هوادار اولانک
 نافه کیبی یورکی برخون اولور

دیدى باقايون يوزوم آلتوننه
ميل ايدن دنيايه غايت دون اولور



عالمده غم كشي يه دمام كلير كيدر
آدمي وار كه عالمه خرم كلير كيدر
هر كيشي يه بلا يوكنى چكديرير فلك
كيمدر كه بوجهانه مسلم كلير كيدر
تركس مكر كه بيلدي وفاسزدرر جهان
باغك يولنده كوزلري برنم كلير كيدر
كوز يوم جهاندن آج كوزكي كندى حالكه
سن كوز يوموب آچنجه بو عالم كلير كيدر
كوزم اوينه خيل خيالكدردر كن
كيم وار آندن اوزكه دخي نم كلير كيدر
مجر كه خسته كوشته محتسده زاراين
تنها قوماز غمك بنى مردم كلير كيدر
جهد ايت كه خير ايله آكه لر خلق آدكي
عالمده آيدردر قالان آدم كلير كيدر



بزه يازك ييناغى لاله يتر
بتمسون كلستانده لاله تر
كوزلرم ايچمكه جكر قاقى
عكس لعل لبك پياله يتر

دیر کورن ال ایاغیک آلن
هیچ ال اولیه بوآله یتر
چوق سوزلر ایشتم اما یوق
لی وصفده بومقاله یتر
سینهده اکلهمه خیالی کوکل
سکا اکلنجه آم وناله یتر



اول سرو کلعدارکه عشاقه ناز ایدر
اولدی کناهمز که بزه نازن آزاید
بنم جهانده پایه قدرمی واریدی
قدک هواسیدرکه بنی سر فراز ایدر
جانیکی آلازم دیرایمش ساکه اول نکار
اولما کوکل ملول آکا کیم ساکه ناز ایدر
کبه قپوک صفاسنه دل کچدی رومدن
دوشدی هوای زلفکه عزم حجاز ایدر
ای سرونازکی صاقین آهندن عاشقک
شوق رخکله چونکه سحرده نیاز ایدر



سکا قوشله سروطوغرو اولور
راست دیرلر طبیعت اوغرو اولور
کوی ایتینه قوللق
ایت که کشی
اولویه خدمتیه اولور اولور

قو آياغكده بن يوزى قاره ي
 كه چراغلا، دې قارا كو اولور
 تركسك صبح دكلو كل يوزكه
 انتظاريله يوركى صو اولور
 كنج حسن ايچره بنلك نيلر
 حبشيلر بيليرسك اوغرو اولورلر



سروى چنارى قدكه حيران صبا ايدر
 تيغ وتبرله اولماز اول ايش كيم هوا ايدر
 قامت كنيردى قدى صالماغه ناز ايله
 سرو وچنار صف طوتوبن اقتدا ايدر
 كويك مسافريدى صبا كلدى كلشنه
 سرو وچنار ال اوزره طوتوب مرجبا ايدر
 تركسلريكي خسته ايشتمش چنار وسرو
 بوال كوتورمش اول باشن آچمش دعا ايدر
 كويكدن ايرسه بيك صبا خشم ايله سحر
 سرو وچنار بربرينه التجا ايدر
 سرو وچنار سايه قدكده خوش كچر
 تركس ايزك توزن كوزينه توتيا ايدر



اي ماه سرو قامت وي سرو كلمذار
 كل رخلريكي لاله كوروب اولدى شر مسار

كلزاره آچيلير صانهسك بردرېچه در
چشم ايچي كه عكس رخكه اولدى لاله زار
قيل ژلفكي رخكه برابر يوزكده كيم
نوروزده برابر اولور ليل ايله نهار
آغزك نشان آلسه لبكدن عجبى دل
راز نهانى باده ناب ايلر آشكار
بختميمدر كوزك كه اويانمادى اويقودن
رختميدر صاچك كه اوله بويله تار مار
بوزلف برشكنمى ياخود نافه ختن
اول مسك چينمى وياقتنه تاتار
عاشق كي خروشه كليز رعد ايدر فغان
معشوق كيبي خنده قيلار برق تابدار
ابر بهار درد ايله افغان ايدر مكر
بنم كي باشنده آنكده هواى وار
آهمميدر كه ابر طوتار بويله كوك يوزين
باران ياشميدر كاقدرد يرد جويبار



طويديك اوينجه باده ابن كيم دهانى وار
بيلدك مكر قوجنجه بلن كيم ميانى وار
ميل ايتدى قانلى ياشمه اول شهسوار حسن
طويدي مكر كه اول يورده ده لعل كانى

نه آغزی وارکه لبرکی آکه غنجه نك
 قدیکه قارشى کلمکه سروك نه جانی وار
 حسنی براتنه چکلی قاشلری نشان
 باقان یوزینه دیدی که بکلك نشانی وار
 کل رخلرنده سنبل زلفن کورن دیدی
 یارب نه نورددر بوکه مشکین دهانی
 آغزینی یوق صانیرایدی اول پری رخك
 کل کیبی کلدی دیدی کورنلر دهانی وار
 ایدر طریق عشقده بکزم صاری کورن
 تاجردررکه مصره کیدر زعفرانی وار



جام لبك کوزومی طولو قانلی یاش ایدر
 بوجام باده سیریمی درد اکه فاش ایدر
 ای لاله لعل کیبی لب یاره کرم اولوب
 اویکنمه یوقسه تکرری سنی داخی طاش ایدر
 دشمن کی قلیجله کلوب غمزهك اوسته
 ای دوست کورن آنی صانیرکه صواش ایدر
 باقجه کون یوزوکه دوکر کوزلرم یاشی
 دیرلردی باقیحق کونشه کوزی یاش ایدر
 قدیمی خاتم ایتدی لبك شوقی چشمه
 خون جکرله رنگ ویروب آکا فاش ایدر



مهر رخیله اولدی نكارك سحر قمر
 کوینده دور ایدر کیکجه لر تا سحر قمر
 اول سروقد طوتمغه عیدنده حسنکک
 مهر اولدی تاج زر آکا زرین کمر قمر
 سنسز فلکده اکنه من کون یره اینر
 مثینی یرده بولمادی کوکه چیقار قمر
 مهر رخله باشنی قویمشدر اورته یه
 غمزه اوقینه سینه سن ایلر سپر قمر
 معذور طوت قبوک یاتار ویدر غریبدر
 شهره دوشوب کزرسه نوله دریدر قمر



مهر رخله اودلره دوشوب یاتار سحر
 آهی اودیله کلخن دهری یاقار سحر
 طونندی قارشیکه باشنه تاج زر اوروب
 طوردی قوشاندی بیلنه لعلین کمر سحر
 قانه بویاندی کوزی یاشندن انکلری
 شوق لبکله کورکه نه قانلر یوتار سحر
 مهر کدن اوردی صدق ایله دم یوزی آغ اوله
 عشقک یولنده چکسه علم وجهی وار سحر
 یرتوب یقاسنی نه ایچون قانلی یاش دوکر
 سن ماه رویه عاشق اولوبدر مکر سحر
 عاشق کرککه جان ویره سرن طویورمه
 بردمده مهرنی نه ایچون فاش ایدر سحر

هرکون یاقاسنی کل ترکیبی چاک ایدر
مهر رخکله کورکه نه حالت چکر سحر



سر زلفیکی دپرتدجه باد صبح جان تتر
قاچان آرام ایدیسر مرغ هرکه کاشیان تتر
تب هجرکده هرکه کیم طوته جان ودلی لرزم
فغان و آه وناله مدن زمین و آسمان تتر
نوله کر تتره سم غمزده اوقی چیقده سینه مدن
چیقجق جان بدن لاید یرندن بر زمان تتر
مکر جانینی قورقوتمشدر هرکون دوکه نیجه
صباي قارشیدن کوردوکی دم سرو روان تتر
سر کویکده آه ایدوب قاچان دل بی قرار اولسه
کلستانده صائسک یل اسوب برک خزان تتر



جان ودلی بیله کمی که جانا نه لر کدر
شمع رخکله یانجی پروانه لر کدر
جان ایله دلی یاقفه کلبدی غم عشق
نم وار بنم اولان دخی جانانه لر کدر
که کوزده مقام ایله وکه دله مقیم اول *
چونکه ایکیسی داخی سنک خانه لر کدر
سودازده در جان وکوکل زلفک اوچندن
زنجیره چک آنلاری که دیوانه لر کدر

کوکله کوزم کیم طولودر خون جـکردن
محنت طاشنه چالغه پیمانه لر کدر



ای باد صبا کل بزه جانان خبرین ویر
جان بلبله اول کل خندان خبرین ویر
بی دللره کل رخلری اوصافی سویله
بلبلره اول تازم کلستان خبرین ویر
طوغری کلشک یار اشیکندنمیدر ای دل
دیکنن براز اوتور بزه دیوان خبرین ویر
واعظ بزه دیدار صفاسینی بیان ایت
زاهدلره وار روضه رضوان خبرین ویر
دل تشنه سی زلفک ظلماتنده یول آزدی
حاضر اول ایرش چشمه حیوان خبرین ویر
ای دل یولک اوغراد ایسه مصر جماله
قوللاری ایله نیلدی سلطان خبرین ویر
خوش لفظ ایله شیرین لبی اوصافی سویله
جان طوطینه اول شکرستان خبرین ویر



ای لعل لب نه دکلو کاوله آبدارد
آندن سوزک کهرلری جوق آبدارد
قانی یاشمله کیرپک اوجی اولدی لاله زار
کل سیر لاله زار ایده لم کیم بهار در

آی آیدنلغینه قارشى يوزك مصحفینی دل
 اوقور روان اكرچه كه خط غباردر
 طوطی قفسده زاغ قیلار سیر سبزه زار
 كل خار ایچنده زار عجب روزکاردر
 براعتباره قالسه جهان خلقی طك دكل
 عالم حقیقه باقیجق اعتباردر



يوزك کیم کورسه ای ماه منور
 صانیر کیم نوردر اولمش مصور
 آکوب قدك ینه قامت کتیردم
 يوزك کوردم دیدم {الله اکبر}
 لیسک قندی ذکر اولدینی یرده
 شکر آکله سوز اوله مکرر
 سیه رو زلفکه یوز و یردیکچون
 باشیکه چیقدی اولدی ساکه همسر
 کورنلر یوزومی یاشم ایچنده
 صو ایچنده خزان یایراغی دیرلر

حرف الزاء

دل سکا میل ایتدی جانم اوزکه جانان ایسته من
 درد عشقك جانمه خوش کلدی درمان ایسته من

کوکله کلسه خیال خطی رشک ایلر رقیب
 اوده قرآن اولدیغن بیلدم که شیطان ایسته مز
 سن کیدرکن ناله عشاقدن ایجندی دل
 خسته مسکین جان ویریرکن آه وافغان ایسته مز
 لبریکه هر کورن میل ایله سه ایخنمه کیم
 کیمسه اولیا جهان ایچنده کیم جان ایسته مز
 باشمی غلطان کوروب میدان عشقنده دیدی
 بونه طوب اولور که اوینار کندی چوکان ایسته مز



خیلی کوندر چکنیر سرو چندن چیقماز
 دکه بر زحمت ایله کیشی یرندن چیقماز
 طفل غنچه یالن آیاق یوکوروردی قپوکه
 اکلنوب کلمدیکی بوکه دیکندن چیقماز
 دل که طویدی لنبک فکرینه حیران اولدی
 بر مکسدر که دوشوب قالدی لبدن چیقماز
 بر جملر کبی ییقلدی بدنی عشاقک
 قصر حسنیکه دل اول برج بدن چیقماز
 سوزده کیردکه قلی قرق یارارسه نوله کیم
 چون سوز آچلمیه اول غنچه دهندن چیقماز



عاشقک قدی چون کان اولماز
 غمزده اوقلارینه نشان اولماز

فاش اولورسه عجبی راز غمک
 کیم بو عشق ایشیدر نهان اولماز
 یاش یرینه کوزم پکارندن
 دمی واردر که قان روان اولماز
 لعالک شوق ایله کلشنده
 لالامی وار که باغری قان اولماز
 کوزلری سا که رحم ایده صائمه
 کوزل ایکنده مهربان اولماز



سنسز دل جهانده اکلنمز
 باک باغ جنانده اکلنمز
 کورمه کل یوزیکی باد صبا
 بر نفس کلستانده اکلنمز
 عشقدر اکلین قبوکده بی
 کیمسه ایشسز جهانده اکلنمز
 آلدی صونک قرارینی شوق
 که بر آن هیچ مکانده اکلنمز
 کوکی اوکرن کوکل مرغی
 کوشه کلستانده اکلنمز



جالک لاله زاری بویه قالمز
 بوکازارک کناری بویه قالمز

کلم جور ایله مه بلبلر یکه
 کوزلک نو بهاری بویله قالمز
 جمالک کلشنیه اوله مغرور
 کچر حسنک بهاری بویله قالمز



حرف السین

بنده یوق کل آرزوسی ایتمزم سروه هوس
 دهر باغندن بکا برسروکل رخسار بس
 نخل قدک شوپله عالیدر که خرما ی لبک
 ویرمه ویرسه ک اجازت ایرمه یوق دسترس
 کاربان عشق ایله سیر ایله محنت دشتنی
 کیم ندای مزده وصل ایلر آنده هر جرس
 ایلسون بزدن تقدم یار ایشیکنده رقیب
 صویه نه نقصان کلیر اوستینه کلسه خاروخس



یاقدی دل پروانه سن اول شمع رخساره هوس
 یاقینجه قورمی آخر آدمی ناره هوس
 اول بت سیمین کوزینی سوزدی زلفندن یکا
 طفل ترسادر نوله ایلرسه زناره هوس
 پاره پاره ایتدی باغرم غنچه وش تیغ هوا
 اول کله ا کسلمدی کوکلمده برپاره هوس

صافه دلبر میل وار کوکلمده تاج و خر قیه
بی سروبا لایق اولماز کوش و دستاره هوس



غنچه محبوبی صید ایله مک ایستر نرکس
قارشوسینه کچوب اغرنده طونارزر نرکس

سحر اویقوده بولوب لبلرن ایصیدی نسیم

طویمادی صبح کیجه دن مستایدی بکزر نرکس

نوله کل شاهنه باش اکنزایسه کلشنده

تاج زرله باشنی زینت ایدر هر نرکس

تخت کاوس کل وچتر فریدون لاله

بزم جشید چن جام سکندر نرکس

برکک فرقتی داغ اوردی مکریم ایجه


باغری یاشلی کوزی یاشلی یورور ا. کثر نرکس

شوق لعلکله کوزم بحری لبالب کوهر

یاد چشمکله کوکل باغی سراسر نرکس

بولق ایسترکه لب جویه کلو بن صوینور

برکشد پیرهن نازکش از سر نرکس



حرف الشین

سروقدک حسن کلزارینه زینت ویردی خوش

بوهووانی کوکام اول قدی اوزره سردی خوش

قالدی غم قوشلارینک ایچنده کوکام کویا
 عشق سحراننده مجنون باشنه اوشدی وحوش
 کاسه کوکلومه خیالک فکری اغیارک کیدر
 طوره ماز شیطان قاچار چونکیم نزول ایلر سروس
 شول قدر وار تازہ تازہ جسمم اوزره پنبه لر
 کیم تن عریانم اولدی پنبه لرله کهنه پوش
 باده مہرین چون سپهر خمدہ پنہان ایلدک
 دوریدر ساغر هلالینک کتیر ای می فروش
 یینه سن اکلرسن ای دل طوقونورسک کوکلنه
 کیم طوقنسه طاشه آقار صو ایدر لابد خروش
 نوش اولورسه آلمه اغیارک الندن زهر اولور
 زهر اولورسه یار الندن ایت لی یادینه نوش



سرو آزادی بولوب باد صبا چوق اکلش
 کیم چیچک کوستردی یاپراق آجدی ووردی یمش
 سینم اوستنده کورن تیغیه اوقلارن دیدی
 بو صو اطرافنده قاچان بیتدی بودکلو قامش
 عشقک بستانه ایل رغبت ایتدیکی بوکیم
 اشک چشممدن صوبی آقار ایچنده یازوقیش
 صیغماز اولدی درینسه غنچه شادیدن سحر
 سنک آغزکدن صبا کیم بیایر آکا نه دیمش



صبحدم چون شیر چرخه اوردی زین زر کونش
دیکدی میدانده لوای ازدها پیکر کونش

شویله نورانی اولوبدرکیم یوزندن نور آقار
خاک درکاهیله تا کیم بولدی زیب وفر کونش

چرخ میداننده سیمین حلقه سینی ماهنک
نیزه زرین ایله قایدی شه خاور کونش

شرقی غربی سر ایدوب فتح ایتدی تیغ وتیرایله
کیردی ظلماته واروب مانند اسکندر کونش

سن بت چینک جمالی قصرینی نقش ایتمه
کله چینیده آلتون حل ایدر بکزر کونش

کلشن حسنیکده برحوض زبرجددر فلک
کله زریندر اول حوض ایچره دورایلر کونش

شوق رخسارک یاقوبدر یوره کی شویله کیم
قانده برصوکورسه اوستینه دوشر تتر کونش



کوکلی کچدی یارک اغیارک کوروب کوزمده یاش
عالی اول سیل بوزدی قالمادی طاش اوزره طاش

بلرکدن اوزکه محرم یوق دهانک رازنه
بویکیدن کیم تجاوز ایتدی بوسر اولدی قاش

سروی قارشوسنده ایکلر دمبدم باد سحر
صونک اول دردیه دائم کوزی یاشدر باغری ناش

بولمادی مخلص کوکل غمزہ ک او قدن اولدی خون
مطلع ایوان حسن آلتندہ کی پیوستہ قش



روضہ حسینی دلبر شویله تزیین ایلمش
کیم کوروب جتندہ رضوان آنی تحسین ایلمش
باغبان حسن قویمش کللرین آچلمغه
طاغیدوب فلفلرین سنبلرین چین ایلمش
بزمہ کرم ایکن گلش رقب ترش رو
سرکہ دوکش اوستہ اول اودی تسکین ایلمش

دل لبک وصف ایلمش کورسہ ک نہ شیرین سویلمش
رخلرک مدحنده شعرین نیجه رنکین ایلمش



لبلرک وصفن صراحی جامدن کوش ایلمش
باغربنک قانن ایچندہ قایناتوب جوش ایلمش
کوکلمک بتخانہ بسندہ زلفک اوچندہ لبک
صانکہ مریمدر مسیحانی در آغوش ایلمش
آیاق اوزره طورده ماز زلفک صالینر هر یکا
بزم حسنکده لبک جامن مکر نوش ایلمش
فته وسحر وفسونیه کوزک زلفک لبک
کوکلی مفتون عقلی واله جانی مدهوش ایلمش
یکی یاریله اوله لدن آشنا اول بی وفا
بیزم ایله اسکی عهدینی فراموش ایلمش

آنلرایله همنشین ایدوب دل آواردی
خاطرینی اوغرایوب اقتاده نك خوش ایلمش



کویک کداسی اوله لی دل پر صفا ایمش
بیلم صفا سورن بوجهانده کدا ایمش

طاؤس زلف ایدندی بویک سدره سن مقام
ایرن دیدی که نیجه یرک متها ایمش
عشق بلاسیدر بنی حجر اودینه آتان
بیلم جهنم اودونی یاقان هوا ایمش

کوزم یاشینی سیم ویوزومی زر ایلدی
اکسیر مهر یار عجب کیمیا ایمش
اورتالرینه سوز براقیر قدیکی آکوب
طولاشدیرن چنارایله سروی صبا ایمش

کویک طرفلرین طولاشیر دایما صبا
مسکین بلای زلفک ایله مبتلا ایمش
یالواردق اورته یه براقوب غمزه ک اوقی
قاشک اکلدی نه قی باشلی یایمش



ترکس کوزوکک خسته سیدر بکزی صارارمش
لاله لبکک تشنه سیدر باغری قارارمش

سزومش که لبک جامی ایله باشلری خوشدر
کلشنده صبا غنچه لرك آغزین آرارمش

خطك غميله جان ويرنك مقبره سنده
 اوتلر كه بتر هر برى بر درده يارارمش
 لعليكه نه كيفيت ايله ايرديكنى مى
 شيشه ايله آغز آغزه ويروب جامه صورارمش
 چشمك هوسى نركسك اويقوسنى آتش
 يوللره باقوب قالمغيله كوزى قارارمش



لانه رخك شوقى اوروب جانمه آتش
 قىلدى دلى سنبىل صاچك فكري مشوش
 لعليكى كوروب دل نيجه آه ايلسون اى ماه
 كندى الى ايله كيم اورور جاننه آتش
 زلفى غمى ايله قودى جان عودنى اوده
 اقشام ايريشوب كيتدى ديدى كيجهك اوله خوش
 زلفنده نه خوش حالدر اول هندوى خالى
 بالين ايدنير سنبىل وبرك كل مفرش
 چشم اوزه نوب جامه زيباسنه يارك
 تن خرقه سنى قالى ياشى ايتدى منقش

حرف الصاد

چون خاتمي جماله لب لعلی دوزدى فص
 دعوای حسنه قارشى كوزى ظاهر ايتدى نص

دلار شکارینه نه کمند و کمان کړک
زلفک کره لړی چوزمه قاشیک یایی یص
پیکان تیری سینه سوزانده ای رقیب
برپاره اود در آل آنی داخی کوزوکه بص

حرف الضاد

بیله برکز کورونورکن دنیاده خرم ریاض
عاشقه وصلک بهاری کوستر هر دم ریاض
ای کوکل دائم ارم صانمه کوزلر وصلنه
بوجهان باغنده چون کیرمز اله هر دم ریاض
اول یکاده عنف اغیار و بویوزده لطف یار
برطرفده قیش قیامت برطرف خرم ریاض
ترلجکه رخلرک بولور لطافت باغ حسن
تازه اولور شبنم ایله اولیجق پریم ریاض

حرف الطاء

صفحه حسینه صورت ویردی یارک خال و خط
خط مصحف خوب اولور قوندقده اعراب و نقط
حسن ایلندن زلفک بدعتلرین رفع ایتمه
حاکم قدرت عذاریکه ویرودر دست خط

شام زلفکده قر صاندمسه رخسارک نه غم
 کم قارا کو کیجده حس بصر ایلر غلط
 پیری حسنک مصرینه نیل اولدی اشکم جوینگ
 اول بریسی عشق بغدادی اوکنده اولدی شط
 آیاق اوزره طوره ماز سایه یانکجه سورینور
 سروقدکن دوشوبدر بکزر اولمشدر سقط
 عشق میداننده چوق مردانه لر باش اوینادی
 اول کمنده سن کرفتار اولماک ای دل فقط



لبک فکرسنه جان آتمش کلیر خط
 کیجه بی کوزینه قاتمش کلیر خط
 ینه نه فته لر اظهار ایدی سر
 سر زلفکله باش چاتمش کلیر خط
 کمرسه ک باشن اکسلمز یانندن
 لیکک شربتن طاتمش کلیر خط
 عذارک خالین اوغری دیبه طوتدی
 بکا مشکین اوغرا نمش کلیر خط
 کونه قارشى او یودی ترا یوبدر
 که یوزنده صویه باتمش کلیر خط

حرف الظاء

حیوان کبی تن بسلیجی جانندن ایدر حظ
 جان پرور اولانلر لب جانانندن ایدر حظ

جان طوطیسی اول لعل شکر باره هوسدر
 دل بلبلی اول یوزی کلستاندن ایدر حظ
 چشم لبکه میل ایدرایسه عجب اولماز
 صرافدر لر لعل بدخشاندن ایدر حظ
 غم سبزه سنی صولاسه یاشم سونیردک
 بکزر شول اکنجی به که باراندن ایدر حظ
 مهمان غمه خوان جگر ویر ایصیققله
 آچدم بیلیرم آنی او بریندن ایدر حظ



حرف العین

وصفکی بلبلدن ایتمش استماع
 اول صفادن سرو اورور طورماز سماع
 غم قماشین عشق شهرینه ایلت
 اول دیارک یابیدر اشبو متاع
 چون غم عشق ایله ایتدک مرحبا
 دی قرار و صبره ای دل الوداع
 واقف اولدی خط دهانک رازنه
 حضر بولدی سرغیه اطلاع
 لبلرکدن کچمدیکی جان بوکیم
 «کل سر جاوز الاثنین شاع»
 رخلرک نورندن آماز حظ رقیب
 دیده اعمایه نفع ایتمز شعاع

باصدی وصلک شربتن هجر آجیسی
افتراقه دکمز ایمش اجتماع



شوق رخکله اودلره دوشوب یانار شمع
اولسه عجمی دردایله زار وتزار شمع
تخریکنه نسیم سحرگاهک اویماسه
اوزاتمازایدی دل سکا ای کلغدار شمع
باشینه اود یاقوب ینه طوروردی قارشکه
راه هواده کورمه کوچ ای نکار شمع
باشن هوا یولنده قوماییدی اورتیه
بولمازدی تخت سیمه کچوب اعتبار شمع
کوز کیجه دن آصلوب قارشکه طورور
کیجه صباح اولنجه اوککده یانار شمع
جانینه کچدی عشقک اودی وجهی وار اکر
یانوب یاقلسه هرکنی به زار زار شمع
یانمازدی اوده اللر ایچنده دل اوزادوب
شوق جمالك ایلمه آشکار شمع

حرف الغین


زلفک اوچنده یاناغک شب چراغ
کون یوزکده کیم یاقار هرشب چراغ

يارك ايله روضه در صحراى عشق
 يارى ايله كيشى يه طاع اوستى باغ
 عشك دامينه دوشدى مرغ جان
 قاره زلفك چون يوزكده قوردى آغ
 سينم ايچنده ياقوب عشق اودين
 حسرت خالك قودى باغرمده داغ
 لاله نك باغرنده خالك داغ اوروب
 سنبلك بوينينه زلفك طاقدى آغ



شوق رخكده باشدن آياغه يانار چراغ
 راه هواده ايتدى مكر ترك سر چراغ
 برداغ قويدى باغرينه خال رخك غمى
 كيم آجيسندن او يويه ماز كيجه لر چراغ
 براود براقدى جاننه عشقك كه كيجه لر
 يوماز كوزينى صبحه دك اولور سحر چراغ
 آهم شما غنى كه كورور روزنمدن ايل
 صانيركه صبحه دك او كمزده يانار چراغ
 ياقديغنى قورتماز ايمش عشقك آتشى
 بولور اود ايچره آنك ايچون اشك تر چراغ
 شوقكده جانمى ياقوب آه ايتديرر بكا
 ديوانه دركه كل ايله قارشى طوتار چراغ

کورسه جمال یاری بولور سوز دل سکون
عادتدرر سیوزر اولنجه سحر چراغ



حرف الفاء

اولهلی قدك خیالی دله جانا معتكف
قلبنی عشقیكه قابل ایلمشدر اول الف
آتش عشقه دوشنده یوز صوبی نیلر کوکل
بر محل هیچ ایکی ضدايله اولور می متصف
هر طرفدن دلدی باغرم ناوڪ دلدوزیار
عشق یولنده بکا کوستردی یوللر مختلف



کل موسمی وآب کناری هوا لطیف
نوش ایله باده کاولدی می دلکشا لطیف
کرم اولدی نار رخلر که بکزه دیکنه
اویکندی عارضیكه سنك اولدی مالطیف
سیر ایتمکین کشتی یولکنز لطفی یوقدرر
برسرو قدیا تنجه کرک اوله تا لطیف
جمع اولسه جام باده لبکه لطیف اولور
بریره کلسه لر اولور اهل صفا لطیف
صوندجه لبلرک نه عجب حظ ایدرسه دل
شیرین کورونور آجی سوز اوزره ادا لطیف

عکس رخکله دوندی کلستانه هر طرف
 بولدی بهار حسنک ایله یر یوزی شرف
 میدان غمده صف صف اولوب طوردی کیریکم
 قانلر دوکلدی یریه طوقشدی اول ایکی صف
 پروین دیشیکه دُرلرینی نیجه بکزه دیر
 نه قاتی برک یوزلو حیا سز اولور صف
 دل آکدی مشک چینیی کوروب زلف و خالکی
 تشویش ویردی کوکلنه بوفکر نا خلف
 بزمیکه کندی بردریه صاریلوب کلیر
 مطربله ویریر نه کیرسه الینه دف

حرف القاف

کلستان ایچنده باقدم کوردم اول کل یوزلو یوق
 غنچه پیکان اولدی کوزومه نهال سرو اوق
 آغزک اویمک آرزوسنده کوکل خیر ایتدی
 نه قدر آصی ایده چون اورته ده سرمایه یوق
 یاشمک سیما بنه اولدی کوزم زر ناودان
 اوله لی عشق کداسی حاصلم آلتون اولوق
 آه سر دیمی کوروب زلفی طولاشیر رخلرین
 خوش کلیر آتش کناری چون هوا اوله صووق
 رخلرک دورنده چوغالسه کوزم یاشی نوله
 کیم اولور البته صولر نوبهار ایردکده چوق

خوشه زلفینی کوزلر باغ حسننده رقیب
یار ناز کدر صدرمن کوزینه آنک قوروق
شویله طولدی دامن کلزار سیم وزرله کیم
نرکس ایله غنچه نك کوکلی وکوزی اولدی توق



کلشن جتدرر یوزی ایچنده خار یوق
زلفی نیلر آنده چون جتده دیرلر مار یوق
کیمدر اولکیم آغز نه غنچه دییه قدینه سرو
سروده رفقار اولماز غنچه ده کفتار یوق
کورینور کورغز آغزی کون یوزنده ذره وار
خط وهمیدر بلی کیمسه دییه من وار یوق
دیر کورن اغیار دم سردک قارا کو کوکلی
کلخنی بردوده بکزر کیم ایچنده نار یوق
مل دیمک اولماز لینه ملده چون اولور خمار
کل دیمک اولماز یوزینه کلده شکر بار یوق
مجلسه دُرلر نشار ایلر آچینجق آغزینی
چوق صدف واردر وایکن بویله اولور یاریوق
دیشلرک وُصفنده سوز چوق ایللرک اغز کده ایک
بیك صدفده بو نجلین بردر شهوار یوق



کوکلی عشقک غمیه بیقرار ایتدی فراق
بنلرک کیی قرارم تار مار ایتدی فراق

اول یوزی کل شوق ایله بلبل کبی زار ایلوب
 قانلی یاشمدن کنارم لاله زار ایتدی فراق
 غنچه وش باغریمی خار غمله پر خون ایلوب
 کل یوزک دردیه بلبل کبی زار ایتدی فراق
 غصه زلفکله اویقو کورمز اولدی کیجه لر
 ای یوزی کل کیرپکم کوزمده خار ایتدی فراق
 بیقرار اوله غم زلفکله ای لاله عذار
 طک دکل کیم یرومی شوقکله نار ایتدی فراق
 مدعینک طغنی اوقندن نه غم شیمدن کری
 چوره یانم سنک حسرتله حصار ایتدی فراق



آچایرمی بوکوکل وصل نکار اولمیجق
 غنچه قاچان آچایر فصل بهار اولمیجق
 شمع جان اویانه می دوشمیجک عشقه کوکل
 نورمی ظاهر اولور ناره یانار اولمیجق
 فی آغزده یاراشیر چنک در آغوش کرک
 محبتک دادمی اولور بوس وکنار اولمیجق
 خط غبارینی یوزکده قومه کیم خوب اولور
 کل رخک مصحفنک خطی غبار اولمیجق
 اولکه نازک دل اوله لاله کبی کلشنده
 جامی آماز انه تازه بهار اولمیجق

کیم باقار باده یه چون اولیه کل رخ ساقی
 لاله زاری نیده لم لاله عذار اولیجق
 صبحه دك چنك چالار هرکیجه قابوکه رقیب
 نهی اولورسه ایدر کیشیده عار اولیجق



کل دفترین سحر یلی آجدی ورق ورق
 بابل صفات حسنك او قودی سبق سبق
 جام لبك قوقوسی ايله مست اولوب صبا
 کل غنچه سینك آغزینه صوندی ورق ورق
 آلمش رقیبی اورته یره قابوکه ایتلری
 آدم یرینه نچمش اول ایت به باق به باق
 قان یاغی اولدی لملیک چون لاله باده یه
 بولسه ایچردی قاتی آنک چنق چنق
 زنباق بوکون اوموزینه سجاده سن آلیر
 دون کلشنه شراب طاشیردی قبق قبق



شوق لبکه برنیجه دم یوتدی قان شفق
 مهر رخوکی ایلدی آخر عیان شفق
 بکزرردی ایشککده آقان قانی یاشلره
 کوکلر یوزنده طورسه ایدی هر زمان شفق
 قانی یاشم ایچنده رخی عکسی دلبرک
 خورشیددرکه اولمش آکا سایان شفق

یا نمازدی تاب شوقك ايله اودلره دوشوب
 مهر رخكله چكمه سه سوز نهان شفق
 قانلی یاشیمی قویسهك ایشیککه آقغه
 باشند باشه اولوردی تمام آسمان شفق



بنم کبی بریوزی کله اولدی عاشق
 کیم حسرتیله باغرینه داغ اوردی شقایق
 عشقکه ایدر آی کبی یوز آقنی حاصل
 مهرکه سنك صبح کبی کیم اوله صادق
 مست اولدی لبك فکرایله دل دور رخکده
 کل موسمیدر عارف اولان اولیه آیق
 اول غنچه لبك بدن ایشیت سر میان
 دکه کشینك ایشی دکل حل دقایق
 باتدی صویه نیلوفر تر اولدی یوزی زرد
 غرق اولدی کوزی یاشنه صان چهره عاشق
 چون رخلیدر مشرق انوار الهی
 وار وجهی دیسم خطه کر شرح مشارق



اول مهر ماه رویه بوسروقامت آنجق
 یوق یوق نه قامت اولسون بوبرقیامت آنجق
 غمزه کله کوزلریکه هرکیم نظر قیله دیر
 اول فتنه جهانده بوجان نه آفت آنجق

جان اولدی خط لعلک تفسیری ایجره عاجز
 سر نهانی واردر برمشکل آیت آنجق
 آب عذارک ایجره سجاده صالدى زلفک
 ایصالنامدی آباغی خیلی کرامت آنجق
 سینهمده غمزده اوقی سهم سعادت اولدی
 جانیه خشم چشمک عین عنایت آنجق



جکرین لاله زارک صولدورر عشق
 کوکل کلزارینه کل طولدورر عشق
 بوصودن نیجه لر ال یودی جانندن
 کیرن چیقماز نه دیپسز کولدورر عشق
 بویولک منزلیدر محنت آباد
 کیدن کلز نه مشکل یولدورر عشق
 صارارتیر تاب محنتله یوزینی
 کوکل میوه سنی چون اولدورر عشق
 نه غم کیم جان یاقاسن ایلیه چاک
 آزارکن قومه الدن اولدورر عشق



اکر اولدکسه اول مه رویه عاشق
 کوکل اول صبح وش مهرنده صادق
 کورینور سینه سنده نازه داغی
 کیمه اولدی که لاله یینه عاشق

قاریشیر ایتلرک ایشینه اغیار
 آکا کیم دیدی کل ایت کتخداق
 لندن بیره قویمادی ایغی
 بهار ایریشدی لاله اولماز آیق
 صوکی چونکیم وصالک آریلقدر
 نولیدی اولمیدی آشنایق

حرف الکاف

دردک ایله کوهسار اورمهدرر کوکسینه سنک
 قانلی یاشدن لاله زارک اولدی یوزی لعل رنک
 یاره لر درر نجوم آندن افق قاندر شفقی
 سینّه چرخه شو دکلو اوردی آهمدن خدنک
 بزم غمده یاره اولدی خون دل باغرم کباب
 قامت چنک اولدی کوزم یاشلری اوتار چنک
 دوکسه کوزم یاشن کلزدی خط عارضی
 حسنک آینه سی نم کورمه طوتمزدی ژنک
 کیم خیال زهد قالسه عشق بی باک اوسته
 بکزر اول بی عقله کیم برباده لعل اوزره بنک



طاغیدوب سنبلرک کوکلم پریشان ایلدک
 کوستروب ریحان خطک عقلی حیران ایلدک

قاشلریکی چاتدک آتدک جانہ غمزہ ک اوقلرین
 یانغرا ایلہ قومادیک تیر وباران ایلدک
 نقد عمرم غنچه وش آغزک خیالی قیلدی کیم
 خردہ عشیقی کوکلم ایچره پنہان ایلدک
 کوزجی قویدک رخلرک اوستینه جانا غمزہ کی
 حسن کنجینه اول اوغری بی نکہبان ایلدک



قالمازم جان نقدینه باکہ لب جانان کرک
 بن جهانی نیلرم ازل کیشی یه جان کرک
 بلبرینه میل ایدرسک کوزلرندن کی صاقین
 احتراز ایلہ بلادن چونکہ ساکہ جان کرک
 عقل وصبروجان ودل طورماز خیالک اولمسه
 لشکری ضبط ایتکہ ایچندہ برسلطان کرک
 جانده یر ایتکہ قدی ایستر آغزندن مدد
 شاخ کلدن اوقدر ا کا غنچه دن پیکان کرک
 زلفنه طولاشدی دک آبروق نیجه اولان خلاص
 مشکل ایشہ اوغرا دی قورتلمیه آسان کرک



سینه می چاک ایتسه تیغ زهر بردردی آنک
 قومکز مرهم که اولدرسون بنی ددردی آنک
 عشق یولنده آنی کیم چشمک بلاسی خاک ایدر
 توتیا اولور محبت اهلنه کردی آنک

کوستیر شادی بهارین عاشقه کلکون یوزک
غم خزان عرض ایدر سا که دخی زردی آنک
غمزه اوقلارینی آت جانہ دیمزسه باقشی
باشی اکمش قولاغینه نه سویلردی آنک
برنهال تازه سک وارمه رقیبک یانہ
کیم زیان ایلر سکا نا که دم سردی آنک



حقه اهلکده مشکین دانه لردر بنلرک
شویله بکزر نقطه شیر شکر در بنلرک
کوزه در کنجینه حسنکده لعلک حقه سی
هندودر کیم خازن درج کهردر بنلرک
کورممشدی روم ایلنده کسه فلفل بتدیکن
اول سبیدن رخلرکده معتبردر بنلرک
قالدی چشم یاشی نیلینی تماشایتمکه
سیریرین خوش بیایر صاحب نظردر بنلرک
بزم جانده رخلرک شمع جهان افروزدر
دوشوب اول شمعہ یانان پروانه لردر بنلرک



کل یوزک دورنده کوردن خط ریحانک
ایدر ای مه فته سیله طولدی دورانک سنک
شرح ایدوب سوزدلی صاحجازدی آغزم نارلر
دل صوقوب سویلتمسه آغزیمی پیکانک

برنهال سرودرکیم نقش اولور آینه ده
 باغ جانده سایه قد خرامانک سنک
 نقد اشک ایله طولو برکیسه در چشمم بنم
 کیم باصوبدر مهر آکا لعل در افشانک سنک
 خط یازییر چونکه نمناک اوله نیچون خوب اولور
 کل یوزکده ترلدیجه خط ریحانک سنک
 کوردی اشعارده حسنی وصفی دلبر دیدی
 روضه رضواندن آلمش نسخ دیوانک سنک



کرچه که که آچیلیر سوزدن دهانی غنچه نک
 آغز که اویکنمکه یوقدر دهانی غنچه نک
 ویرمیلدن باغ حسنکدن خبر باد سحر
 نه کولر یوزی نه آچیلیر دهانی غنچه نک
 چون صبا دیوانه سن همراز ایدندی کندی یه
 فاش اولیسر ایللره راز نهانی غنچه نک
 حسنک چاغن کچیردی غیر ایله اول کلهذار
 خار ایچنده کچدی حیف کیم زمانی غنچه نک
 لعل یازه اویکنیرسک دییه خشم ایدوب صبا
 باشنه طار ایلمشدر کلستانی غنچه نک



دیددی کیم زلفم یوزومه نار مار ایتسم کرک
 عالمک روشن کونن دون کبی تاه ایتسم کرک

سَنَك چُون اوردی دله دیدم که نیلرسک دیدی
 اول قدیمی عهد اساسن استوار ایتسَم کرک
 کل کبی شوق رخکله کرم اولوب ای غنچه لب
 باش آچوب سر نهانم آشکار ایتسَم کرک
 نوبهار وصل ایرنجه یاش یرینه قان دوکوب
 کلشن حسنک کنبارین لاله زار ایتسَم کرک
 اختیاری عادتک بر خرقه در برکوشه در
 بنده زلفک کیی آنی اختیار ایتسَم کرک



قائمی ایچمک دیلر اول چشم خوانخوارک سنک
 جائمی آلمق دیلر لعل شکر باریک سنک
 سرو قدک سایه سنده غصه دن آزاد مايدم
 باشمه اولدی بلا زلف سیهکارک سنک
 بیک کز آرتق وعده مهر آلدی آغز کدن کوکل
 وای نولیدی ذره جه اولیدی اقرارک سنک
 زلفکه اویوب بیله کتمشدی دل کلدی ینه
 سحريله باشن چویردی چشم سحرارک سنک
 سوزلرم انها ایدر هر سوزکه آغز کدن چیقار
 سوزلرم اشعار ایدر ای دل بواشعارک سنک



یارسز ایشمی بتر ایش بیتیر یار کرک
 کشی به یار کرک یارده غمخوار کرک

عشق کوینه قدم باصمادی آدین صاقان
 کیمنه یار ڪرڪ کیمنه عار ڪرڪ
 نیجه بر ایشیده لم آجی سوزین اغیارڪ
 طانلی دیللی بزه بر لعل شکر بار ڪرڪ
 کل کور آرادہ طولی کلر آرایجی خار
 عالم اغیارلہ طولدی بزه بریار ڪرڪ
 کوکلی زلفکہ آصام دیبہ عہد ایتش ایدک
 کل طور انرارکہ کیم کیشیدہ اقرار ڪرڪ



سایہ سرودہ جام و می کفام ڪرڪ
 اولیجق بوایکی بر سرو کل اندام ڪرڪ
 پایمال ابتدی غم دہر بزی ای ساق
 دستگیر اولغہ دمدر برایاق جام ڪرڪ
 خام صائمہ بزی کیم پختہ ایلہ آلدانیرز
 زاهد پختہ سکا بیزہ می خام ڪرڪ
 کلشنک سرو وکلندن نہ بیتز ساکہ کوکل
 حسن باغندہ کی اول سرو کل اندام ڪرڪ
 رام اول امرینہ اول سرو کل اندامک کہ
 کیشی جانبیلہ دلارامہ دلارام ڪرڪ



ای صبا باشلادی سرد اولغہ مشکین نفسک
 زلنی شوقندن آنک کچدی مکرکیم هوسک

نوله عكس لې دوشديسه كوزم كوشه سنه
 صانكه شيرين ايله زين اولدى كنارى ارسك
 ناله قيلماز كوكل اولماسه غمك پيكاني
 لابد افغان ايده مز كيتسه زباني جرسك
 دويميوپ آجيسي شهد لك فرقتك
 ايكليوب باشنى دوكمكدر ايشى هر مكسك
 كل رخك يادى ايله دوشدى غمه بلبل دل
 خوش نفس اولديغيچون چكدى بلاسن قفسك



غم سوداي سر زلفك ايله كسدى سنك
 مادر دهر مكر نافي مشك ختنك
 الى ايرشمدي زلف سبهك خرقيه سنه
 پوست پوش اولدى چيقوب تركنى اوردى وطنك
 ياقدى اود كيبي رخك پرتوى جان خرمنى
 آقدى صوكيبي كوكل كورده لى چاه ذقك
 شوى رخسارك ايله ياشم آقارسه ياره شير
 كه اولور آب روان زينتى صحن چنك
 بولدى بيلان كمرك موى ميانك فكرى
 چاك قيلدى يقاسن شوقك الى پير هنك



قوس قزح كي بويم ايدوب كان فلك
 تير شهاب آمه ايتدى نشان فلك

دوز کون ایشی بزمه ایکی یوزلولکدر
 طور ماسه برقراره نوله هر زمان فلک
 شوق رخکله برق کبی اودی چاقیلور
 چون رعد کبی ایتدیره باکه فغان فلک
 زلفک غمیله قیلدی سیه دل بولوت کبی
 باران کبی کوزم یاشن ایتدی روان فلک



زلفک غمیله ککلی آواره ایلدک
 غمزهک اوقیله یورکمی یاره ایلدک
 یاره ایلدک یورکمی تیغ فراقله
 اغیاره ایده جک ایشی سن یاره ایلدک
 باغیریمی پاره پاره قیلوب تیغ هجریله
 هر پاره سن دونوب ینه بیک پاره ایلدک
 دردیمه چاره ایسته مه کیم چاره اولمادی
 کورکیم بنی نه وجه ایله بی چاره ایلدک
 زلفک هواسی ایله شکسته دل ایلثوب
 باد صبا کبی بنی آواره ایلدک



کلکون ایدر لبک چو یناغن بنفشه نک
 کورن قوماز آندن ایاغن بنفشه نک
 داغلاندی لاله نک یوره کی نار رشک ایله
 باغ رخکده کوردی طوراغن بنفشه نک

ایشتدی دل اوزاتدیغنی زلفکه سنک
 بوردی صبا چنده قولاغن بنفشه نك
 دویمز سحر صفوغنه ناز کدرر یوزی
 اوشوتدی باد صبح یناغن بنفشه نك
 ال صوندرسه عنانه کلکون حسنک
 برسورچک ایله کسمه ایاغن بنفشه نك
 ترکلری یتیشدی کلستان حسنک
 کیسنه آلاز اولدی بر پوله باغن بنفشه نك
 قرآش باده دیک اله کیرمرسه شمع کل
 یاقسون چراغ لاله ده یاغن بنفشه نك
 سرمست کوردی ترکسی حد اورمق ایستدی
 آلدی صبا الینه چوماغن بنفشه نك
 صووارمغه صویه چنک تشنه لبلرین
 طولدیردی شبنم ایله صوماغن بنفشه نك



اولیم ساکه یار نولسه کرک
 قیلم آد وزار نولسه کرک
 زلفکیچون قراری طاعیدوب
 اولیم بی قرار نولسه کرک
 دله دیدم که وارمه عشق یولن
 دیدی هی یوری وار نولسه کرک
 نه کایرسه باشیمه عشقه کدن
 ایلم اختیار نولسه کرک

باش آچوب عشقه قدم باصدم
سنگ ای کلعدار نولسه کرک



یارک اوقینه چونکه جکردن سپر کرک
میدان عشقه کیرمه اول جکر کرک

دل خون وسینه یاره جکر پاره جان فکار
کورکیم بلای عشق چکنده نه لر کرک
سیم وزرایله طوب طولودر قوینی غنچه نک
آجیدی کوکانی آنک اول سیم وزر کرک
کولدیرمه بنی نوله آم ایاسه کوکل
کل غنچه سی آجیلغه باد سحر کرک
عشق کرک که سنگ ایله باشه وارده وز
آیاقدن قالمغه کیشیده برهنر کرک



دیرلر کیشی به جان کرک آندن جهان کرک
جانان که اولیا نه جهان ونه جان کرک
کوزم یاشی آیاغنه یوز اوردینی بوکیم
سرو سهی کنارینه آب روان کرک
شوق لبکه قانه قاچان بویانر رقیب
اول طاشی لعل قیلغه خیلی زمان کرک
دور رخکده قامی ایچسه لبک نوله
کل موسمی ایرشدی می ارغوان کرک

راز دهاتی نه بیلیر دکه خرده بین
 سر نهانی طویغه کیم نکته دان کرک
 عشقل، هوایی ایله کوکل خوشدم اولمغه
 زلفک غمیله نافه کبی باغری قان کرک
 شوق جمال یاری نه دیر شرح ایدوب کوکل
 کون کبی اول عیاندیر آکا نه بیان کرک



دل صاحبی دیوانه سی برکیسه نک
 جان رخی پروانه سی برکیسه نک
 کنج وصلینه مکان اولهم دیبه
 اولشم ویرانه سی برکیسه نک
 سرمن مستور ایکن فاش ایلدی
 کوزلری مستانه سی برکیسه نک
 یولنه جان ویرمک اولوردی اکر
 اولسه جانانه سی برکیسه نک
 ایلدم خالی سراین قلبمک
 کاوله خلونخانه سی برکیسه نک



کل یوزکه باصار آباق کاکلک سنک
 هی نه قارا کوکلودر اول سنبلک سنک
 سن کل کبی چنده کزرن روامیدر
 خار غم ایچره ناله قیله بلبک سنک

کیمدر یوزوکی روضه رضوانه بکزه دن
جنت چنارینه دکر برکاک سنک
دل مرغنه که قوردی قارا زلفک آغنی
بیك مرغ جانه دانه صاچار فلفلک سنک
بلبل کبی فغانمی کوروب اول کل کولوب دیدی
آفاق ایجی طوتدی ینه غلفلک سنک

حرف اللام

حسرت لعلکله طولدی غنچه کبی قان کوکل
یوزک کوستر که اوله کل کبی خندان کوکل
طوب اوله لدن زلفی چوکانه اول کل یوزلونک
مهرومه کبی دون وکون اولدی سر کردان کوکل
شمع سوزانه صو دکسه ناله وزاری قیلور
نوله پیکانک اوچندن ایکسه سوزان کوکل
کلیلدن کاربان کوی دلبردن خبر
دوشدی یوللره جرس کبی ایدر افغان کوکل
کلستان اولمشدی حسنک عکسی ایله برزمان
فکر اغیارایله شیمدی اولدی خارستان کوکل



جوهر جان اوله می شول در شهواره بدل
کآب حیواندن چیقاردی آنی غواص ازل

بحر عشقك عمقه ايرمك زهى فكر محال
 غصه زافىكى عرض ايتك زهى طول امل
 اول نه كوه دركه جان ملكى خراجى يتيه
 عقل صرافى قياس ايتسه بهاسن فى المثل
 يازمغه قصر جمالنده نكارك شمسهر
 يوزومك آتوتنى نقاش اشكم قيلدى حل
 بار هجران آنك حمال كردونه اكر
 اورسهر يردن قيلمدا نطق دكلدر محتمل
 دلدلده عشقك ديده ده چشم ودهان وزلفكك
 نقشى خوشدر كه ياراشير علم ايله اولمق عمل
 غنچه كيبى نيجه دمبسته اولاسك كل كيبى
 اغزك آج طوت سوزم اغزك طوت مدين دست اجل



وار آياغنده او سروك سايه وش طوپراق اول
 كل برى قاج سرسرى حلقه عشاق اول
 قاتى سنكين دلدر اول سرو سمنبر چون كوكل
 س آياغينه يوزك سور صوكيبى مشتاق اول
 لاله كيبى رنك صاتمى بوى وير غنبر كيبى
 سرو كيبى يوكسك اوله كل كيبى آلقاق اول
 عشق تاجينه اورورسكه چار عنصر تركنى
 خرقة زافن كيوب سر حلقه عشاق اول

زرق صاتمہ رزق ایچون کل ریادن صافی اول
 زاهد زراق اولہ عابد زراق اول
 چکمهیم غم دیرسک اولہ اول عروس دهره چفت
 بوفلک ایوانسک آلتده ای دل طاق اول



دمی واردر کیم غم عشقکه کوزم نم دکل
 لبرک شوقیله قان دوکمزسه کوزم نم دکل
 نیجه کوندر آلامش غنچه دهانکدن خبر
 اول سبیدن کوکلی آچلماز یوزی خرم دکل
 یوزومی دوندرمزم یوزیل یوزوکی کومسم
 یاردن یوز ییلده یوزن دوندورن آدم دکل
 جان ودل یاپماغه سعی ایت قو جهان بنیادی
 چون بیلیرسک که بنای آب وکل محکم دکل
 یوزوکی کورمدیکم کون کون دکلدر کیجه در
 دم که لعلک یادی ایله کچمه اول دم دکل
 غم چکرسهک باری چک بوزلف غبرساغمن
 چون جهان محنت اویدر هیچ دل بی غم دکل
 گلز ایش شادی اول یرده کاوله عشقک غمی
 جای عشقکدر کوکل گلزسه شادی غم دکل



نیلکون یاشمله حسنک مصری ای وجهی جمیل
 شویله صورت طوتدی کیم رشک ایلر آکا مصرنیل

ایچه بیلکله دهانک نکته سینی آ کدی دل
 اهل دللر مجلسنده اولدی خیلی وقال قیل
 اوقودم کوردم دیزلمش جام لعلک اوسته
 قیل قلمله لم هذه عين تسمى سلسیل
 وجهی وار آمم کوروب میل ایلسه اول غنچه لب
 کیم کلستانده اکیلیر کل بوداغی اسه ییل
 کویکه عزم ایلسم اشکم صولار یوللارکی
 اهل خیر اولان طریق حجه صو ایلر سیل




غمزه ک اوقلاری کوز اچدرماز کورلدن سنی دل
 ایرملی وصلک بهاری یاغدی یاغمور متصل
 زلفنک تاری که رخسارنده اولمش ییج ییج
 مار اوله می لاله زار اوستنده یانار اوزره قیل
 اول ایکی زلف وایکی خددن ایراق اوله لی دل
 ای یوزی کل رحم قیل کاولمش ایکی آی وایکی ییل
 قاله لی کوزده خیالی سرو کل رخسارمک
 کلشن دوران کورینور کوزومه یشیل قیزل
 سینه ده خوناب دل کانه آقار بوقانلو یاش
 بحر درکیم اولمش آندن ایکی ایرمق متصل
 خنده خجلتله ایستر کایده دفع انفعال
 غنچه کلشنده کوروب کل یوزک اولمش منفعل

سو کبی قاییکی صافی ایله ای صوفی دونوب
ایچکی اول صو ایله کرد ریادن پاک قیل



خوار باقه عاشقک کوکلینه ای صاحب جمال
بولتور سزما دیکک ویرانه لرده کنج مال
کمدی هر کز داندن قاشکه کچ رودیمک
طوغریلر یولنده اولماز دوستم اکری خیال
اول مسیحا دم تکلف چکمدی قان ایتمه
اولدیغیچون باده ایچمک دین عیساده حلال
کوکم اومارکیم دییه سک بوسمی ایسترسک آل
کرچه اولماز خاطر دیوانده فکر و مال
کاتب دیوان کریدن قاشلرک طغراسنی
وصف ایدرکن ماه نودن کوستیرکه که مثال



مربع

جان ویریر کورمه اول زلف سمن سایی کوکل
صاتین آلیر پشنه فتنه وغوغایی کوکل
یاقدی یاندردی بی آه بوسودای کوکل
کوکل ایوای کوکل وای کوکل وای کوکل
قیلدی شوریده ینه زلف سمن سایی بی
بنی ایستردم ایدم عالمه رسوای بی

دله اویدیغم چوندر بو بکا وای بنی
 کوکل ایوای کوکل وای کوکل وای کوکل
 اولدی حیران لبکه دل بله هجرانده یاتار
 زافک اوچندن اینر چاه زنخندانده یاتار
 کیجه هر قنده اولور ایسه غریب آنده یاتار
 کوکل ایوای کوکل وای کوکل وای کوکل
 غم هجر کده کوکل جان ایله انباز طورور
 بزم عشقه کده سنک دردایله دمساز طورور
 دله اویدیغم ایچون باکه بوده آاز طورور
 کوکل ایوای کوکل وای کوکل وای کوکل
 بو کوکل عشق ایشنی کندوزینه کار ایدینیر
 بر جناکاری بولور قنده ایسه یار ایدینیر
 کل آنی سومه دیجک بزی اغیار ایدینیر
 کوکل ایوای کوکل وای کوکل وای کوکل
 بن دیزدم ویرم اول زلف سمنسایه کوکل
 سوزمی اسلمدی کیتدی بو بی چاره کوکل
 کوکل ایتدی بنی بو وجه ایله آواره کوکل
 کوکل ایوای کوکل وای کوکل وای کوکل
 بزی دردو غم ایله یاد ایدر اول یاردریغ
 بزه یار ایتدیکنی ایله من اغیار دریغ
 دلدر ایدن بزی بو وجه ایله غمخوار دریغ
 کوکل ایوای کوکل وای کوکل وای کوکل

بن بنی عشقه اویوب درده دوشم صانمازایدم
 بو بلایی بکا دیرلردی بن اینانماز ایدم
 کوکل اولماسه ینه عشقه آلدانمازایدم
 کوکل ایوای کوکل وای کوکل وای کوکل
 کوکل اول سرو روان آیاغنه آقدی ینه
 بنی بو حسرت و درد اوتلرینه یاقدی ینه
 کندوزین تک طورور ایکن دله بیراقدی ینه
 کوکل ایوای کوکل وای کوکل وای کوکل



اولدی تن نحیفم زانی اوجنده بر قیل
 جانم کوزنده اول قیل جانان یوزنده مایل
 کوکم شراردسی کر میل ایتسه عشق اودینه
 اولماز عجب که اولور هر جزء کله مایل
 تن پرده سنده مستور اولورمی پرتو عشق
 کون یوزینه نه ممکن کیم کولکه اوله حایل
 عکس جمالی یارک چون اولدی کوزده ظاهر
 کویا که برج آبی خورشیده اولدی منزل
 نه دکلو دوکسه کوز یاش باغرم قتی بویالماز
 کیم لاله رنگی اولماز یاغور صویله زایل
 شبنم دکل یوزینه باد سحر صوسپدی
 کوردکده کل یناغن چون اولدی عقل زایل

کل یوزی برق اورنجہ باشینی بوردی غنجه
بلبل دیدی کورنجہ { یا ایها المزل ! }



کوکل طولاشسه زلف نکاره عجب دکل
غرق اولدی ال صونارایسه ماره عجب دکل
باد صباکه سالک راه هوا درر
کر ال اورورسه سرو و چناره عجب دکل
زلفک اوچندن اولدی خطک فتنه سی عیان
یانکده اولدیه یوزی قاره عجب دکل
قالدی ایچمده چیقما دی بیکان غمزه سی
اوکلماسه جکرده کی یاره عجب دکل
تزویر خط کتیردیکچون اولدی آشکار
بارق طولانسه زلف نکاره عجب دکل



جان صفحه سنده یازه لی خط غبار لعل
ناقوت خطک ایلدی نسخ ای نکار لعل
شوق لبکله باده نیچون قان یوتار دییه
بر یاره اود اولبدرر ای کلعدار لعل
شوق رخکله تاب وتب عشقه دوشمه سه
کونده نه ایچون اود کی بویله ینار لعل
پار پار یانار دیدکلرینه لبلرک ایچون
یوزی قیزاردی اولدی قاتی شرمسار لعل

شوق لبکه باغری حكاك غم دلوب
بویاندی باغری قانی ایله لاله وار لعل



عشق بلاسنه اولهلی مبتلا کوکل
درد و غم ایله اولدی مصور بلا کوکل

ایستکه خاکپاینه یوز سوره سن شهك
مشکل بودرکه حالی بیلمز کدا کوکل
عشق هواسنه دوشوب اولدقده مبتلا
بیلمزدی نیدیکن دها عشق وهوا کوکل

قداك هواسنه دوشه لیدن کوکل بی
بیلدم بونی که باشه آیرهش بلا کوکل
برکون بلای عشق آکوب ناله قلمیه
بیك ییل چکره هجرک الدن جفا کوکل



قاشك خیالی ایله کیدر کیجه لر هلاک
شامنده زلفک کلوبن کیجه لر هلال

دوشمشدر اینجه بیلکی قوجق هواسنه
اول آرزویه کندوبی ایدر کمر هلال
عشق یولنده بیك اولوبدر یلر فلک
ییلنده مهر زنك والنده تبر هلال

حسنك کوکینده بدر اولهلی آلتک ای کونش
دردیکه دوشدی اینجیوب اولدی قمر هلال

سن پادشاه کشور عشقه طپو قیلار
باشن اکر قاچان که او ککدن کچر هلال



زانینی ایدوب آی یوزی دورنده تأمل
بیلم بونی کیم لازم ایمش دور و تسلسل
شیرین کورونور خال لبك جانمه زیرا
طاطلی اولور آغزده شکرلنسه قرنفل
کل برپاره اود اولدی کوروب خاری باندده
اول اودایله بلبل یانوب اولدی بر آوچ کل
دل بلبلی دردیه فغان ایتسه عجبی
آچلدی جکر قانیله چون کوزده قیزل کل
غنچه کبی قان یوتسون آرا یرده رقیق
بلبل کبی بن آغلیه بن کل کبی سن کل
غنچه فرخدن صیغماز اولدی دری یه
بکرتدیکیچون اعلکه یوزینه کولوب کل
سودی کلی بلبل نه عجب حاله صاتا شدی
نه فرقه دو یار نه ایدر وصله تحمل

حرف المیم

صانه کلکون اولدی جام قانی یاشمدن بنم
دلده عشقک شعله می کوروندی طاشمدن بنم

روی زردم صو ایچنده قالدی نیلوفر کبی
 بحر عشق موجی کلدی آشدی باشمدن بنم
 منزله وارمغه زورق ایدندی ماه نو
 کول کنارندن کچلمز قانی یاشمدن بنم
 قان روان اولدی طوقشدی کیریکیمک صفلی
 غم چریسی هیت آلدی بوصواشمدن بنم
 کونده بیک کزقانی یاشم موجی باشمدن آشار
 کور نه لر کچدی بو عشق ایچنده باشمدن بنم



کوزلریمک یاشی سرم فاش ایدر دیردم بنم
 درد عشقیکه دوشه لدن بوایدی دردم بنم
 قسه غصم اوزوندی کل کل دلبر کبی
 نازینلر نازی کبی چوقدر دردم بنم
 یاغسون اشکم یاغموری جسمیمی خاک ایتدکده غم
 ناکه کویندن نکارک چقمیه کردم بنم
 بند زلفکدن دله قالمادی امید کشاد
 ششدر محنتده قالدی آه کیم نردم بنم
 حسن میداننده زلف و خطی برجنک ایتدی کیم
 قالدی کرد ایچنده اول مهر جهان کردم بنم



بن نه ممکن کیم وفا یوزنی جاناندن کوردم
 کیم وفا کوردی نکارندن که بن آندن کوردم

قانی یاشم طوتدی چشم منظرین یر قویمادی
 باقمغه دنیا یه یوزک بلعزم قاندن کوردم
 قورقارم بیهوش اولم ناکه کورنجبه یوزی
 ایسترم کیم ابلرین اول اویم آندن کوردم
 سیرایدر اغیار ایه کورور بزی کورمز لئیر
 بن دیمزدم بو ایشی اول چشم فتاندن کوردم
 هجر اودی پرسوز قیلدی بزمز او مارمیدم
 کیم بودکلو ایسی یوزین نار هجراندن کوردم



ایکلتیر دولاب چرخ چشم کریانم بنم
 چینلاتیر کوکلر قولاغن آه وافغانم بنم
 کون یوزکدن آیریلالی ای مه برج جمال
 هر کیجه کوکب صایار چشم در افشانم بنم
 دست غم چنک ایده لیدن قامتیمی زهره نك
 کوکده آهنکن یاکیلتیر آه وافغانم بنم
 کل یوزک وصفنده بیتر شعرمک رنکینلکی
 نوله رنکین اولسه اوراق دیوانم بنم
 ناله واشکمدرر بزمده باده یله شراب
 شعله آهمدرر شمع شبستانم بنم
 طویدیلر شمعک یاتوب یاقلدیغیچون سوزمی
 قالدی جمر کیبی جانده سوز پنهام بنم

کورملی هر خار الوده کدل کبی دامانکی
غنچه وش چاک اولدی غیرتدن کریبانم بنم



ای خطی مشکین مرکب یارمنی سیمین قلم
یارمنک بان قائمه کیم خوشدردر رنگین قلم
تبع ایله تیر ایله دوکسه ک باشی یارسه کینه
امرکی باش اوزره طوتار نیلسون مسکین قلم
عاشق اولدیفن سر زلفوکه طویدرمازایدی
کوزلری یاشین ایده من نیلسون تسکین
زلفک اوجندن سنک شو دکلو قان اغلادی کیم
ایلهمشدر جامه سینی قان ایله رنگین قلم
توعروس معنی به صورت ویریر مشاطه وار
زلف مشکینک یوزنده ایایوب پرچین قلم



کورمیلدن کون یوزک چشم جهان بینم بنم
لاله زار ایتدی جهانی اشک خونیم بنم
باغ وصلک حسرتندن لاله صحرا کبی
بستم خاک سیه سنک اولدی بالیم بنم
دیده جان بین کړک کورماکه شیرین لبرک
قنده کورسون آنی بو چشم جهان بینم بنم
نیجه خوش زینت ویروبدر آسمان عشقه
آی یوزک عکسیله کوزده اشک پرویم بنم

دفتر ایتش کلرک اوراقی باد سحر
یازمه وصف رخکده شعر رنگینم بنم



کرچه شاه ملک عشقم دود آهملر علم
برکدایم کوی دلبرده یوزم خاک قدم
حاضر ایتدم فکر زلفکله دل پر دود دن.
ساکه حسرت نامه یازماغه دوات ایله قلم
بر نفس صبح وصاله ایریشوب دیکلنمدم
شمع وش فرقت دوننده نیجه یانهم یاقیلهم
ایردی یول هجرک بیاباننده بر وادی به کیم
هر طاشی برکوه غم هر خاری بر تیغ الم
زلف و ابروسی دهانی شاد ایلر کوکلی
کوکلی شاد اولور کداندک کوزلری کورسه درم



قاشلرک ایوان کسیردن نشاندر دوستم
حسن ایوانینه زلفک زردباندر دوستم
وارایسه باغ ارمدرکل یوزوکل کلشنی.
اول سبیدن کوزلریمزدن نهاندر دوستم
حسرت خالکله باغری لاله نیک پر داغدر
غنیچه نیک شوق لبکله باغری قاندر دوستم
زلفکک یاننده قویمه خط غنبر بارکی
خوش قوقولر عمره دیرلر کیم زیاندر دوستم

بی ستون عشقه نیجه دوشدیکن فرهاد دل
شوق ایله دیکله که شیرین داستاندر دوستم
تازه بیتمش سبزه در دل کلستانده خطک
باغ جانده قامتک سرو رواندر دوستم



وجهی وار کل یوزکه شمع شب افروز دیسم
یاراشیر سنبلکه شام جکر سوز دیسم
قاره کو دونلرمی کون کبی چون روشن ایدر
غم دکل کل یوزکه ماه شب افروز دیسم
سویاشیرسک واروب اغیار ایله آغز آغزه
باکه اینجینمه کوکلک سکا برسوز دیسم
رخ وزلفنده برابر کورینور چون شب وروز
وجهی وار حسن دلفروزینه نوروز دیسم
تیغ هجر ایله یارلمشدی کوکل دکدی مژمه
نه عجب کر آکا بن ناوک دلدوز دیسم



عشق موج اوردی عجبی یاشه غرق اولسه کوزم
نیجه زورق باتیریر جوشه کلنجه قلم
جاتمک چشم نهان یینی اولوبدر وطنک
ای کوزم نوری آنکچون کوره من سنی کوزم
غصه خال سیاهکله قاراردیسه کوکل
عجب اولماز اوزومه کوره قاراریر چو اوزم

کله سورنسه بولور آینه‌نک یوزی جلا
 قو سورهم رخ کنار که منع ایتمه یوزم
 عاشق حقه هر نه دیر ایسه سا که رقیب
 سوزنی قویه قولایکه بودر سا که سوزم



قارشوکه صبح اولنجه یانوب یاقیلان بنم
 شوق رخکله شمع کبی نیجه بر یانام
 هجری دوننده شمع کبی هایقار بی
 گلز سحر یلی کبی بردم که دکه نم
 چون درد عشق ایده بی پیر و ناتوان
 زلفک عیاسنه وار ایدم که طایانم
 اینان بوکره سا که وفا ایدیم دیدک
 کل شویله ایت که بردخی سوزیکه اینانم
 کیم بکزه در بویونی آنک کل بوداغه
 اول قد سرو اولانلری بکزه ده سویله نم



یاقدی عشق جهانی بن بیلیم
 کیمسه نه بیاسون آنی بن بیلیم
 درد دل قصه سینی کل بکا صور
 ندر اول داستانی بن بیایم
 یاقدی دل کشورین یرایتدی غمک
 کیمسه بیلمزه آنی بن بیایم

مدعی عشق دعوای بکا سن
 سویامه اول بالانی بن بیایم
 ایش-ینجه بوش-عری یار دیمش
 کیم بو نظم روانی بن بیایم



کرچه تیغ حسرتیه پاره پاره یاریم
 قانی طالع کیم بویاردیه اویاره یاریم
 یوز بیک اولورسه غم سهی دونمزم یوزم
 میدان عشق ایچنده بوکون یک سواریم
 زلفک سحابی کون یوزکه مانع اولدی آه
 طوغمادی بختم آیی نیجه بی ستاریم
 چون زلفکه خطا ایدوبن مشک چین دیدم
 عفو ایت کن-اهمی بیایم یوزی قاریم
 غم کاخنده آتش حسرتیه هایاقار
 اول سخت دل صانیر بنی کیم سنک خاریم



نیجه غم سر زلف و نکاری آغلایم
 کل ای کوزم بودل بی قراری آغلایم
 نه قاره بخت و نیجه کولمک ستاره اولور
 بو بخت تیره و ناشاد کاری آغلایم
 دم وصالی کوروب آه وزاری ایله یلم
 بوفرقت ایله کچن روز کاری آغلایم

کول اولوبن یانالیم درد و حسرت اودینه
 فغان ونوحه ایله زار وزاری آغلایم
 وصالی کلری ایله چوکولمدین بردم
 فراق و حسرتی خاريله باری آغلایم



رخ	دلداری	آبه	بکزتدم
زلفن	آب	اوزره تابه	بکزتدم
	اشک	چشمده	عکس رخسارین
	صو	ایچنده	آفتابه بکزتدم
یوزینه	قارشی	کوزلم	باشن
کله	قارشی	کلابه	بکزتدم
	اهل	دنیا	کوزینی باغلامده
	دولت	وبختی	خوابه بکزتدم
اشک	چشمده	جسم بی جانی	
صو	یوزنده	حبابه	بکزتدم



حالم قاچان اوزلف پریشانه سویلرم
 دیوانه صانمه کیم اوپریشانه سویلرم
 اینجمنه باکه سوردم ایسه سرین آغزیکک
 مست ایلدی لک بی مستانه سویلرم

دل طفلی بخود اولدی غم زلفک آکیجق
 صاندی او یوتغه آنی افسانه سویلم
 کون کبی شوق رویکی روشن بیان ایدوب
 سوزدلیمی یانیموب سکا پس یانه سویلم
 سوز دلیمی یانه یانه سویلم نوله
 حالیمی شمع کبی یانه یانه سویلم



یوزک بهار درر ابر نو بهار کوزم
 عجیبی یر یوزخی قیسه لاله زار کوزم
 یوزیکی کوزلیه یوللرده قالدی ترکس وار
 یورکی صویه دونوب چکدی انتظار کوزم
 اسوب بهار یلی کویا چیچک دوکولور
 قاچان که آه ایدم اوله اشکار کوزم
 طبق طبق درو لعل ایلمشدرر حاضر
 کلینجک آیاغکه ایتکه نشار کوزم
 تبرک آلدی کوکل فکر زلف مقتولن
 خیال خال لبن بولدی یادکار کوزم



ساقیا صون راح روح افزایی دلشاد اوله لم
 غصه سندن عالمک بر لحظه آزاد اوله لم
 چون بولور کنجینه معنی بیان صوت ایدن
 صورتا ویران اولوب معیده آباد اوله لم

چون کچر طورماز آقار صو اوزره ایام حیات
بزجباب آسانچون صو اوزره برباد اوله لم
کلشن جانده سنکله آشنا ایدک ازل
دوشدک ایسه کاخن جسمه نیچون یاد اوله لم
گاه لیلی زلفکک سوداسیه مجنون اولوب
گاه شیرین لبرک شوقیه فرهاد اوله لم



حرف النون

آی ایله کون ایتدی حسنک آسماننده قران
ماه رولر ایچره سن اولدک بوکون صاحب قران
عشق طاغنده بی مجنون صانانلر دیدیلر
نیجه بکزر پیری بیرینه بوایکی ناتوان
باغلايه لدن زلف کاش دل دربندی
زهد وتقوی یولنه اوغراماز اولدی کاربان
صو قویجه اوسته اودک چیقار آوازه سی
کوزلرم یاشی دوکلدجه کوکل ایلر فغان
لول مسیحا لب کلیرمش صورمغه بن خسته سن
جانک ایچون ای اجل جانیه ویر بردم امان



دل امیدیه صویه دوندی خیالک اول صودن
ظاهر اولدی نیته کیم روشن جالک کوز کودن

قالدی چشمده خیال خط مشکینک دیسم
دیر چیقاریر هرکشی کندی کلیمینی صودن

خسته یاتدی ضعف ایله دیدی آنکچون چشم یار
بوقاره بختیم کبی آجاز کوزینی اویقودن
بو اوغورلامش مکرکیم سنبلمکدن زلفکک
کیمسیه کورنمز اولمشدر صبا اول قورقودن

بولک اورماسون صاقین ای عشق کیم بیر خرد
نه قدر آرسلان ایسهک ایله حذر اول دلکودن



حسنکک کنجینه سینه دزد زلف اولمش یقین
کوشوارک کوهرین اوغورولامسون کی صقین

زلفی دلار حقیدر اویوب خط تزویرینه
جازویروب زحمت چکن مسکینلرک کسمش حقین
سوردو ککجه کل کبی کلکون یوزک آینه سن
بودل صافی سکا آینه یتر آل باقین

رونقی کلزارک آرنار ایریشنجه سبزه سی
خط سبزی نوله آرتیرسه جمالی رونقین

زلفی تاراج ایتدی عقلی جان اود صالدی رخی
حسنکک یاغاجیسی دل ملکنه صالدی آقین

عارضی آبنده چونکیم ظاهر اولدی موج تیغ
جوبیار حسنه غرق ایتدی خطی زورقن

آتشین بایراق طاقوب دل نیزه سینه آهک
غم سپاهینک اوکنجه چکدی عشقک سنجاقین



بردم اول عیسی نفسله چونکه دمساز اوله سک
سرغیه واقف اولوب روحه همراز اوله سک
نازینسک کل کبی میل اتمه هر خاروخسه
زاغلی صیدین نیدرسک سن که شهباز اوله سک
نازی آرتیردک کیدر کوندن کونه ای سروناز
قورقارم برکون که باشند آباغه ناز اوله سک
زلفنه باش قوشدک ای دل چیقدی الدن نقدجان
نه ایشک دورر سنک اول ایپده جانباز اوله سک
کند که ویرمه تعین برله زاهد امتیاز
جهد قیل ترک تعین برله ممتاز اوله سک
همدم ایکن عندلب جان نیچون ای غنچه لب
کل کبی هر آغزی یایراق ایله همراز اوله سک
ته روا در کل کبی هر خازه باش ایندیردسک
سن که باغ حسنده سروسرافراز اوله سک



صورمه ای دل کیم نه در لعنه کی راز نهان
چون بیایرسک صورمق ایله ظاهر اولماز سرجان
کر خیال قدنه بکنز تمیسه دلبک
سایه سروی نیچون قوچوب یانار سرو روان

سینه‌م ایچره رخلرك شوقی ایله سوزان کوکل
 شو اوده بکزرکه کول ایچنده اولمشدر نهان
 بر آیانی کوز ایچنده جام انده نرکسک
 صالماسونمی باش تعجب ایلیوب سرو روان
 سویله مزسک باکه دیدمدی تبسمله دیدی
 سوز نه حاجت بر اشارت عارفه بسدر هان



خالی اولمایوب حباب دل هوای جامدن
 چکدی چوق سرکشته لکله کردش ایامدن
 ذکرو فکرین قویمه الدن آغزی ایله زلفسک
 کل یوزی دورنده ای دل کچمه‌میم ولامدن
 اشیکنه سورمدین یوز کیمه وصلی خلعتن
 کل طواف ایت کعبه‌نی وارصکره چیق احرامدن
 قویمه الدن جامی عقلک پخته‌سینه الدانوب
 سوز ایشیتمه پخته ایسه‌ک ای کوکل هر خامدن
 سوزه او یماز ناصحا دل کا چدی عقلک پرده‌سن
 دکمه کزکیرمنز اله اول قوش که چیقدی دامدن



اولکه عشقکدن خبردار اولدی یتوریر اوزین
 عالمی بیلیر کشی اما که بلمز ککندوزین
 خوان خابندن جهانک بهره اول ایلتدی کیم
 قیادی احیا کیجه‌سن صائم کپردی کوندوزین

باشمه قوپار قیامت کیتمه ایتسهك خرام
ای مه بی مهر رحم ایت دوکه یاشم ایلدوزین
نرکسك بختی او یاندی او یخودن کیم چین سحر
کوزونی آجدینی دم کاشنده کوردی کوندوزین
لعلی ایچون یوتماك قان یوله خطی سبزه سن
نه بیایرسك خوان حسن سن که طاتماك طوزین



ماه دین آنکه بیلمز آنک ماهیتین
املکی شربت صانان طویماز مکر کیفیتین
حقه امل ایچره یاقوت مفرحدر لبك
خط سبزه یازمش اوستنده آنک خاصیتین
سورمه یوزك صفاسن مانع اولدی زلف و خط
ایکی کوکالو کشی بولمازش ایمان لذتین
ال اورورسهك زلفکه دللر دوشر آیاغکه
کل طاغتمه دوستم مسکینلرک جمعیتین
عشق سوزی کوزلرم یاشیله تسکین اولمادی
بونه باراندرکه دفع ایتمز هوا کیفیتین



هر صدا کیم ظاهر اولور تیشه استاددن
بر اثردر طشره قلمش ناله فرهاددن
رخلری شمعینه جان یاقه قدده ای پروانه سن
باکه شاگرد اول که دیرلر صنعتی استاددن

کورون شمدی یاشم نیلیله حسنک مصریدر
بر قورو اوددرکه قالمش دجله بغداددن
بیك رقیكدن کچرمش دل سك كویك بولوب
کیشی یه بر آشنا یکدر هزاران یاددن
نوعروس غنچه نامحرمدر اورتوب یوزینی
برك سبز ایچنده کیزلر کندوزینی باددن
نه بیته دیرسین کوکل قدندن اول سیمین برک
کیمسه بیش ییمه مشدر سرو ایله شمشاددن
صاندیلر قوپدی قیامت طاغیر قالدردی باش
دلبرك کوینده اولان ناله و فریاددن



شوق رخسارکدر کوزم یاشن آل ایلین
غصه زلفکدرر بیلم بوکوب دال ایلین
کوکلکی بازار عشقه زلفی قویدی ای رقیب
سن قایریمه بوینه آلیز آنی دلال ایلین
اکلین زلفک خیالیدر کوکل آواره سن
باده شوق لبکدر جانی پامال ایلین
فکر زلفکدر طولاشدیران آیاغن کوکلک
جام لعلکدر دوشوروب جانی پامال ایلین
حسنکک شهبازی زلف آشیانندن سنک
ایستر اوچورماغه خطیکی پروبال ایلین



سورمدی عشقك صفاسن پاك دامان اولميان
غمدن آزاد اولمادی سن سروه حيران اولميان
سن كلك درديله بيامز حالي بن بلبلك
خارغمده غنچه كيبي يوركي قان اولميان
حلقه زلفي صفاسن كل نسيم صبحه صور
قدريني جمعيك بيامز پريشان اولميان
ايرمدی شیرين لينه بادهوش قان يوتيمان
بزم عشقه کيرمدی نی کيبي نالان اولميان
خطه ترسا ديمه چونکيم طولاشيركل يوزين
کعبه بي قاجان طواف ايلر مسلمان اولميان
عشق بزمند نه در جان صفاسن بيلمدي
باده شوق لبکه مست وحيران اولميان
هانكي بي ديندر صاحك کفريني ايمان بيلميان
هانكي بي دلدر قاشك يايينه قربان اولميان



عالمی اغياره ویرسون یاری ایله یار اولان
روضه رضوانی نیتسون طالب دیدار اولان
خار ایله همدم اولوب ترك ایله مز بلبلك
بی وفادر دیه یارین ترك ایدرمی یار اولان
کوشه زلفکده چشمک کیتمه قوبماز دلی
بالکز اولماغی سومز کیجده بیمار اولان

دل یوزك نورین کورورکن زلفنکه میل ایله من
سایه طوباده قالماز طالب دیدار اولان
نه بایر صوفی صفاسینی سورارسک عاشقک
نعره مستانه دن سورمن صفا هشیار اولان



کوستروب تاب جمالت نار موسادن نشان
قاسارک طاقی ویریر ایوان کسیردن نشان
حضر خطکدر بولان سر چشمه حیوانه یول
لعل نابکدر ویرن سر مسیحادن نشان
لبسارکدن آئینر اسرار احیادن خبر
رخلرکده بولنور نور تجلادن نشان
کوشوارین اول مهک کورن عذارنده صانیر
صو ایچنده کورینور عقد ثریان نشان
حقه لعلی نظردن غایب اولدی دلبرک
ویردی چشمم آخر اول لعل کهرزادن نشان



کزمکه جان کلشنن سرو روانمدر کان
سیر ایدوب کوکل آچار غنچه دهانمدر کان
لبلری دارالشفا سندن آلوب جلاب تر
دورمغه دل خسته سن شیرین زبانمدر کان
باغلامش دلار شکارین زانفک فتراکنه
قارشودن کریکی اوق قاشی کانمدر کان

هر نه یردن کیم کتاب عشقکه فال آچسه لر
 صفحه اولده بزم داستامدر کلن
 غمزه سندن حسنی میداننده صفلر باغلا یوب
 آچغه دل کشورین شاه جهانمدر کلن
 ایشیدوب دلر فغانندن جرس آوازی
 دیدی کیم غم کشورندن کاربامدر کلن
 کیتمشیدی خشم ایله صاندمدی جاندی کیدن
 لطف ایله دونمشینه روح روانمدر کلن



ایسترایسه لبلری ویر صاقلامه جانک صاقین
 نازیندر کوکای قالیر ساکه جانانک صاقین
 سیرایچون هنکامه حسنن واریحق زلفنه
 طرهمی طراره بکزر ای کوکل جانک صاقین
 دلده حبس ایتدم خیال غمزه سن دلبر دیدی
 خنجر ایله دلسون اول اوغری زندانک صاقین
 زلفنی همدم کوروب بادصباه دیدی یار
 اول یلر اوکازه اویمه آدک وسانک صاقین
 چیتمه سیره بوینکه قولوم حمائل قیلما دین
 دمسون یاوز کوز اول سرو خرامانک صاقین
 آماسونلر لبلرک آدین دیله عشاقه دی
 بویولار اناسدن لعل بد خشانک صاقین

لبلك شوقيله سوزم سوزناك اولدى قى
بركون اودلاره يانار اوراق ديوانك صاقين
جانور ديهه رقيه آتمه غمزەك اوقى
قارەطاشدر اول كورونن كيتدى پىكانك صاقين
سرو كىي اولق ايسترسەك هميشە تازە تر
كل كىي خارك اليه ويرمە دامانك صاقين



كلشنك سرو روانى ساكه اويكنمك نەدن
اولدى ايسە نوله كرسنكين دل ونازك بدن
حسنكك مصرندە رومى جاريە آب روان
زلفكك شامندە هندى قولدرر مسك ختن
بلبلك آكدينى كل يوزك صفاتى اولماسە
دل اوزاتماز سوزە سوسن غنچەلر آچار دهن
سرو وكل دپرنسە كازار ايچرە دترر يورە كم
كوكامە شويە كلير كاؤل سرو كل رخدر كلن
كوهسار محتك هرلالەسى كيم آچيلير
رنكى خون دلدن آلير داغى سوز سينە دن



سبزە زار ديدە عكس خط مشك اندوددن
كرياشارديسە نولا كيم كوز ياشاير دوددن
اولدوكمەن صكرە طپراغيمى تنور ايتسەلر
حشرەدك قيزمش طوره ايچمەدە يانان اوددن

زلفی آتش خانه حسنده مشکین دود در
 کورون یالک یوزیدر کایریلوبدر دوددن
 لاله رخسارک عرق ریز اولیجق ایدرکوزک
 کورمدک صوچیقدیغن دنیا یوزنده اوددن
 وارن ویوغن میانکه دهانک یولنه
 ویردی کوکلم واز کچدم بوددن نابوددن



یاش دوکوب آدایایوب اول ماهی جست وجوده یین
 خدمتم اکسک دکل که اودده که صوده یین
 اول پری عشقنده بولنمادی بر محرم بکا
 کندی کندمله دلیلر کبی کفت وکوده یین
 اصلی واردیر بکا دیرلرسه نهنگ نیل عشق
 کیم یتوب کوزم یاشیله کیجه کوندوز صوده یین
 عالمک کوردم زیانه دکر ایش ایصسیس
 چکدم ال سود وزیاندن فارغ وآسوده یین
 کور میلدن یوزینی کچدم جهانندن کوز یوموب
 اویقو کورمز کوزلرم کورن صانیر اویقوده یین



کون یوزینه سنبل زلفن ایدنمش سایبان
 سایبان ایچره عجدرکیم کونش اولمش نهان
 عقل وصبروهوش کیتدی قالدی جانده داغ غم
 قالیر اودلاری یری کوچدکده لابد کاربان

خشم ایله کچسهك اولور هر یاکه دن دلار خراب
 بیقار اطرافن قاچان کیم تند آقه آب روان
 قاتی کوکلکدن قیلار دل ناله کوز دوکدجه یاش
 اوغرایه سنکین یره آب روان ایلر فغان
 جام لطفکدن سنک برجرعه در آب حیات
 باب خلقکدن سنک برنیمه درباغ جنان



اولدیغنجه اغز که بکزردی ای شیرین زبان
 اولسیدی غنچه رعنا ده کربوی نهان
 رخلرک دورنده کلکون اولسه وجهی واردر
 کیم بهار ایامیدر رنگین آقار سیل روان
 بیلیمکه قدر شب زلفوکی چشم اشکبار
 شیشه ساعت کبی طوب طولودر ریک روان
 طفل هندودر دوشوب خارا یجره خون آلود اولور
 مردم چشم کاولور کیرپکلرمدن خون فشان
 سن قیام ایتسهك لبکدن مرده دل بولور حیات
 چون قیامت قویه بیایر بخش اولور هر جسمه جان



نازنینسك كل کبی کل باد آهمدن صاقین
 ژنک ایدر آینه کی دود سیاهمدن صاقین
 زهر قهرکله اولورسم آغولو اوتلر یتنه
 قبرم اوستنده کلوب قومه کیهمدن صاقین

حسرت زلف ورخکله یاقه جانم اودلره
نالاه شیکیر و آه صبحکاهمدن صاقین

آسیاب غمده باغرم اون ایدرسهک ای فلک
طوقانیر چرخیکه برکون تیر آهمدن صاقین
خط بایرهش خلعت حسنک قارارمش وانی
بن دیمز میدم سکا دود سیاهمدن صاقین
یوزینی صاندم کوروب بدر آی ایتدم اشتباه
باکه کوکلک قالماسون اول اشتباهمدن صاقین
بکلیکه قصد ایتدک ای نرکس اوروندک ناجزر
باشک آلیر اول شه زرین کلاهمدن صاقین



ظاهر اولدی کون یوزک آیینه افلاکدن
کایندی اشکم سینهمه بوئیده افلاکدن
شبنم اشکم کبی ییره دوشورمشدی فلک
ایردی مهرک پرتوی قالدردی بنی خاکدن
سینهمی شمشیر حسرت ایلدی چون چاکچاک
پرتو مهرک دوشوبدر کوکله هرچاکدن
زلفکک بارانیدر سرسبز ایدن جان کلشن
نسنه یتمز خاکدن یاغماییق افلاکدن
اول شه حسنک یولنده جان فدا ایتدی کوکل
صاقینیر شیمدی فدایی دیه اول بی باکدن



غصه اغیار اکسیلمز دل غمناکدن
 اول صونک یوزی آچلماز بوخس و خاشاکدن
 کوه مختدر تم سیلاب غمدن چاک چاک
 چشمه چشم کبی خوناب آقار هرچا کدن
 صاقینیرسه وجهی وار اول قدعر عروش اکر
 کل یوزی آینه سین بودیده نمناکدن
 حقه لعلی یاننده زلفی قورلمش یاتار
 مار مسکیندرکه مست اولمشدر اول تریا کدن
 برمسافر خانه در بو خلقی هپ اهل سقر
 چیق قیامت قصدین ایت سن خیمه افلاکدن



ای فلک نیجه دهک چشمی کریان ایده سین
 محنت و درد اودینه باغری می بریان ایده سین
 برنفس کل کبی کولدر میوبن نیجه دهک
 خار غمده یوره کیم غنچه کبی قان ایده سین
 جور ایله بوره سین کوشمی طنبور کبی
 بزم غمده نیجه برنی کبی نالان ایده سین
 نیجه برخاطر آواره می جمع ایله میسوب
 زلف دلبر کبی کوکلی می پریشان ایده سین
 محنت اوقلارینه ای دل قیلوبن بی نشان
 غنچه وش باغری می طولو نیجه برقان ایده سین

کیمسه اغیارك النذن آلهماز یار اتکن
 قوسه اولمازنیده یین تازمه کلک خار اتکن
 کوزلرم خانه سینه کلدی جگر کوشه لری
 طوتدی قانی دییه بودیده خونبار اتکن
 خط دکلدر کورون مسک صاچلمش یوزینه
 سیلکیجک باد صبا زلف سیهکار اتکن
 دامن کلی صانیرسک نه در ای باد صبا
 نه الک وارکه چنده آچه سک یار اتکن
 دوشیریر دامننی کیم صویه اوغرایه کشی
 چکسه یوز کره نوله زلف سیهکار اتکن
 بی وفالر غمی چاک ایلیه لی دل یقاسن
 بیلدی قدرینی قوماز یار وفادار اتکن



نیتدیکن غمزمه اوقی جانہ جکردن صوره سین
 جکرم قانلرینی دیدۀ تردن صوره سین
 واریحق زلف پریشانکه ای مجمع حسن
 کوکل آواره لکن باد سحردن صوره سین
 قدمه بولدی لبتک لذتی قد و نبات
 اولماسون کیم لپی دادینی شکردن صوره سین
 ای کوزم یائی اوسرو آیاغنه یوز اوریحق
 نه صوچ ایتدک که بزنی صالدی نظردن صوره سین

جگرم نیدیکی قوری خبردن بیله سین
اشک چشمم خبرین دیده تردن صوره سین



آلوده می اول کچ آلا یش ریادن
کیم رند صافی دل یک صوفی بی صفادن
کوستردی وجه روشن سر مسیح لعلک
زلفک کتیردی نسخه معراج مصطفادن
طوطی حسنه زلفی اولمشدی آشیانه
زاغ خطی کللدن اوچشدر اول یووادن
نه یرده سوز آچلسه ذکرکده یز سنک یز
زاهد نه وار یزی سن آکازایسه ک دعادن
زلفک هواسی ایله دوشدی عصایه کوکم
پیر اولدی کرچه مسکین کچمز دخی هوادن



قدک هوا سیدر دلی آواره ایلین
عشقک بلاسیدر بنی بی چاره ایلین
سن کل رخک فراقیدرر بویله غنچهوش
تیغ غم ایله باغرمی صد پاره ایلین
آی یوزی مهریدر یاشمک ایلدیزین بنم
محنت کوکنده هر کیجه سیاره ایلین
کورنجه غمزه کی جگرم خون اولور بنم
تیر نظردرر یوره کم پاره ایلین

نیش فراقه امسم آرام بولمادی
اولورسه نوش اعلی اولور چاره ایلین



جان قدنه قباى محبت ایچلمدین
غم مجلسنده باده محنت ایچلمدین

چیقمشدی لالهوش باشمه عشق بادهسی
کلشن ایچنده باده محنت ایچلمدین

اولمشدی خون دلله ابالب کوزم یاشی
غنچه کناری برک کلیله قوچلمدین

غنچه لبک فراتی ایله دل یوتاردی قان
باغ زمانه ده دخی برکل آچلمدین

شبدیز زلفک آلمشایدی حسن اوکدولن
کلکون صبح صحن سماده سچلمدین



کتیریر زلفکک صبا قوخوسین
انک ایچون ویریر صفا قوخوسین

زلفکک اوغرادقجه باد سحر
کوستیریر نافه خفا قوخوسین

ایتلرک کادی قوخولادی بزى
آلدیلر بزدن آشنا قوخوسین

آردم کوشه کوشه سنباکى
یا بوله م کندوی ویا قوخوسین

عالم ایچره کزرسه پیک صبا
بولماز اول زلف مسکسا قوخوسین



دیشلر کیم بولور یارین بوکون کیم کچسه کامندن
بوسوزدر خوش کان زاهد بکا دنیا کلامندن

کورنجه آغزی وزافینی عقم کیتدی یغمایه
که مل کیفیتی فهم اولدی آنک میم ولامندن
بوی سروین کنار ایدوب کنار باغ حسنده

شراب وصل نوش ایتسه نکارک اعلی جامندن

کوکل زانی خیال قویدی دوشدی قدی فکرینه
هوايه اوچدی اول قوش چیقدی تاصیاد دامندن

بولور جان چین زلفنده حیات جاودان یوزین
آلیر جان لذت کوکلم آنک شیرین کلامندن



کوکل صورت پرست اولمه خبردار اول بومه عیندن
که معنی اولماسه حاصل نه لذت نقش مانیدن

قاجانلر صحبت تنیدن ایررلر لذت جانه

بولورلر معنی باقی کچلر نقش فانیدن

آلیرسه لبلرک دادین دل آکاز کوثرک آدین
سالارسه سایه سن زلفک کوروکمز کولکه طوبیدن

قنی مجنون کبی عاقل که قربت ایلیمه حاصل

کمال صنع مولایه جمال حسن لیلیدن

کوز کدن کوچ کوریجک دل یاپشسه نوله زلفیکه
 که اولور عدل زنجیری آصلمش طاق کسیریدن
 لبك دشنامی ایله دل حیات جاودان بولدی
 نه دن برلظه در دیرلر دیرلمك نفخ عیساندن
 کوکل مرغی گرفتار اولماز ایدی بند صورتده
 اکر کورمهسه ایدی آنده آب ودانه مغیزدن
 نیدر طرک اوچن کوکل جمالک صالمسه پرتو
 تجلی اولماسه حامل نه اولسون طور موسیدن
 بوصورت جامی صینادین ایچماز باده معنی
 بوسر آچلماز الا کیم جواب لن ترانیدن



سر زلفیکی چین ایله کوکل مرغینه دام اولسون
 صاچک چینینی چیز کیم خلعت حسنک تمام اولسون
 کوزللك کاستاننده اکرچه سروقدلر چوق
 کوزللك ایچرمن کل یوزلودلداره سلام اولسون
 دیمش دلبر حلال ایتمزه قانن چشم مستیمه
 لم یادینه ایچدیکی شراب آکا حرام اولسون
 رخندن کورمدک شادی یوزین زلفی غمن خوش کور
 کچ آندن دوش بوسودایه که مـ سر اولمازه شام اولسون
 کل اعراض ایت رقیبکدن یرین اول کافرك نارایت
 یوزک عرض ایله عشاقه جهان دارالسلام اولسون



سودا ردیم زلف پریشانک اوجندن
 شوریده‌یم اول قد خرامانک اوجندن
 الدن قوماسام زلفک اوجینی نه عجب کیم
 نه چکدیکمی بن بیلیم آنک اوجندن
 دل جان ویریحک آبانک اوپمک هوسنده
 دیرلرکه کفن حله‌سی دامانک اوجندن
 دل بلبل جان کلشنی ایچنده چکرمش
 بیک خار غمن برکل خندانک اوجندن
 بر دلی قودی دلدک اول غمزه‌لریله
 بیقلدی جهان اول ایکی قتانک اوجندن



مزدمدی لبک مرده دله جان اوله‌جاغن
 بیلدمدی آنک دردینه درمان اوله‌جاغن
 دل همدم اوله‌لدن لب لعینه بیلیردم
 باغری دلنوب نی کبی تالان اوله‌جاغن
 طوغدینی کون آنک یوزی آینی کورنر
 بیلمشلر ایدی آفت دوران اوله‌جاغن
 زلفک بولوطندن یکاغک برق اوروشندن
 طویدمدی کوزم یاشنی باران اوله‌جاغن
 صلاردی کوکل بابانی غم قفسنده
 بیله‌یدی آنک بویله خوش الحان اوله‌جاغن



کل ایستردم یرم خار ایتدی دوران
 بنی بلبل کبی زار ایتدی دوران
 قیلوب غنچه کبی دمبسته دلتنک
 باشیمه عالمی طار ایتدی دوران
 بوبازار ایچره جان نقدین قیلوب صرف
 جهانده بنی بی زار ایتدی دوران
 بلا پروانه سی باشیمه اوشدی
 یریمی شمع وش نار ایتدی دوران
 حیب ایسترکن اوغرام رقیه
 کل ایستردم یرم خار ایتدی دوران

حرف الواو

کل نوله قیزارسه او یوزی مهوشه قارشو
 لابد قیزاریر یوزکه طوره آتسه قارشو
 دو کیی آقارسه کوکل اول سروه عجمی
 کیم طوته بیلیر کندوی اول دلکسه قارشو
 کوزلر مزه سی کوزلری اغیارینی کوزلر
 اوقینی صاقماز کبی آتار طاشه قارشو
 کیم طوره بیایر غمزه کک آتیلمش اوقینه
 یا کیم واره بیلیر اوچاتیلمش قاشه قارشو

اغیار آکوب خوان وصالک که ایدر آه
بکزر شول ایته کیم طوروب اسرآشه قارشو



رقیه چشم خشم ایلر عجب بو
ایته کیم کوردی غالب اوله آهو
طورلدن عارضی اوستنده زلفی
بیلندی بوکه باتماز صریه جادو
دیله مز سنمز اوله بر نفس دل
کیم ایستر کیم اوله جانندن آرو
یاوز خو آدمی باشند چیقاریر
یاوز دشمندن آرتیقدر یاوز خو
طولاشدی شانیه چیقدی باشندن
نیجه بد خو ایش اول زلف هندو



صفا سوردی کوروب دیداریکی صو
آنکچون شکر ایدوب یره اورور رو
رخک تابن کورن زلفک اوجندن
صانیر آغزنندن اود یاغدیردی جادو
کنار سرودن آبرلدیغینه
کزوب طاشلرله کوکسینی دوکر صو
کله بکزدی اولسه سرو قد کل
دیرایدم سرودر سرو اولسه کل بو

پرینک یوزی یوق خلقه کورینه
سکا اویکندیکیچون ای پری رو
باشیکه عالمی طار ایتدیه عشق
عجب اولماز کوکل عالمدرر بو
صولادی یوللارک سقای اشکم
کلوب فراش چشمم اوردی جارو



حرف الهاء

قاره بنلر کیم اولاشمش زلف عنبر بارنه
حاجیلر در کیم یاپش-شمش کعبه نك استارنه
نالہ زاری ایله نیچون طولانیر کلشنی
صو اکر عاشق دکدر اول کلک دیدارنه
نجیلین یوزینه کوزین دیکوب حیران قاله
صورتیم نقش ایتسه لردی قصرینک دیوارنه
خال صانمک مصحف حسننده آیتلردرر
نقطه لر کالتون ورقدن قوندی کل رخسارنه
ایردی کوک یوزینه دود غنبرنی زلفنک
عود خالن قویدی دلبر چون یکاغی نارنه
وعدہ فردا ایله کوکلینی زاهد اکلهدی
عارف اولان قویمادی بوکونکی ایشی یارینه

کوزلرندن صافنیر صانمه لب لعلن کوکل
جان یدیریردی الندن کلسه اول بیمارنه



یوزکه ایدن نظر باقماز کوزلار یوزنه
کون یوزینه باقنک دنیا کورنمز کوزنه

اویکونه لدن اول ملک سیایه صورتده پری
یوزی قلمادی کلوب کورنمکه ایل یوزنه
شوق لعلک جاننه اودلر یاقوبدر باده نك
یوزبنک زاجی علامتدر ایچینک سوزنه

یاقدی پروبانی جان بلبلی پروانه وار
دوشه لی کل یوزبنک شمع جهان افروزنه
خاله قصد ایتدیکمچون سوردی کویندن بی
کیسه ایتمز آدمک ایتدیکنی کندوزینه



غمزه سی قان ایتدی باغرم تیغ هجرانی ايله
یاشمی آل ایتدی لعلی باغرمک قانی ايله

یار نیلر سه ایلسون سن چیق آرادن ای رقیب
کیسه کیرمز آره سینه آدمک جانی ايله

صو اوغرلادی وازدی تیغ هجران یارده سی
صو قویالدن اوقلرک کوکلده پیکانی ايله

کچدی زلف و خالی ایچون آه ايله عمرم کونی
واردی اول دانه هوایه خرمن جانی ايله

دوت باقی عروسن ایتک ایترسک کنار
برطرف قیل ایشک، وعلی فانیایه



ایکی زلفی قارشو قارشو صفحه رخسارده
سان ایکی طاؤسدر جولان ایدر کلزارده

صویه کل یپراغیمی دوشدی اسوب باد صبا
یوقسه تاب مملی اظهار اولدی خط یارده

خوب رولر صورتک نقشینه حیران اولدیلر

ساکه نسبت خوب رولر نقشدر دیوارده

لاله بیتک طاش آراسنده عجب اولماز نوله

پیر ایدرسه مهر رخسارک دل اغیارده

کیجه کوندوز کوزله یوبن زلف ریحانک یوزین

کوزلرم نرکس کبی قالمشدر یوللارده



طره سی باش قوشماسون اول زلف مسک افشانده

بر حرامیدر باش آچیق نیلر آلوب یاننه

یاننه دوشمش رقیب اول سروقدک سیر ایدر

وارسون اوکونسون اکر قالیرسه اول ایش یاننه

لبلرک صوردیغم ایچون زلفکه آصمه دلی

یوق یره کیرمه کرم قیل اول غریبک قاننه

مل دیماکه دلی واریر اول لب جان بخشنه

کل دیماکه یوزمی طویار اول رخ خنداننه

قاشارك فكريله كوكلده خيالى چشمكك
بكر اول تركه كه ايكي ياقومش قرباننه



جسمى هجر ك اودى ياقدى نوله ايلر ايسم آه
دود ظاهر اولور البت اوده دوشدكده كياه

زاهدك زهدى يتوبدر نوله ميل ايتسه سكا
كيم ريالى سجدده دن بوينده وار بار كناه
بوكدى بيلم بار محنت آچدى آغزن ياره لر
اولديار آيرلديغنه خنجر كدن عذر خواه

عاشقى در كردى برجرعيله طفل مى فروش
حورو كوثر حسرتيله اولدى پير خانقاه
خانقاه عشقه دوشمشدر كوكل درویش اولوب
پاره پاره جسمى خرقه دود آهيدر كلاه



اودى چون و صلاک دمينه طوتدى جاني دم ديه
خوش كوره لم بودمى كل كيم ايرشمزدم دمه
شوق رخساركله دل قيلسه ترنم دير كورن
مغبيچه در ايلر آتش خانه ايچره زمزمه
چاه زمزمدر زنخدانك آنك ايچنده خال
طفل هندودر كه ناكه دوشدى چاه زمزمه

ده بدم خونى كوزك مردملرى قان ايچمكه
رغبت ايلرسه نوله محتاجدر آدم آدمه

آدم اولدرکیم باصوبدر عالم عشقه قدم
عالم عشقه قدم باصایانه آدم دیمه



کچشم مهرکدن ای دوران بنی زار ایلهمه
مهری یوق مهرولره جانم گرفتار ایلهمه
وارایسه میلک بنی اولدرمکه جانم فدا
تک بکا میل ایتدیك اغیاره اظهار ایلهمه
حلقه کفره چکوب زنار زلفك بندایله
خال رخسارک کبی بیرم بنم نار ایلهمه
طالعك باغلانسه یوز کوسترمه اول غنجه لب
آچیلیر کل کبی برکون کوکلکی طار ایلهمه
اولولاره خدمتایله چون بولور عزت کشی
ایتلرینه خدمت ایتمکدن کوکل عار ایلهمه



ایشیدن سوزم بنم وصف رخ جانانه ده
بیلدی کیم دیوانه صیغماز سوز اولور دیوانه ده
طوله شالدن زلفکه کوکل که دوشدی دلره
بکزه دی شول مویه کیم اییشدی قالدی شانده
جوشن ایتدکسه تعجب باده نوش ایدنلرک
دیکله کل جوش و خروشن باده نک خمخانه ده
واعظ سردک ایصناز مجلسینه برنفس
اول که کوردی عاشقک کرمیتن میخانه ده

دخلىرىكه قارشو جان اولسه عجمى بى قرار
شمع كوردكده نه ممكن صبر اوله پروانده



جان يرين طوتاردى لعلك تنده كرجان اولمسه
جانى نيلردم اميد وصل جانان اولمسه
اول بته خط چليپاسن كوروب كافر ديمهك
زلفى زنارين كسرميدى مسلمان اولمسه
ال يوق اولوردى زاهد باده پيمانه دن
ابلريله ايتديكمز عهد و پيمان اولمسه
بويله كئزدى خطك عاشقلىك آغلاتماسهك
كلستانك سبزه سى ييتمزدى باران اولمسه
جمع ايدردم كل كې ديوان جمال ك يادنه
زلفك فكري ايله كوكل پريشان اولمسه



چيقدى اى ماه آسمان حسنكه دود سياه
قالمازيمش يرده اول عاشقلىك ايتديكى آه
دولتكدە باشمزدە دود آه اكسك دكل
باش صاغ اولسه جهانده بولنور آكه كلاه
زلفك اوچندندرر بكزم صارارى بيلمزم
يوزى آغارماز كشينك اوليجق بختى سياه
سياه سالسهك طوبراغم اوستنده اى سروروان
ساكه بندن عرض شوق ايده دل اولوب هر كياه

جذبۀ زلفکله دل سودی سنی کوردی یوزک
سالك مجذوبه بیلدم کیم حجاب اولماز کناء



آقدی کوکلم صو کبی برسرورغنا قدنه
لاله کبی یاندی جانم دوشدی نار خدنه
واردیلر زلفیکه دللر کویکی ابدوب طواف
حاجیلردر روم حسنک کادیلر سر حدنه
کیمدرر سوکمه دیین اغیاره سن بندن ایشیت
سوک بووجه ایلہ چیقنجه اول لعینک جدنه
سد اولوبدر خطکک یاجوجنه زلفک شها
بکچی اولسونلر دل وجانی قو زلفک سدینه
آیاغنده صو کبی قانی یاشین ایتدی روان
سروی بکزتدی کوزم برنازینک قدنه



آیت حسنک یازلدی صفحۀ سیم اوسته
دوشدی اعرای خطک کیم آلتنه کیم اوسته
لام تعریف اولدی زلفک رخبرک تقسیم حسن
رسمدر تقدیم اولور تعریف تقسیم اوسته
قاشنی کوردکجه دل زلف ودهانی اوزره دیر
مد مشکیندر چکلمش صانکه جیم میم اوسته
قاشلرک رادر دهانک میم حسنک شهری ریم
واردی خطک رومدن لشکر چکوب ریم اوسته

سن صویه کیردجکه تتر اوستکه آب روان
سائل اولان تترسه اولماز عجب سیم
جام جم دیر لعلکه زلف ودهانیکی کورن
جم اولور میمک قاچانکیم یازله جم اوسته
حلقه میم دهان لبرک قیلش دونم
نقطه در مسکین کی قونمشدر اول میم اوسته



هیچ سرو اول کل کی بویله سر افراز اولیه
هیچ بلبل ناله ده با که هم آواز اولیه
هیچ زلف وخط سیهکار اولیه بختم کی
هیچ غمزه اشک چشم کی غماز اولیه
راست اول نطع محبتده رخ کی شها
زلف کج بینک کی ایکنده کج باز اولیه
یوقدرر سن کل کی نازک بدن ای سروناز
نازه چوق اولسهده باشند آیاغه ناز اولیه
حالی بردلله سویلر کاهل حال آنلر آنی
عشق حالینه ینه نی کی همراز اولیه



شام هجرکده کوکل ایلدی چون درد ایله آه
فلکک شمی سیوندی وجهان اولدی سیاه
عقلی باشنده اولان تاجنه باقاز فلکک
نیجه باشند کری قالمشدرر اول کهنه کلاه

ماه نوکاسه ایله کویکی دور ایتمز ایدی
 خوان حسنکدن اکر ایلمسه شی الله
 سن جوانی یتورلدن بری بویر فلک
 ایکی طاش ایله دوکوب ایلدی کوکسینی سیاه
 طوغریلوب چشمه لعینه کیدرکن ذقن
 هرکورن دیرکه یول اوستنده کورمزدی بوجاه



کیسه باشه چیتقه ماز طره طرار کله
 کیسه سوز سویلیه مز لعل شکر بار کله
 عندلیب دلی کوردجه آچیلیر کوله رک
 وار بلیشک اثری اول رخ کنار کله
 آشنا اولمغه سعی ایت سک کویله کوکل
 ایل نه دیرسه دیه، سن یار اوله کور یار کله
 مدعی زلفه زنار دیدک اول صنمک
 هی نه کافر سک آصیدی سنی زنار کله



عاشقارک دعاسی ایردی مکر سمیه
 کاول خط مشک آسا صالیدی نقاب آیه
 آینه جماله زلفی خیالی دوشسه
 صانه اوکنده خط وار کاولماز کونشده سایه

کورسه یوزیکی عاشق باقاز کوزی یاشینه
 یندیزه طاکی قالماز آنک که ایره آیه
 واردچقه کوی یاره آرتیرمه آهک ای دل
 کیم نازیندر اول کل دویماز قتی هوایه
 برلظه یوق قراری ایشی فغان وزاری
 سو عاشق اولدی بکزر اول سرومهلقایه



چون چکدی غم دیارینه عشقک شهی سپاه
 صف صف یانم دیزلدی علم چکدی دود آه
 بیلمز نه یوزدن ایده سنکله مصاحبت
 کلدی قپوکه هرکیچه برصورت ایله آه
 کوکومه ذکر شام صاچک فکریدر سنک
 ورد رخک مدایحیدر ورد صبحکاه
 کیرسم کناهه نوله سوب سن پری بی بن
 چونکیم قدیمی رسمدر آدمه کناه
 زلفک هواسی ایله بنی خاک ایدرسه عشق
 مهرک قوقوسنی ویره قبرمه هرکیشاه



کیمسه مصاحب اولمادی دنیاده حورایله
 بز نیجه صحت ایدموز اول یوزی نورایله
 باغ ارمده کویکه نسبت قصور چوق
 قصریکه قنده بکزه یه بونجه قصورایله

چکدم سریر عشقه چکوب هجرک آجین
نه دولت اولسون اولکه کچه شر وشورایه
قالماز کوکل قراری چوغالدجه بنلرک
زیرا مکس چوق اولسه یاتلماز حضورایه
سایه اوروب دوشوردی صبا یلی طوپراغه
غنجه کلاهن آلدینی ایچون غرورایه



بیلمز کوکل نه سویلنور اول مهلتا ایله
دیوانه اولسه نه سوزی وارایدی آیه
زلفک خیالی ایله واریر کویکه کوکل
پیر ایتدی دردک آنی که یورور عصا ایله
که دلدی هجروکهی انتظار وصال
هر قنده ایسه خوش کچیریر بر بلا ایله
سن سویمک ایله مرده دله جان باغشلادک
عیدی اولوی زنده قیلاردی دعا ایله
باغرم دلیدی نی کبی چنک اولدی قامم
کل بزم غمده عیش ایدم چنک ونا ایله



کرم اولدی لبرک مینک دل صفاسنه
کل کبی ویردی وارینی عشقک هوا سنه
جانمی آلدی آتش عشقن ووروب نکار
صوردی اوجوزمیدر دیدی دل بهاسنه

اویکندی . شک چین داپکه یوز قاراسی
 مسکین قازاندی دکره دوشندی خطاسنه
 بولوب کورکاده غصه غم اژدهالرین
 معجز دگی ییتدوره زلفی عساسنه
 کلکون اولور شفق کبی اول کل ییانهک
 کون پرتوی دوشه چونکیم یقاسنه
 عشقه . تمامه نیجه باصه قدم کوکل
 سرچه نه باشایله وارده شاهین یواسنه
 سدره بویک صفاسنه یلاردردر یلر
 راه هواده دل ایره مز متھاسنه



مشکل دگی کیشی که یاریندن آریله
 برکون کله که بوسه دیارندن آریله
 نافه ضاحیکه اویدیسه خون اتمه باغریخی
 مسکینه بویترکه دیارندن آریله
 زلفکدن آریلالی کوکل بی قراردر
 مشکل دگی کیشی قرارندن آریله
 اول یار بی قراری کوکل یار ایدینیدی
 اغیاری سوزینه اویه یارندن آریله
 یاریندن آریلق کشی به کوچ بلایکن
 کل بونی کورکه یاری دیارندن آریله



تکس رخکله بولدی چو زیب و فرآینه
 کون یوزک آینه نیجه بکزر آینه
 کوس-تردی مهر صـورتی عارضک بزه
 نه اولسه کشیده آنی عرض ایلر آینه
 اهل صفا صانیر کورن آنی عبا ايله
 صاقین که صورت اوغروسـنه بکزر آینه
 نه کورسه بر نظرده آلیر خاطرینه چست
 حسنک کتـابن ایتسه نه وار ازبر آینه
 لعین لبک هواسنه ایدندی جام جم
 دوزدی رخک خیاليله اسکندر آینه
 سیل ترله دجه خطکی قویمه یوزکده کیم
 دیرلر که زنک اولور طوروجاغز تر آینه
 هرکیشی خاطرین کوزه دیر یوز ویریر اکا
 مغرور اولورسه حسننه وجهی وار آینه
 او یکندروب چو کندوزینی خوب رولره
 قاتی کوکللو اولسه نولا کرهر آینه
 نه قاتی یوزلودر که اوتانماز کمسنه دن
 نه عجب کیم کوره یوزه یوز سویلر آینه



کیم بکزه در بویونی آنک کل بوداغنه
 بر خارکش دکی کل اول حسن باغنه
 کوردم قراری یوق غم خالکله لالانک
 بیلدکه کسه طویماز ایش عشق داغنه

شرق لیله سورمه نه قانلر یوناز کوکل
برکز اونجه جانی ایریسر طوداغنه

ای سرو طاغده بوایدی دیرکن صنوبری
یانمقده غالب اولدی سکا عشق اوجاغنه
شهباز جانی آولامده کورنه آل ایدر
بک قرر رقیب زاغ قاره زلفی آغنه



ایتم دیار غمده اقامت نه فایده
خون ایلدی یوره کومی غربت نه فایده
زلفی الیمی اندی بن دوشدم ایاغنه
چون باشده دولت اولیه همت نه فایده
قدک قیامه کلدی ایشیدن فغانمی
چالندی صور قوپدی قیامت نه فایده
سن سودیکجه آنی اوآتیردی جورینی
بر بی رفایه بونجه محبت نه فایده
بازار غمده دوشردی دایاغنه
برکهرایدی بولمادی قیمت نه فایده



حسرتده قالدی جان ودل اول سرو قامته
قورقوم بودرکه قله بو حسرت قیامت
فارغ یوروردی عشق بلاسنه دوشدی دل
بر بی نوا ایدی آنسزین اوغرادای دولته

راد هواه چونکه طبیعتده لطف اوله
 صو کیی کوکلن آقیدر اول سرو قامته
 زلفک یوزکده مارددر کنج بکجیسی
 خطک لبکده مورددر اوشدی شربته
 آهم دخانی ایله جهان اولدی دودرنک
 دیرلرکه برنشانه توتوندی قیامته



غم طاشلرینی دل اوینه نیجه طاشیده
 کوکل دیرلرکه عشق بناسنی طاش ایده
 طاشدن چیقنجه لعل لب یاره اویکنیر
 دیمزکه تکرری اوره بنی ینه طاش ایده
 آهم یلی توزوتمیه خطک غبارینی
 چشمیمه دی که صحن جمالیکی یاش ایده
 همدم ایدنمه بازه نی ای غنچه لب صاقین
 کرم اوله خلقه سر دهانیکی فاش ایده
 دللر ولایتینی خراب ایدیسر اگر
 غم لشکرینه زلف سیاهیکی باش ایده



متاع غمدرر عشقک خریدار اولسون کیمسه
 بلا دامیددر زلفک کرفتار اولسون کیمسه
 بنی دیواه قیلمشدر حاجک زنجیر سوداسی
 سنک افکار عشقکله دل فکار اولسون کیمسه

سنگ اول بند زلفیکه گرفتار اولسون بر دل
 بنم بوقاره بختمدن سیهکار اولسون کیمسه
 بنی قدک هواسی سایه کبی قاره یراندی
 الی ایرمادیکی یره هوادار اولسون کیمسه
 سنی جاندن سون یاری قویوب اغیاره یار اولدک
 سنگ کبی وفاسز یار ایله یار اولسون کیمسه
 کورلدن عشق دردینی دیله کیم حقدن اولدر کیم
 دوشوب کوکلی بلاسینه گرفتار اولسون کیمسه
 فغان و آذوناله مدن او یوماز مرغ ایله ماهی
 یاشم کبی غم عشقه دوشوب زار اولسون کیمسه



دل اوچندن بلا چکمک سکامی قالدی عالمده
 بودردی دایما چکمک سکامی قالدی عالمده
 نیجه اود کوزه دوشمک کوکل اول کوزلر اوچندن
 کوزلردن جفا چکمک سکامی قالدی عالمده
 جفا وجور ایله جانک نیجه بر یاقه سن اوده
 اولنجه نا جزا چکمک سکامی قالدی عالمده
 دوشوب کوکل بلاسینه یت چک عشق دردینی
 دل اوچندن بلا چکمک سکامی قالدی عالمده
 صفا و ذوق عشرتده سورر هر کیشی دوران
 همین درد و بلا چکمک سکامی قالدی عالمده



یر ایده‌لی اول زانف سیاه قلم کوکلده
 یوق بنده کوکل نته که آرام کوکلده
 کادی که قوره زلف کره کیری خیالی
 غم قوشلرینی اولامغه دام کوکلده
 کوکلده هوس قلمدی سرووکلده آیرق
 یر ایتدی چون اول سروکل اندام کوکلده
 سورمادی سرانجام سوزین جام جهاننده
 کیم جام قوماز فکر سرانجام کوکلده
 صوفیه دییه صافی مینی ایچ اهل صفا اول
 یو پخته سوز ایتمز اثر اول خام کوکلده



ای غمزده اوقینه دل عشاق نشانه
 قاشک هوسی قدومی دوندردی کانه
 افسون دل افسانه عشقکدرر آنجق
 باقی نه که واردر قورو افسون فسانه
 که معتکف دیرم کاه ساکن مسجد
 یعنی که سنی استرم اوش خانه بخانه
 نقش دوجهان اولدی عیان کون کبی جانا
 عشقکله جلا ویردی آینه جانه
 وصلکدرر ای دوست مرادم دوجهاننده
 مقصود آرده سنسک و آروغی بهانه

ترك ايار ايسهم عاشقه كه جان عجب اوماز
جانانی یولنده کشی قالماز دل و جانہ
هر کیشیده بردل وار آنکله سنی سور
عاشقه سرود می ومطر بده ترانه



لعلك شوقدر دوکدی کهرلر کوزم اوزره
صیغمادی دوکدی اتکنندن یوزم اوزره
شعرمده کوزم دیشلرک اوصافی کوردی
تحسینلر ایدوب صاچدی کهرلر سوزم اوزره
غمزده اوقی اوتورمغیچون صدر کوزتسه
کسون برو یر ایدیم ایکی کوزم اوزره
بانار دل اوراق جکر سوز سوزمدن
کورن صانیراود دوشدی دلمدن سوزم اوزره
سوز قومامشم سویله مد وصف لیکده
کیمدرکه کله سوز قویه بیله سوزم اوزره



کلشنده کورلدن رخ کلناری بنفشه
مشکین خطک اولدی هواداری بنفشه
شرح ایده ایدی نیتدیکنی کویکه زلفک
کر بولسه ایدی قدرت کفتاری بنفشه
سنبل صاچی اوصافی سویلر دل اوزاتمیش
بیلسم نره دن طویدی بو اسراری بنفشه

نشن چنه سایه صالیدی سر زلفک
 اولوردی بیتن سبز سرک واری بنفشه
 اول زلف ورخایله قدو بالا کی کورن دیر
 بر سرودر برکی کل وباری بنفشه
 خطی لبک نرکس ویمارکه شربت
 پیشوردی قنوب بیلدی شکر باری بنفشه
 صاندم رخک آردنده کوروب طره کی ای دوست
 سلطان کلک اولدی قفاداری بنفشه
 زلفک کبی بر لحظه کسیامزدی یانکدن
 کر بولسه ایدی قدرت رفتاری بنفشه
 نه سحر قیلار کوزلری جادوسنی بیلسهم
 کیم موری چن کوستیر وماری بنفشه
 زلفی کبی کیم کوردیکی وار طوطی* مشکین
 برک کل اوله بالی ومنقاری بنفشه
 طوطی* شکر خاکبی حسنی چنده
 منقاره آیر لعل شکر باری بنفشه

حرف اللام الاُلف

دل شاد اولور قاچان که دم وصل یار اولا
 غنچه کولر چنده چو فصل بهار اولا
 آچلمادایسه کل کبی غنچه عجب دکلر
 کولمز یوزی قاچان کشینک کوکلی طار اولا

شیرین ایکی غنچه ایشیدوب آغزی باغلانه
 کل رخلریکی لاله کوروب شرمسار اولا
 کیم کیردی ایسه کوکله غصه دن آزاد اولور
 نه درد آکا که پیری دمیردن حصار اولا
 شبذیز زلفی یدک ایدوب یدر صبا
 کلکون حسنه رخلری چونکیم سوار اولا .
 طوطی که کوکسی آل اوله ایکی قنادی سبز
 لعل لب نکار کبی قنده وار اولا
 غنچه لبک هوا سی ایله قان یودانلرک
 بلبل کبی ایشی دون وکون آه وزار اولا

حرف الیاء

اولکه عشقکده صارارمشدر یوزی ایوا کبی
 اوینادیر بو کنبه مینایی برالما کبی
 کلسه کوزم چشمه سارینه خیال چشم یار
 مردم چشممدن اورکر آهوی صحرا کبی
 چوق کتیردی بوجهان آرایه مهرولر ولی
 کلبه برداخی اول مهر جهان آرا کبی
 زلف وقاشی فکریله عین جنون اولدی کوکل
 کمدی دنیایه مجنون بودل شیدا کبی

یدی دریاده بولماز کوزلرندن عاشق
دیشاری شوقیه آقان لؤاؤ لالا کبی



برقدحله بیزی ساقی غمدن آزاد ایلدی
شاد اولسون کوکلی آنک کوکلر شاد ایلدی
بنده ایدی بونجه ییللر قدینه سرو روان
طوغرولقله قولاق ایتدیکيچون آزاد ایلدی
اودایله قورقوتمه واعظ بیزی کیم لعل نکار
جانمز بیزم اوده یانمغه معتاد ایلدی
ایستر ایسه ملک حسن آباد اولادایله کیم
پادشهر دادایله ماکینی آباد ایلدی
آلدا یوب آلدی دهانی یوق بهایه جانمی
صورتا بر بوسه یه آلدیم دیبه آد ایلدی



طوتدی یری کوکی ای مه حسنک آوازدهسی
طولدی اول آوازه ایله جان و دل دروازدهسی
برک کلدن ایلدی دیوان حسن اوراقتی
یاراشیر جان رشته سندن اوله کر شیرازدهسی
قو خیال عارضک کوکلده یاتسون برزمان
کیم قوقو ویرمز ایکن کل یپراغینک تازهسی
با که ناصح چیمه دیر اندازدهدن بیلمز آتی
کیم ایشینه عاشق کیرمز خرد اندازدهسی



رخاری دورنده درلرمی دیزوبدر اول پری
یوقسه شبنماه یوزنمی یودی کلبرك طری
زلفنی زین ایلمش آلتون ورقارله مکر
جلوه ایلر زانی طاؤسی آچوب بال وپری
یا تماشایتمکه گلشدر خیلی نجوم
جلوه ایلر حسن میداننده مهر خاوری
باش صالوب خشم ایتسه عشاقه دلك بروجهایه
هر طرفدن یوز اوروب زاریلك ایلر زیوری
كل یوزینك شبنمی بحر ملاحه درلری
نیاكون خالی لطافت جویینك نیلوفری



هیچ کوز کورمش دكل دیرلردی دیداری
یار دیدارنده کوردم بن هله آثاری
اوغرامز اولدی دیله خیلی خیال دلبرك
کوزلریمك یاشی بکزر باغلادی یوللاری
قنده برکل یوزلی وار ایسه خار النده دامنی
خار سزکل بولدم کوردم جهان کلزاری
خال کافرکیشك اولسیدی مسلمان ای صنم
مصحف اوستنده قومزدی زلفکک زناری
آغزیکي کویا مدار حسن قیلمش صنع حق
حسن وجهیه چکرکن صورتك پرکاری
مهریکه جانندن خریدار ایلین دلدر بی
مشتیرینك کرم ایدن دلادر بازارینی

سرود قومش قریه بکزردی اول فداوزره دل
طوق ایدسه بوینته اول زلف عنبر باری



نیشه بکزر غمزده سی ونوشه بکزر بوسه سی
لباری پاوده تر یا شکر سنبوسه سی
آرتق اولور لذتی شکر مکرر اولیـهـجق
قانی خوش کلدیکی اولدورر مکرر بوسه سی
زانی مشکین خوشه در رخساری لعل سیدر
تازه خرما لبلی شفتالوی تر بوسه سی
رایکندر نقد جان ویرسه دلبر لبـلـرین
کیم حیات جاوداندرر آنک بر بوسه سی
اغزینی براویمکه بیک جان ویریرسه دلنوله
کیمدور جان ویرمیه کیرسه ایه بر بوسه سی



دور ایده دوران اکر یوز ییل جالکدن بی
هرنه ممکن کآیره بردم خیالکدن بی
یکی آیه دونمشم باشم کنارنده شفق
تاکه آیردی فاک مشکین هالالکدن بی
ذکر وفکرم بیلک واغزک خیالیدر سنک
شوق بردم غافل ایتمز قیل وقالکدن بی
آفتاب حسنکه اولدی رقیب ابرو سیاه
قاره بنختم کبی آیردی جالکدن بی

اولشم جانا پریشان خاطر وشوریده حال
آیبرلدن قاره بختم زلف وخالکدن بی



کل کل ای آرام جانکیم چوقدن اوزلر جان سنی
آج یوزک کیم کورمک ایستر دیده کریان سنی
سکا سورار دیشلری وصفی ای کوز جان و دل
در آرار غواصر در صاندیلر عمان سنی
برنفس دکنمک ای دل نسیم وصل ایله
شمع وش یاقدی آرتدی شعله هجران سنی
دیدم ای مه حسن دورنده قلوب صاحب قران
اول که بو وجهیله ایتدی آفت دوران سنی
کل یوزینه قارشو حیران اولدیغم کوردی نکار
دیدم کیمدرر ایدن بو وجهله حیران سنی



سیل باده در یاقدن غم قصرینک بنیادی
میل ساقیدر یاپان کوکم خراب آبادی
بوی آلانلر سنبلکدن بولدی عمرندن وفا
چاشنی کورن لبکدن بولدی آغزی دادی
کارگاه عشقه هرکیم باقسه فرهادی آکار
آکدوررمش صنعیله مرد کامل آدینی
کورسه زرین بت ایدر میل اکه اول سیمین صنم
یومشادان اود در انک کوکلنده کی بولادی

شیوۀ فرهادی کورن سا که تحسین ایلدی
 لاجرم شا کرد مقبل آ کدیریر اوستادینی
 نیجه آقاسون کوزومک قانلی یاشی دجله وار
 کلدی غم تاتاری یاقدی کوکملک بغدادینی
 حوض کوثر دن صویرمش روضه رضوان آکا
 باغبان صنع دیکدکده بویک شمشادینی



عشق شاهینک خیال قامتکدر سنجانگی
 آهم اودی شعله سی اول سنجاغک دال یپراغی
 شویله حیران اولدی اول نقشینه رنگین لعلکک
 کیم قالوبدر خاتمک آغزنده حیرت پارماغی
 مار زلفک غصه سیله آغولانمشدر رقیب
 صاچیلیر زهر آچسه آغزینی اول آغو بارداغی
 کلخن محتده آهم دودیدر چیقمش کوکه
 سیدر کهسار غمدن اینمش اشکم ایرماغی
 خط نورسته آراسنده یکاغک تاب اورور
 برک سبز ایچنده کویا کورینور کل یپراغی



اول الف قد حسرتندن جسمم اولدی موکبی
 ماوراءالنهره دوشدی یاش دوکوب آهو کبی
 کوکله دوشسه هوای عارضک ای سرو قد
 موج اورور هر جانه طبع روانم صو کبی

ایشیدیردك مدح ایدنلر كاشن جنت كن
 بكنزه مز بوكلكره دیرلردی اول كل بو كبی
 چارسوی حسنده هنكامه طوتدی زلف یار
 چشم اول هنكامه ده تیغ اوینادیر هندو كبی
 عالمك ایچن كزوب كوزدن كچیردی سربسر
 كورمدی مهر فلك برداخی اول مهر و كبی



كل یوزینك شبئمی بحر ملاحه دُرلری
 نیلكون خالی لطافت بوینك نیلوفر
 یریوزینی طوتدی ظلمت چون سویندردی کیجه
 چرخ فانوسنده مه شمعی آهم صر صری
 جان ودل میخانه سیدر لعلك ای کافر بچه
 ديك سر زلفكدن اول میخانه اوزره چنبری
 آچشیکن دفترین كل نقد وقتی قیل حساب
 سن كوزك آچنجه یومار باد صبح اول دفتری
 نیچون آچاماز دهانك غنجه سی کوکلم کبی
 آچیلوبدر هپ جمالک کلشنینک کلری



شوق لعلك اشك چشم رنکنی آل ایلدی
 خامه زلفك خیالی جسممی نال ایلدی
 قدیمی بارغم زلفیله اول مه ایتدی دال
 آباغینه مرغ عشقك صکره خاخال ایلدی

قارشولادیلر خیال یاری عقل و جان دل
 شهرتینه شهر خاکی چیقدی اقبال ایلدی
 بی وفار ایچره برآد ایده‌ین دیدی مکر
 اول الف قد آنک ایچون قدیمی دان ایلدی
 خسته ایشدی دلی لطفندن اول دلبر کلوب
 صورتی حالن نازایله مسکینی بی حال ایلدی



کلی واردر کله‌تانه اول رخ احمر کبی
 سرومی واردر چنده اول قد عرعر کبی
 دل اوچندن شوق خدکه طوتشدم شمع وار
 حسرت اودلاریله یا قدم سینه می مجمر کبی
 شویله طوتدی روی زردیمی کوزومک یاشی کیم
 صو ایچنده غرق اولوبدر برک نیلوفر کبی
 یازمغه حسنک صفاتنده اولان اشعاریمی
 کلرک اوراقی دورمش صبا دفتر کبی
 یوزک ای حوری فرشته کورسه کردیوانه اولور
 کورمدم بن نسل آدم سن پری پیکر کبی



آی وکون شمع جالاک نورینک پروانه‌سی
 زلفکک زنجیرینک باد صبا دیوانه‌سی
 شوق اهلکه ایرشدی کوکلره جوش و خروش
 نعره عشاق طولدی عشقکک میخانه‌سی

تیغ غمزه کله کوکل یوز یرده یاردی سینه سن
زلف غنبر بارکک ایسترکه اوله شانه سی
لاله وش جام لبک یادینه جانا کوکلک
کوز کبی خون جکاره طولودر پیانه سی



چکمین عشقک غمن عالمده دلشاد اولمادی
بنده اولمایان بویک سروینه آزاد اولمادی
باش اولهم دیرسهک بویولده عشق باغنده قوطاش
خدمت ایتمه یین کشی استاده استاد اولمادی
دمی واردر لعلکی یاد ایلیوب قان یرتمیم
سنی کورمن اولدق ایسه کوکاز یاد اولمادی
طویمادی صورت یوزکدن آینه یوز بولمادین
سرو قوللق ایتمدین قدیکه آزاد اولمادی
سیقه لی تاتار غم سیواس دل یاتور خراب
روم حسنک سربسر معور اول آباد اولمادی



جویه مایل کوردم اول سروک قد دلجوبی
کوی ایچنده آقیتدم قانلی یاشم جوبی
کون یوزی مهریله سرکردان دکلسه ماه نو
کیجه لر تا صبحه دک نیچون طولاشور کوی
شیشه ناموس وعارم آم کیم اول سنک دل
طاشلره دوکدی وچالادی یره یوزم صوینی

جانمی حمای فرقه بدن خلاص ایلردی کر
 یونمه مفتول ایله دیدی زلف غنبر بونی
 ترکیکی اورماغیله دل سندن ایراغ اولمادی
 آریایرهش کیشی جانندن کسمزایمش خوینی



بزه طوغرولمادی قالدی اوقشی یانیه کی
 آتماز اولدی دله غمزه اوقن آیانیه کی
 کوکل اوجاغنه کوزم یاشی صو قویئنیکن
 ینه یاقار یوره کم آتش سودا نیه کی
 زلفنک سوزینه اویدی بزی صالدی آیاغه
 باقماز اولدی بزه اول ترکس شهلا نیه کی
 آغزینی صورمق ایله قدی قیامت قوباریر
 یوق یره باشمزه ینه بوغوغا نیه کی
 اورمشیکن لب جان بخشی دله مهر امان
 چشم و ابروسی کیرو ایلدی یغما نیه کی



بکا اغیار ایشنی ایلدی اول یار دخی
 کورسه حالیمی بنم رحم ایده اغیار دخی
 غم بکا در که بکا کیمسه سنک کبی دکل
 سکا نه غم نیجه بنم کیسلر وار دخی
 یاش دوکوب خامه کبی حالمی شرح ایله ییجک
 چویریر اولدی یوزین دفتر وطومار دخی

ای کوکل زلفی اوچنده نیجه بر غم چکه سین
 کورمدم سنجلین بر دل غمخوار دخی
 باغ حسنکده کورهلدن بری کل رخلریکی
 کوزیمه کیرمز اولوبدر کل کلزار دخی



نیجه طوینجه کوردم سن کل نازک بدنی
 کندی کیریپکم اولوبدر بکا کوزم دیکنی
 حیقہ ماسون آهم اودی آغزیمی آچدرمه بنم
 یاقاسون سبوز درونم سنی سویلتمه بنی
 کی کبی باغزیمی دلدک قومادک ناله قیلام
 نه ایشک نیسه اوغرامشم ایوای بنی
 بنی سایهک کبی ای سروقد آیاقده قومه
 بویله خاک اتمه ایکنده یولکه جان ویرنی
 زلف مفتولی قاجان بوینسه قولون طولایه
 یرتندن یاقاسین چاک قیلار پیرهنی
 نقطه مسک کیدر لبتک خالی مکر
 شبه در کیمسه یه کشف اولمادی سر دهنی
 جان ویریر بلبل دل کورمزایسه کل یوفیکی
 طویه ماز هجریکه جانم سون اولسونمی سنی



غصه زلف نکار ایتدی سیپکار بنی
 قاره مختم دخی نه کونلره صاقلار بنی

خار هجريله ايدوب غنجه کبي باغريني قان
قيلدی بلبل کبي زار اول يوزی کلزار بی
عقل وفکر م طاعیدوب زلف سیهار کبی
قیلدی افکار غم عشقی دلفکار بی
یار بیلدم سنی بن عالمی اغیار ایدوبن
دوستم سن نه ایچون بلمیه سین یار بی
دامن وصلکه بیلیردم ال ایرمایحکن
سرو بالا که کوکل ایتدی هوادار بی



دود آهیمه نیجه بر بویام شمع کبی
آتش هجرایه یانوب توکنم شمع کبی
دردک ایله اولیجک دل باشم اوچنده یاتوب
دود آهمله قارایه بویام شمع کبی
نیجه برسینه می بجر کبی پرسوز قیلوب
دل اوچندن اوده یانوب کوینم شمع کبی
ایله یاقادی بی شوق رخک اودلره کیم
کیجه لر یانوبن ایرته سیونم شمع کبی
کیجه لر ایرته یه دکلو دیکیلوب قارشوکه
طوتوشوب شوق رخک برله یانام شمع کبی



یاقدی یاندردی بی یار و دیار آیریانی
نیجه مشکل ایش ایمش سوکلی یار آیریانی

بیلیم بن نه چکر کوکلی زلفکدن ایراق
 اولسون کیمسه لره صبر وقرار آیریلنی
 کوردی کل یوزنی دل بلبلی اونوتدی غمن
 اونودیرمش کشی وصلتده هزار آیریلنی
 بلبک کل یوزنی کوریحکز بنجلین
 آغلادینی بو کاکار آخر کار آیریلنی
 سکا نه دل سر کوکدن ایراغ اولدیه
 کلستانه نه ویریر بلبل زار آیریلنی



باغ جانده آچیلان غنجه خندانیدی
 کلشن دلده بیتن سرو خرامانیدی
 زاهدک یوق لبک قاره سنه میلی دیدم
 کولدی دیدی انه کیرسه ایدی جانیدی
 اول یوزی کل ایشیدوب آهمی کوینده دیدی
 بزى او یوتیمان اول بلبک افغانیدی
 یاغدیریرکن صاحی ابری یاشمک یاغورینی
 برق وش یالديره یان لعل در افشانیدی



عکس جمالی روشن ایدر دل اوتاغنی
 زلفی خیالی خوش دم ایدر جان دماغنی
 نیتکه شمع کیجه ده کوندن یاقار چراغ
 هر صبح کون یوزکدن او یاریر چراغنی

قان یونارم اونجه لېن دیر کوکل بکا
 بکزرکه قانادیر اوپر ایکن طوداغنی
 پیر اولدی کرچه کیم دل شوریده هجرايله
 لکن کچیرمدی دخی بو عشق چاغنی
 زلفک بنک غمینی آلیر نه دییه کوکل
 بونی باغنی سویله یا باغری داغنی



لبلرکه غنجه نک وار چوق سوزی
 یوزه یوز سویاشمکه طویماز یوزی
 جانم آل بر بوسه ویر دیدم دیدی
 سویلمه ایشتمه سونلر بوسوزی
 طوغه لی قابو کده اشکم کوکبی
 آسمانک خیلی دوشکون یلدوزی
 نار عشقیله کول اولدم دیر رقیب
 دونسون اوجاق طاشنه قاره یوزی
 دوشه لی زلف ورخک فکرینه دل
 قدر وعید اولدی کیجه سی کوندوزی



دیدیلر یوزی آفتاب اولدی
 بن باقجه کوزم پر آب اولدی
 بن اوماردم که آی اوله آنک
 بزى یاقماغه آفتاب اولدی

رخلرك تاي چيقدى كوك يوزينه
 كيجه مه كوندوز آفتاب اولدى
 اوچار ايكن هواده دل مرغى
 دوشدى شوق اودينه كباب اولدى
 خط مشكينه حسنك اوراقى
 خوب خطيله بر كتاب اولدى



اقيم حسن اولهلى زلفك سر آمدى
 دور رخكده كمسيه باشيني اكمدى
 زبازيني رقيب كيسه كالكل كبي
 آلنيكه چونكه برق اوره نور محمدى
 صوكيى خرج ايدرسه نولا اشكنى كوكل
 چوقدر ديمكده غمزده اوقندن در آمدى
 بوزدى برات خطى كلوب لعلى مهرى
 شرع مسيحي نيته كيم احكام احمدى
 راز لينى قنده دويه مرغى آنك
 ديرلر كه سر روحى بنى داخى بيامدى



بر نفس غمدن اولمازىز خالى
 نه عجيدر بو عالمك حالى
 دنياده حالى بيلير كيشى يوق
 عجب ايمش بو دنيا احوالى

طوریوب بر قراره چرخ دوز
 بویه دورر بو دنیا طورالی
 جانن اوده آتار دیلر دون کون
 صویه طور اغه خرج ایدر مالی
 اشبو دار غروره نهك صیغماز
 نه که یتمز بو قبه عالی



بابل اول دکلو شو خلق قیلدی
 که کولوب غنجه کوکلی آچیلدی
 بیل اوغرلادی ترکسک تاجن
 کورمدین کیمسه آره دن ییلدی
 درهم ایتشدی غنجه یه آغزک
 که کولوب غنجه کوکلی آچیلدی
 کـندوزینی طاغیتدی کل بکزر
 کل یوزک کوردی عقلی باییلدی
 کیجه دن صبح دکلو قارشوکه شمع
 کوز یاشن دوکدی یاندی یاقیلدی



کوزومک چشمه سارنده کسامز یازو قیش یاشی
 سزرسم اول پیکارک بن جکر داغنده در باشی
 فلک کون یوزکه عاشقدر ای ماه جهان آرا
 کجه لر طویمایوب هجریکه باصا باغرینه طاشی

سرمودر دهانی کیم زبان خامه‌یه صیغماز
 جمالی صورتن یازدقدہ یارک صنع نقاشی
 کیجہ یوق کیم کوکل شهرندہ جانا اولر آچاماز
 سر زلفیکی طوآسونلر کیم اولدر اوغرولر باشی
 می صافیلہ ہر جان کیم صفا کسب ایلیہ چون جام
 بر اولور کوکلی وکوزی پر اولور ایچی وطاشی



کوزومک قانلو یاشی کورمکہ یاری حجاب اولدی
 شفقدن کون یوزینہ صانکہ کلناری نقاب اولدی
 صوآرتار چشمہ لردہ نوبہار ایردجہ آنکچہون
 سنک حسنک بہارندہ بنم چشمہ پر آب اولدی
 جمالک آسمانینہ چیقوب عاشقارک آہی
 بلا سیلابی یاغدیرمغہ مشکین سخاب اولدی
 قاشک سیمین ستون اوستندہ مشکین سایبان قوردی
 ایکی باشندہ زافک آکا عنبردن طناب اولدی
 کوزمدن یاش دکل آقان خیالی کللری یارک
 یانوب سوز درونمدن عرق دوکدی کلاب اولدی



کوکل اول طرہ شبگیرہ دوشدی
 کور اول دیوانہی زنجیرہ دوشدی
 کورہ لدن قاشلر کلہ کر بیکی
 جہان خلقی کان وتیرہ دوشدی

رخوکه اویکیر دیدکاریچون
 اوتاندی لاله یوزی بیره دوشدی
 صاچک چینده صورت طوتدی خطک
 آنکچون اهل چین تصویره دوشدی
 طوتالدى خطکک تزویری صورت
 زمانه خلقی هب تزویره دوشدی



دله ظلم ایتکک اورانی یوقی
 غریب اولدیه نوله جانی یوقی
 صاچینه جانلر الحق قیلجه کلز
 عجب اول ظالمک ایمانی یوقی
 کوزک دل ملکنه نیجه ایدر ظلم
 نهدر بوایلرک سلطانی یوقی
 اولور دیرلر اولمدن غیری درده
 محبت دردینک درمانی یوقی
 طوقونور جانمه غمزهک آجیماز
 نیجه اوقدر عجب بیکانی یوقی
 اولاشدیرمش لبک عشاقه حلوا
 دل مسکینه حصه قانی یوقی
 اوزاتدی ظلم الن زلفک زیاده
 بو ظلمک دوستم اورانی یوقی

ابن کمالک دیوانده بولمايوب بعض مجامع ادبيه ده

منظور من اولان آثار منظومه سی

خراباته کور یئلر :

سزه بندن نصیحت اولسون کیم
غم ایرشدجه ایتیمک فرید

ایکی درلو ضرر مقرر در
دیدي بوايش ایچنده براستاد

اولا بوکه دوست غمدن اولور
تانیسا بوکه دشمن اولور شاد



معرفت کرچه که بکزاده لره لازمدر

اهل علم اولماز ایسه یینه بک اوغلی بکدر

اهل علم اوغلی اولوب مدرسه عالمده

جاهل اولمقدن ایسه طوغمدان اولمک یکدر



منصبده بر اولسه دخی کر عالم و جاهل

ظاهرده مساویسه حقیقتده بر اولماز

آلتون ایله فرضا که برابر چکیله سنک

وزن ایچره بر اولمق ایله قیتمده بر اولماز



عجبت قصدی هر بر آدم ایله
دکندر عاقله حسن ابدن
محبت قصدین ایتدکده کرکدر
طارلدوب صینایه سین برسدین
تحمل ایتمز ایسه ترک ایدسین
محبت زائل اولور چون غضدن
وکرنه صبر ایدرسه قیمت اولساز
آکا یوز بیك ثمن سیم وذهبدن



محو اولوب کیتمز مرور دهر ایله باقی قالیر
خامه ایله صفحه اوراقده مزبور اولان
صفحه عالم نه آلیق کاغد اولور آنته
برنفسده نشف ایدرهپ اوسته مسطور اولان



ال ویرمدی مکاره دنیا دیه ای دل
اواره اولوب ایلمه اظهار تلاشی
جمع ایلماش مجالس عالم قورولالدن
عرفان ایله بریرده خدا عقل معاشی



بر سرو بسلم نیجه ییل باغبان اولوب
سرکشک ایتدی اولدخی دامنکشان اولوب



اولدی غنچه یوزیکه زلفک نقاب
صان نهان اولدی بولوتده آفتاب



قوای دل چوق سوزی زلف پریشاننده دلدارک
پریشان سوزلری جمع ایله دفتر باغله دیوان ایت

یوله چیقسه شاهلر عادتدر بران یاغار
سن نه شهسین یولکه خلک کوزندن قان یاغار
کوزلرم یاشی امید وصل ویم هجر ایله
بکزر اول بارانه کیم بر آن دیگر بر آن یاغار



عیش ونوش ایله بوکون آکمه غم فردایی
سکا اصهارلادیلمی بویالان دنیایی

سلطان سلیم اول حقنده کی مرثیه مشهوره سی :

عزمنده نوجوان وحزمنده بیر
صاحب السیف صائب التدریر
هم صف آرا ایدی هم آصف رای
نه وزیر ایستر ایدی نه ده مشیر
الی شمشیر ایدی دلی خنجر
نیزه ایدی قولی وپارمنی تیر

آ ز مدته چـوق ایش ایتش ایدی
 سایه سی ایش ایدی عالم کیر
 شمس عصر ایدی عصرده شمسک
 ظلی مدود اولور زمانی قصیر
 تاج و تخت ایله فخر ایدر بکار
 فخر آنکله ایدردی تاج و سریر
 کوکلی اول سورده بولوردی سرور
 که چلا چاغریدی تیغ و نفیر
 رزم ایشنده و بزم عیشنده
 کورمدی پیر چرخ آکه نظیر
 کیرسه میدان رزومه شیر دلیر
 چیتسه ایوان بزمه مهر منیر
 اولیـجق دار و کیر اول شیری
 آکـسون و قانلر آغلاسون شمشیر
 حیف سلطان سلیمه حیف و دروغ
 هم قلم آغلاسون آکا هم تیغ



ال یازیسیله محرر بعض مجموعه لرده کوروان آثاری :

تیز اولمه تأمل قیل هر حاله تحمل قیل
 الله توکل قیل تدبیری بوزار تقدیر
 جهل ایله فساد ائمه یاکاش سوزی یاد ائمه
 حق سوزده عناد ائمه تدبیری بوزار تقدیر

بویند معظمدر مکتوب مکرمدر
قانون مقدمدر تدبیری بوزار تقدیر
قول فضلا حقدر اینانیمان احمقدر
والله محققدر تدبیری بوزار تقدیر

قیلدم بوسوزی تحریر دیکله ایدیم تقریر
بودر ازلی تعبیر تدبیری بوزار تقدیر

دیکله سوزیمی مؤمن دیمه هر ایشه ممکن
حق ویرمیجک مسکین تدبیری بوزار تقدیر

شک ایتمه صاقین یا هو بی شبهه محلدرد بو
چوقدنکه مشدر بوتدبیری بوزار تقدیر

صائمه بونهان سوزدر کون کیمی عیان سوزدر
محبوب جهان سوزدر تدبیری بوزار تقدیر

سوز دیمه فالانکدر حکمت چو خدانکدر
قدرت یارادانکدر تدبیری بوزار تقدیر



آدم اولدرکه صدف سینه ودریا دل اوله
در پیچیده بحر سخته واصل اوله

سفهانک سخن برفتنن ایتمه کوش
ایده منکوش آنی کیم ناقلی برعائل اوله

چونکه قلب آتچیه بکزر سخن اهل نفاق
لاجرم قلب اولور اول دل کیم آکا مائل اوله

خصمی برمور ایسه ده کندی سلیمان زمان
آکا جور ایامیه حق نه ایسه قائل اوله

نه قدر قدری بلند اولسه ده خورشید صفت
ینه ذرات جهانہ نظری شامل اوله

اوله یا عالم و یا خود متعلم یا خود
علما و فضلا مجلسنه داخل اوله

اولسه علم ایله علم کرچه مسلم اما
هنر اولدر چالشوب علمی ایله عامل اوله

ید اخلاص ایله بذل ایله بزر عثمان
صکریه تا سنبل صد دانه لری حاصل اوله

بوروامیدر اولوب جرعه کش بزم غرور
عقل دراکی می غفلت ایله زائل اوله

خواب غفلتدن او یانوب کوره فردا غمی
هله انصاف دکل عاقل اولان غافل اوله



مرض عشقی کور شفا یرینه
آلی کور دردنی دوا یرینه

یوزومه باقه-ین کچوب کیمه

سوک بکم باری مرجبا یرینه

سینه مک سری فاش اولور یوقسه

چاک ایدردم تی قبا یرینه

بکا سودای زلفک آخر کار

قاره چول کیدیریر عبا یرینه

مفت مسکن صانور جهانی کشی
نقد عمرین ویریر کرا یرینه
چیتا-اردیم کوزیمی کورمز ایسه
خاکپایکی توتیا یرینه



طلب ایدن ایرر بردمده حقه
یقیندر مطلبك کیتمه اوزاغه
مرام نفس دنیا جیفه سیدر
سنی مردار ایدر اویمه اوزاغه



صورتن دوزمک‌ایله کیشی مسلمان اولماز
خاتم اورنمغله دیو سلیمان اولماز

جهانده هرکیم عورتدن حقیقت اوماراحمقدر
ینار اوده آقار صویه یله قارشو طیاقمقدر
وفاسندن کایر زندن حقیقت کز ای عاقل
همان اولاسی آئاردن کنی عرضین صاقمقدر



کشی کیم جاهل اولور سه نه بیاسنون کیم نه در مذهب
کالی کیمدن اوکرنسون کشی کیم بلمیه مکتب

تواضع ایتمه جاهیله کورر سهك آنى جاه ايله
اشك آلتون قبايله يوريرسه آديدر مركب



كه صفا بولدى كوكل آينه سى كاه كدر
عالمك حالى بودر بويله كالير بويله كيدر
كر ديلر سهك كه ايدى صورت حق سنده ظهور
صاف قيل آينه قاي كدر قريمه كيدر



قيلى اسناد ولد خالقه نيجه ابتر
حضرت احمد ساهر ديدى نيجه غافل
چونكه الله ايله اولمادى رسولى سالم
غم يم كرى ذم ايلسه برقاج جاهل



بلكه ايام حياتى دوكلى شرده ييته
بو ايكي پندى هر كيمكه بنم طوماز ايسه
دختر قصر ايسه باقمايه عورت يوزينه
بورج ايدنمه اكر وعده سى محشرده ايسه



يوق يره نعمتى خالقه صاقين بذل ايمه
دنياهه نان ونمك حقنى كوزلر يوقدر

مسکته اوزکی خاکه برابر قیلسه
کشی یی ایلک ایله یاد ایدر اوزلر یوقدر



عالمک فضلی دکدر جاه ایله
جاه ایله کلز فضیلت جاهله

جاهل اولان پیر نابالغ اولور
جهل کیمز چهل ایله پنجاهله



مطبخ دهر ایچنده آج اولسه
کیمسه نک نعمتینه ایتمه حسد

رزق ایچون فی الحقیقه غم یه کیم
«ضمن الله رزق کل احد»



کن غنی القب واقع بالقلیل
مت ولاتطاب معاشاً من لئیم

لاتکن للعیش مجروح الفؤاد
«انما الرزق علی الله الکریم»



بی ذم ایتمه دن حسوده چه سود
کندینک زشت خویی ظاهر اولور

ذم اولندجه نشر اولور هنرم
ازسه لر مشکی بوی ظاهر اولور



عالمک یوق چو بر دمنه بقا
عقل اولان بونک نه سینه بقا

آدم اثریه بقا بولور
اهل خیرک اثر لرینه بقا



الصدق فی اقوالنا اقوی لنا
والکذب فی افعالنا افعی لنا



عشق اولینجه سرده خروش ایله مز کوکل
دریا تموج ایلیه مز اولسه هوا



بی بقادر بومنزل ای احباب
فاتقوا الله یا اولی الالباب



یار سرکش سینه پر آتش کوکل سودا پرست
بخت ناهموار و طالع سر نکون خاطر شکست [*]

[*] بوغزل رجال مولویه دن درویش چلی یه ده اسناد اولور .

شهر غم آباد بهجت خانه ویران و خراب
 رتبه اهل عالی پایه اقبال پست
 باد حیرت مهیا کیسه آلام پر
 بزم هجران کرم وهم هشیار عالم جمله مست
 کیسه امید خالی دست استغنا تهی
 منزل فرصت بعید و پای استغنا شکست
 ظامت محنت هویدا صبح همت ناپدید
 نیک و بد بر مقتضای قسمت روز الست



سفید و سرخ ایله اولماز خراب قصر حسن آباد
 قاجان اصلاح ایده عطار آنی کیم دهرایده افساد
 صولادی صوقاقلاری سقای ابر
 سوپوردی ره شاهی فراش باد
 فرحندن دوکوب یاش سمانک کوزی
 جهانک یوزی کولدی واولدی شاد



هیچ بیلدگی بواموات قبرده نیلر
 هرکیاهی دیل اولوب ساکه نصیحت ایلر
 استخوان سرنی کاسه ایدوب یوللرده
 هر کچندن ال آچوب یعنی داجر ایلر

عالمک احواله یوقدر ثبات
 آدمی که آغلاتیر که کادر

کلیستانندن جهانک هر کسه
که دیکندر صونیلان که کلدر



کوکل ییقمق خراب ایتک کیدر بیت معموری
ولی یایمق هزاران کعبه بنیاد ایتهدن یکدر

قول ایتک لطف واحسان ایله دنیاچه بر آزادی
افدی ! نیچه یوز بیک قولی آزاد ایتهدن یکدر



که صفا بولدی کوکل آینه سی کاه کدر
عالمک حالی بودر بویله کلیر بویله کیدر

هر قاجان قارنجهنک بالی بتر
اولور اول بی چاردنک حالی بتر

ای دل منبسط قتی کوله
خنده ضمتده کریه منضمدر
منقلبدر جهان بو قلمون
انبساطی غمیله مدغمدر



دنیا که کاربان حوادث قوناغیدر
ملر ایتک دکدر ارادل یتاغیدر

دنیا به نسبت ایله هله سن اینان بوک
قبرم حضور گوشه سی وحدت بوجاغیدر



قونوغک کندی رزقیدر یدیکی
اجیق طوت قاپوکی برکون قاپارلر

یدیکک ساکه قالیر، صاقلادیفک
نه دکلو باغرکه باصهک قاپارلر



شریعت کیم سرای کبر یادر
حقیقت مالکیدر محکم بنادر

آنک طاشینی هر کیم قوپاریرسه
یرینه باشنی قویق روادر



قلم صنع حده سهو اولمز
هپ خطایین اولانلر احقدر

شول قدر وارکه مقتضای قدر
کاه مبرم کهی معلقدر



قاجان اویره دولت برکشی به
عدوسی داخی آکا عزت ایلر

خدا کو سترمسون یوز دوندورورسه
اجباسی دخی هپ نفرت ایدر



بحر معناده دل اولوب غواص
صدف اولمشدر زبانه سوزدر
کرم ایدر سردی نرم ایدر سختی
سحر و افسون دیدکلری سوزدر



معرفت کرچه که بکزاده لره لازمدر
اوقویوب یازماز ایسه یینه بک اوغلی بکدر
اهل علم اوغلی اولوب خاتقه دنیاده
جاهل اولمقدن ایسه طوغمه دن اولمک یکدر



ذنوبی کموچ البحر بل هو اکثر
فاسغرها کالطود بل هو اکبر
ولکنه عند الکرام اذا عفی
کعضو الذباب بل هو اصغر



آیاغیکه دوشدیکک عاشققلرک عیب ایلمه
پای شمعنه دوکولور هپ یانجیق پروانهلر

کوزلرم یاشی امید وصل ووهم هجرله
بکزر اول بارانه کیم بر آن دیکر بر آن یاغار



کوزیوم جهانندن آج کوزکی غفلت ایلمه
سن کوز یوموب آچنبجه بو عالم کلیر کچر

بیلمدیک بیلمدیک شخصه مقارن اولمه
هم نشینی کشینک شویله بیل ای اقبل ناس
معرفت معدنی اولمازسه سخا کافی کرک
بونلر اولمازسه هله بازی کرک قدر شناس

تاریخندن :

اگر برج سعادتدن غروب ایتدیه براختر
جهانه فر ویرن خورشید دولت تابدار اولسون
اگر درج مکارمده شکست اولدیه برکوهر
پر اصداف لالی در بودریا برقرار اولسون
اگر سنک حوادثدن خراب اولدیه بربرجی
حصار استوار عمر اساسی پایدار اولسون
کلستان سعادتدن اگر اوچدیه بر بابل
همیشه کلر آچلسون قونان ببل هزار اولسون

ایدوب فرعن رفیع اصل اصیاین حق طوتار باقی
بواصل فرعک آثاری جهان طور دجه وار اولسون

اولو العزمده چون اوله حزم و رای
کلور طوتدینی صرب ایشلر قولای.

قیون چون ایره عمرینک صوکنه
آیاغیله کلور قصاب اوینه

آدمک بوجهان فانیده
ذکر باقیسی عمر ثانیدر
خیر ایله آکدیره کور آدیکی کیم
ذکر باقی و عمر فانیدر

جاهل اولان کیمسه مفرط اولور
مفرط اولمیجق مفرط اولور

صوکنی فکر ایتین کشی اوکنده
النی دیشه اورر ایشک صوکنده

ایومک اولماز وقتی واردر هر ایشک
نفعی اولماز دفعی اولان جنبشک.

